


শ্রেণী ভেদ

সুভাষ চক্রবর্তী



—পরিবেশক—

নবগ্রন্থ কুটার : ৫৪১৫এ, কলেজ ষ্ট্রীট ; কলি ১২

॥ प्रथम प्रकाश ॥

१९७१ वैशाख, १७७४

प्रकाशक

श्रीशिशिरकुमार बन्द्योपाध्याय

७/ए, शामाचरण दे स्ट्रीट

कलिकता-१२

प्रच्छद शिली

विकाश सेनगुप्त

प्रच्छद मुद्रक

मोहन प्रेस

मुद्रक

गौरहरि दास

सरमा प्रेस

२२नं ग्रे स्ट्रीट

कलिकता-६

ब्लक

गोष्टविहारी चक्रवर्ती एण्ड ब्रदर्स

डिन टाका


STATE

ACCESSION

DATE

१७७४

२७/६/७७



লেখকের কথা !

'অন্ধ দেবতা'র ঘটনাবিষ্টি ১৯৪৬ সালের মাঝামাঝি থেকে কিছুদিকি দিকি দ্বি-বর্ষকাল বিস্তীর্ণ।

সাপ্তাহিক 'এশিয়া' পত্রিকায় 'অন্ধ দেবতা' ধারাবাহিকভাবে প্রথম বের হয়। কিন্তু উপস্থাসটি সম্পূর্ণ হবার পূর্বেই 'এশিয়া'র আয়ুষ্কাল শেষ হয়ে যায়।

'এশিয়া'র ধারাবাহিকভাবে প্রকাশিত হবার সময় উপস্থাসখানি যে অনেকেরই দৃষ্টি আকর্ষণ করেছিল, সে কথা আমি জানতে পারলাম 'এশিয়া' বন্ধ হয়ে যাবার পর পাঠকদের কাছ থেকে কয়েকখানা ব্যক্তিগত চিঠি পেয়ে। *

'এশিয়া'র প্রকাশিত কিছু অংশ পাঠককুলের মধ্যে সাড়া জাগিয়েছিল। সমগ্র উপস্থাসখানি পাঠে সে ভাব অক্ষুণ্ণ থাকলে, আমার শ্রম সার্থক মনে করব।

প্রখ্যাত সাহিত্যিক শ্রীমনোজ বসু বহু ব্যস্ততার মধ্যেও সময় করে 'অন্ধ দেবতা'র পাণ্ডুলিপি পড়েছিলেন। অতঃপর লেখক সম্বন্ধে তাঁর আনন্দ-কুণ্ড যেভাবে অকুণ্ড হয়ে উঠেছিল, এখানে তাঁর বিবৃত বর্ণনার আমি কিন্তু ততোধিক কুণ্ড। তাঁর সহৃদয়তার কথা আমার মনে স্মরণীয় হয়ে থাকবে।

আমি লিখি। আরও বেশী করে লেখবার জন্তে আমাকে সর্বদা উৎসাহিত করেছেন, প্রেরণা বুঝিয়েছেন আমার শুভানুধ্যায়ী বন্ধুগণ। তাঁদের কাছে আমি কৃতজ্ঞ। ঋণ স্বীকার করতে বাধা নেই, কিন্তু ইচ্ছে থাকলেও কি সব ঋণ শোধ করা যায় ?

কলিকাতা

দোলপূর্ণিমা, ১৩৬৩

}

শুভাষ চক্রবর্তী

সারাদিন মেঘলা । বৃষ্টি পড়ছে টিপ টিপ । থামবে বলে তো মনে হয় না । আকাশটা যেন ঝাঁজরা হয়ে গেছে । টিপ টিপ বৃষ্টির বিরাম নেই ।

গলির মুখে এসে থমকে দাঁড়াল প্রসাদী ।

অপরিসর গলি । এবড়ো খেবড়ো আর বহু গতে'ভরা ।

" গলির মুখে গ্যাস-পোষ্ট । গ্যাসের আলোতে যতটুকু চোখে পড়ে, তাতে গলিতে আর পা বাড়াতে ইচ্ছা হয় না । খিচ কাদার কিছুটা অংশ আর গতে' জমা জল গ্যাসের আলোয় চিক চিক করছে । তারপর জমাট বাঁধা অন্ধকার । দৃষ্টি চলে না ।

খিচ কাদায় পা ফেলতে গা ঘিন ঘিন করে প্রসাদীর । তবুও অন্ধকার আর জল কাদা অগ্রাহ্য করে, বৃষ্টি মাথায় এগিয়ে চলল সে । সারাদিন হাড়ভাঙা খাটুনির পর নিজের ঘরে বিশ্রাম নিতে চলেছে । ঘরের টানে পা তাকে বাড়াতেই হবে ।

সদা ঠাকুরের হোটেলে ঝিয়ের কাজ করে প্রসাদী । সারাদিন হোটেলেই থাকতে হয় । রাতে নিজের বাসায় শুতে আসে । .. বাসা বলতে, মাত্র একখানি ঘর । অন্য সব ঘরেও তার মতই আরও কয়েকটি বাসিন্দা । এক একটি ঘরের স্বতন্ত্র বাসিন্দা ।

সদা ঠাকুরের হোটেলে কাজ নেবার পর, হোটেলের কাছে এই গলিতে ঘর ভাড়া নিয়েছে প্রসাদী ।

সাত টাকা ভাড়া । ভাড়াটা তার পক্ষে বেশি । তবুও ঘরখানা সে ভাড়া নিয়েছে । সদা ঠাকুর বলেছিল, কাজ কি তোমার সাত টাকার ঘর ভাড়া করবার ? রাতে হোটেলেই তো তুমি স্বচ্ছন্দে থাকতে পার । অনেক জায়গা রয়েছে হোটেলে ।

অন্ধ দেবতা

একটু ইতস্ততঃ করে, উঠে এল প্রসাদী ।

সদা ঠাকুরের কাছে উঠে আসতে, সে বলল.— মরতে চলেছ ?

— হ্যাঁ ।

তারপর সদা ঠাকুর তার কাছে সন্তুষ্ট শুনল ।

তাকে হোটেলেরে নিয়ে এল । শুকনো কাপড় দিল, খেতে দিল ।

সদা ঠাকুরের হোটেলেরে কাজও জুটল প্রসাদীর । সদা ঠাকুরের ‘পবিত্র হিন্দু ভোজনালয়’—পাইস হোটেল । সারাদিন হাড়-ভাঙ্গা খাটুনি । তবুও এখানে কাজ করে আরাম পায় প্রসাদী ।

তার কাজের সুখ্যাতি করে হোটেলের সবাই । সদা ঠাকুরও করে, তবে মুখে বলে না । বরঞ্চ তার হোটেলেরে কাজ দিয়ে প্রসাদীকে যে মৃত্যুর হাত থেকে বাঁচিয়েছে, এ কথাই প্রচার করে সদা ঠাকুর । বারো টাকা মাইনে পায় প্রসাদী । বারো টাকা নাকি অনেক বেশী দিচ্ছে সদা ঠাকুর !

প্রসাদী বোঝে সব, বলে না কিছু । সদা ঠাকুর কৃপণ, কিন্তু সৎ । তাকে যে সদা ঠাকুর মৃত্যুর হাতে থেকে বাঁচিয়েছে—এ কথাও তো মিথ্যে নয় ? সদা ঠাকুরের কাছে কৃতজ্ঞতা বোধ করে সে ।

সারাদিন ভূতের মত খাটে সদা ঠাকুরের হোটেলেরে । রাত্রে সব কাজ শেষে নিজের ভাত নিয়ে বাসায় আসে প্রসাদী ।

নিজের ঘরে, পরিচিত পরিবেশে স্বস্তি অনুভব করে সে । প্রতিবেশী মেয়েরাও প্রসাদীকে ভালবাসে । ভালবাসে তার নম্র সহজ ব্যবহারের জন্তে । তাদের ওপরে প্রসাদীর ভরসাও বড় কম নয় । এদের মাঝে সে সাহস পায় অনেকখানি ।

আজ বৃষ্টির জন্তে বস্তিটা যেন ঝিমিয়ে পড়েছে । শুয়ে পড়েছে সবাই সকাল সকাল ।

অন্ধ দেবতা

প্রসাদীও খেয়ে-দেয়ে শুয়ে পড়ল।

কিন্তু ঘুম আসছে না। টিনের চালের ওপর টিপ টিপ বৃষ্টির শব্দ। শুনতে তার ভাল লাগে এ শব্দ। বিছানায় শুয়ে এরকম আরও কত রাত্রি টিনের চালের ওপর বৃষ্টিপতনের শব্দ শুনেছে সে। এ শব্দ শোনার মধ্যে আছে মোহ। শুনতে শুনতে সমস্ত অনুভূতি আচ্ছন্ন হয়ে আসে। ছোট্ট বেলা থেকে এই শব্দ-শোনার মোহে সে বাঁধা পড়েছে।

মনে পড়ল, তার ছেলেবেলার কথা। মায়ের বুকের কাছে শুয়ে, টিনের চালের ওপর বৃষ্টি পড়ায় শব্দ শুনতে শুনতে সে ঘুমিয়ে পড়ত। বড় হয়ে, এ রকম শব্দ শুনতে শুনতে মন তার চলে যেত কোন মায়াচ্ছন্নলোকে। কিসের সুরভিতে মত আবিষ্ট হয়ে পড়ত! ক্ষণকালের জন্যে মায়াপুরীর রাজকন্যা হয়ে সে বিচরণ করত অচেনা-অজানা বিচিত্র-মধুর পরিবেশে।

বাস্তবের সঙ্গে তার কোন মিল খুঁজে পাওয়া যেত না।

এখন আর সে সব মনে হয় না। ছুঃখের চাঁপ মনের সুকুমার ভাবকে পিষে মেরে ফেলেছে।

মনে পড়ল, মথুরাপুরের কথা। কত্তাদার কথা। কত কথা, কত ঘটনা ভীড় করে আসে মনের পটে।

কত্তাদা বলত, মথুরাপুর শ্মশান হইছে। মড়ার মাংস ছিড়্যা খাতিছে শকুনে।

কত্তাদা জানত না। মথুরাপুরের বাইরের জগৎকে দেখে নি কত্তাদা।

প্রসাদী দেখছে, শ্মশান মথুরাপুরেই শুধু শকুন চরে না, শকুনের মেলা সর্বত্র। শকুনের লুক্ক দৃষ্টি থেকে অষ্টাদশী প্রসাদী তার দেহটাকে আড়াল করতে করতে ক্লান্ত হয়ে পড়েছে।

মানা করেছিল কেদারের মা। বলেছিল, যাস্ নি রাই, কলকাতায় যাস্ নি। গাঁয়ে আমি আছি, তোরা ভয়ডা কি?

অন্ধ দেবতা

কলকাতায় গেলি খাবি কি ? পরাগডা শয়তান—উয়্যাকে
বিশ্বাস কি ?

পরানের ওপর ভরসা যেন প্রসাদীরই ছিল কত !

রঙীন স্মৃত্যে বোনা কল্পনার জালে, রামধনুর ঝিকি-মিকি
খেলা—তাকে আকর্ষণ করেছিল কলকাতায়। রাঙ্গা-দাদাবাবুর
কলকাতায়। পরাগ তো বাহন মাত্র।

পরাগ এসে যেদিন কলকাতা যাবার প্রস্তাব করেছিল, কলকাতার
নামে অনেকখানি ভরসা সঞ্চিত হয়েছিল তার মনের কোণে।
কলকাতায় রাঙ্গাদাদাবাবু থাকে।

কিন্তু এতবড় শহরে কোথায় রাঙ্গাদাদাবাবু ? কি তার ঠিকানা ?
—কিছুই জানে না প্রসাদী।

রাঙ্গাদাদাবাবুর দেখা পেল না সে। মথুরাপুরে বসে
কলকাতা সম্বন্ধে তার অভিজ্ঞতা কলকাতায় এসে বদলে গেছে।
বুঝতে পেরেছে সে, হয়ত কোনদিনই রাঙ্গাদাদাবাবুর সঙ্গে তার দেখা
হবে না। আর—আর, যদিবা কোনদিন হঠাৎ দেখা হয়ে যায়ও,
সদা ঠাকুরের হোটেলের ঝিকে রাঙ্গাদাদাবাবু চিনতে পারবে কি ?
না, পারবে না। নিঃসন্দেহে বুঝতে পারে সে কথা প্রসাদী।
মথুরাপুরের মোড়ল ঈশান মণ্ডলের আদরের নাতনী আর সদা
ঠাকুরের হোটেলের ঝি—এর মাঝে যে অনেকখানি ব্যবধান !

সময়ের ব্যবধানও অনেকখানি। প্রায় ছ'বছর। ছ'বছরে কত
বদলে গেছে সে ! নিজের পরিবর্তনে হাসি পায় প্রসাদীর। অনেক
ছুখে হাসে। কাঁদেনা আর, কান্না শুকিয়ে গেছে।

মোড়ল ঈশান মণ্ডলের আদরের নাতনী, যৌবনোচ্ছল বোড়শী প্রসাদী। আর, কলকাতার পাইস হোটেলের উপেক্ষিত, কর্মক্লান্ত ষি প্রসাদী। এ দু'এর মধ্যে ব্যবধান যতখানিই থাক, কার্যকারণের যোগসূত্রও একটা আছে :

মথুরাপুর। দুঃখ-দুর্দশাজীর্ণ বাংলার গ্রাম।

গ্রামের মত মোড়ল ঈশান মণ্ডলও জরাজীর্ণ। সংসারে তার একমাত্র অবলম্বন নাতনী প্রসাদী। আট-বছর বয়সে মা-বাপ হারিয়েছে প্রসাদী। কত্তাদা ছাড়া তারও কেউ নেই।

বাড়ির উঠানে শশার মাচা। মাচা ভর্তি শশা ধরেছে। মাচার নীচে থেকে হাত বাড়িয়ে একটা একটা করে শশা ছিঁড়ছিল প্রসাদী।

সারা দুপুর ধরে কেদারের মায়ের সঙ্গে মুড়ি ভেজেছে সে। কচি-শশা দিয়ে মুড়ি খেতে খুব ভালবাসে প্রসাদী। কত্তাদাও ভালবাসে। তেল-নুন মাখিয়ে শশা-মুড়ি খেতে দেবে কত্তাদাকে।

দাওয়ায় বসে ছঁকো টানছিল ঈশান মণ্ডল। শশার মাচার নীচে, শশা ছিঁড়তে ব্যস্ত যুবতী নাতনীর দেহের দিকে চোখ পড়ল বুদ্ধের। তার বুক থেকে একটা চাপা দীর্ঘশ্বাস বেরিয়ে এল। প্রসাদীর জন্ম একটা মস্ত ভাবনা তার সমস্ত মন জুড়ে বসেছে। নিজে চোখ বুজলে, মেয়েটির যে কি হবে সেই ভাবনা!

কোঁচড়-ভর্তি শশা নিয়ে উঠানের মাঝখানে এসে দাঁড়াল প্রসাদী।

মেঘ করেছে। বিকেলের পড়ন্ত বেলা ঘনীভূত অন্ধকারে ঢেকে গিয়েছে। আকাশের দিকে তাকিয়ে প্রসাদী চিৎকার করে বলল,—

অন্ধ দেবতা

আন্তে উদাস সুরে বলল মণ্ডল,—আমিও কি কম ছাখলাম ?
আমাগরে বাবুরা ছিল এক ছত্তর রাজা । বাঘে-গরুতে এক ঘাটে
জল খাওয়ার কথা শুনিছেন ? শরৎবাবুর নামি বাঘে-গরুতে এক ঘাটে
জল খ্যাতো ।

—খুব অত্যাচারী জমিদার ছিল শরৎবাবু, তাই না মণ্ডল ?

প্রশ্ন করল বিভাস ।

জিব কেটে মণ্ডল বলল,—ছিঃ ছিঃ, ওনার নামে ওকথা কব্যান
না । রাজার মেজাজ না থাকলি কি প্রেজায় মানে ? শরৎবাবু ছিল
সাত হাত লাগা । সূজানগরের হাটের মধ্যি দাঁড়লি, সগগলের মাথার
পরে ওনার মাথা । কাউরে কিছু কত্যান না সহজে, কিন্তুক সিংহের
সামনি কিডা যায় সাহস কর্যা ? দয়ামায়া ছিল বাবুর, গ্ৰায্য কথায়
মাটির মানুষ । কিন্তুক মিথ্যা কথা, কি ছলচাতুরী করলিই বাবুর
কাছে সে ধরা পড়্যা য্যাত, তার আর রক্ষ্যা থাকত না ।

—শরৎবাবুর আমলে তুমিই তো লেঠেল সদাঁর ছিলে ?

প্রশ্ন করল অজয় ।

নিতান্ত নিস্পৃহভাবে উত্তর দিল মণ্ডল,—হয়, ছ্যালাম ।

কিছুক্ষণ চপচাপ ।

শুধু মণ্ডলের হুকো টানার শব্দ । ঘরে সবাই নিঃশব্দ । বাইরে
তখনও চলছে অশ্রান্ত জল-ঝড়ের মাতামাতি । এই পরিবেশে গল্প
বলার আর শোনার অনুভূতিময় আমেজ—ভাল লাগছে সবার ।

মণ্ডল পূর্ব কথার রেশ ধরে আবার শুরু করল,—ল্যাঠ্যাল সদাঁর
আমি ছ্যালাম ঠিকই, কিন্তুক বাবু আমারে কোনদিন কোন অন্তায়
ছকুম ছান নাই ।

—দিলে কি করতে মণ্ডল ?

এবার প্রশ্ন করল অনিরুদ্ধ ।

একটু চুপ করে থেকে মণ্ডল বলল,—আমার বাপ-ঠাকুদা ছিল
ল্যাঠ্যাল-সদাঁর, তাগরে অময্যদা আমি করি নাই । আমি লাঠি

অন্ধ দেবতা

ধরলি, তিন গেরামের লোক পিছ্যা হট্যা যাত। জোয়ানকালে রক্ত ছিল গরম,—বাবু হুকুম করলি ঞায়-অন্য় বিচার করত্যাং না। কিন্তুক বাবু আমারে বাঁচাইছে—পাপ কাজ আমার করতি হয় নাই। বাবুর কাকা রামজয় রায়—রাতির বেলা মা-কালীর পূজ্যা কর্যা ছিপে উঠত। আমার ঠাকুদা দল-বল নিয়্যা তেনার সঙ্গে যাত। তাই কই বাবু, পেতান্তাগুল্যান বিলির ধারে বাবলা গাছে বাসা বাঁধ্যা আছে। সুযোগ পালিই খাড়া কর্যা নাও ডুবায়ে ছায় বিলির পাঁকের মধ্যি। কত যে খুন হইছে, তার কি ঠিক ঠিকানা আছে বাবু? শোধ নেয় তারা। বিলি ভয় আছে বাবু,—মশাল জ্বালায়ে বিলির ওপর দিয়া দৌড়াতি দেখিছে তাদের অনেকে। আমিও দেখিছি।

একটু কেসে দম নিল মণ্ডল।

অজয় প্রশ্ন করল,—জমিদার কি ডাকাতি করত ?

অজয়ের কথা শুনে মণ্ডলের মুখে বিরক্তির ভাব সুস্পষ্ট হয়ে উঠল।

বলল,—তয়, কল্যাম কি এতক্ষণ ? আর ডাকাত ছিল না কিডা ? সগ্গল জমিদারই ডাকাতি করত। মত্যার বিল, গাজনার বিল, চলন বিল—সগ্গল বিলিই ডাকাতি করত তারা। রামজয় বাবুরই ছিপ ছিল চোদ্দখ্যান। সেগুল্যান কানাপুকুরে বাঁধা থাকত। সে সব এখন কিছুই নাই, কানাপুকুরও নাই। পাড়ি ভ্যাঙ্গ্যা সমান হয়্যা গিছে। কানাপুকুর থিকা মাতার বিল পর্যন্ত মস্ত জোলা ছিল। জোলা শুকায়ে এখন মধির গাড়ির হালট হইছে। বর্ষাত কাল না হলি, আপনিরা দেখতেন সবই শুকন্যা। মত্যার বিলিও বুক জল—হাঁট্যা হাঁট্যা লোক বিল পার হয়। এখন নাই বাবু, কিছুই নাই—বিল শুকাইছে, বাবুগরে পেরতাপ শুকাইছে, লোক গুল্যানও সব মর্যা গিছে। শ্মশান বাবু, মথুরাপুর এখন শ্মশান হয়্যা গিছে।

সখেদে নিশ্বাস ছেড়ে চুপ করল মণ্ডল।

ইষ্ট ইণ্ডিয়া কোম্পানীর রাজত্ব-কাল ও তারও কিছু আগে বাংলার জমিদারের কথা বর্ণনা করল মণ্ডল ।

তারপর কোম্পানীর রাজত্বের অবসানে ইংলণ্ডেশ্বরীর অধীন হ'ল বাংলা । সারা দেশ জুড়ে মাকড়সার মত জাল বিস্তার করে চলল রেল-লাইন । আইন-আদালত বসল, কালেক্টারের অধীন হ'ল জেলা ।

সুবিধা না বুঝে, ডাকাতি ব্যবসা ছেড়ে দিতে বাধ্য হল জমিদাররা । জমিদারীর উন্নতি সাধনায় মনোনিবেশ করল তারা । এই সময়টা বাংলার ইতিহাসে এক স্বর্ণময় যুগ । সুজলা সুফলা বাংলার গ্রাম উৎসবমুখরিত হয়ে উঠল । বারো মাসে তেরো পার্বণের ঢেউ জাগল ।

বাংলার সমৃদ্ধি আগেও ছিল, কিন্তু তার সঙ্গে ছিল অরাজকতা । ধনপ্রাণ নিয়ে নির্ভয়ে কেউ বাস করতে পারত না । সে ভয় অনেকটা হাস পেল ।

জমিদাররা নিজ নিজ জমিদারীতে বড় বড় দিঘি কাটল । বড় বড় রাস্তা তৈরী করল । পাঠশালা প্রতিষ্ঠা করল, প্রতিষ্ঠা করল দেবালয় । অনেক কিছুই করল তারা, তার চিহ্ন আজও গ্রামে গ্রামে কিছু রয়ে গেছে ।

জমিদার হলেও, আদব কায়দা চাল-চলন ছিল তাদের রাজ-রাজড়ার মত । প্রজারা জমিদারের নামে ভয়ে কাঁপত । দোল-ছুর্গোৎসবে পাশাপাশি জমিদারে জমিদারে চলত রেবারেঘি । রেবারেঘি শুধু জমিদারে জমিদারে নয়, তাদের প্রজাদের মধ্যেও সেটা ছড়িয়ে পড়ত । এই রেবারেঘির জন্মে মাঝে মাঝে ছোট-খাটো দাঙ্গা-হাঙ্গামাও হয়ে যেত, দু-চারটে খুন-জখমও হ'ত । কিন্তু ঐ পর্যন্তই—খুনের কোন হৃদিস মিলত না । থানার দারোগাও জমিদারের মন জুগিয়ে চলত ।

অন্ধ দেবতা

কুমুম ভয়ে ভয়ে তখন কয়,—কাকা কারেও কয়ো না। এ ঘটনা
বিশেষ করবি না কেউ—আমাক ছুমাম্ দিবি।

এতদিন কই নাই। আজ কল্যাম। কুমুমডাও মর্যা গিছে আজ
সাত বছর।

শকুনডার বয়সই বা তখন কত! চোদ্দ-পনের হবি। তার
বেশি না। তখন থিক্যাই উড়্যার এত শয়তানি। সেই থিক্যান
শকুনডা আমাক ভয় কর্যা চলত। এখন আমি অথক আর
শকুনডার পায়্য ভারী। এখন আর ভয় করবি ক্যান?

একটু দম নিয়ে আবার বলল মণ্ডল,—শকুনের পালে তো শকুনই
হয়। ওর বাপডাও ছিল ঐরকম—সারাগায়ে ঘা হইছিল। কুষ্ঠ—
কুষ্ঠ ছিল নকুড় নাড়ির। নেশাভাগ আর মেয়েমানষির আদি-ছেরাদ্দ
কর্যা জমি-জিরাতি যা ছিল, সব ফুঁকে দিল নকুড় নাড়ি। বুড়্যাকালে
সে কি অবস্থা! হাঁড়ি চড়ে না। এক ছাওয়াল ঐ শকুনডা তো
মুখ্য। শেষতক বুড়্যা করে কি, শকুনডার হাত ধর্যা জমিদারের
কাছে আস্থা দাঁড়াল। মহীন্দ্রির রায়ের বাপ তখন জমিদার। সেই
থিক্যান সেরেস্তায় ফাই-ফরমাশ খাটতি লাগল ঐ শকুনডা।
জমিদার বাড়ি থিক্যান সিধ্যা নিয়্যা নকুড় নাড়ির হাঁড়ি চড়ত।
টুকটাক লেখা-পড়ার কাজও শিখতি লাগল শকুনডা নায়েব
মশায়ির কাছে। শয়তান তো কম না শকুনডা—শিখল খুব
তাড়াতাড়ি।

বাবু মারা গেল। কয় বছর পর বৌরাণীও মারা গেল।
মহীন্দ্রির রায় শোকডা সামলাতি পারল না। কাজ-কর্ম দেখা
ছাড়্যা দিল সব। তখন বিপদের ওপর বিপদ—নায়েব মশাই পাগল
হর্যা গেল। কোন কিছু না, ভাল মানুষডা একেবারে উদ্দম পাগল
হর্যা গেল।

মহীন্দ্রির রায় তখন ঐ শকুনডার হাতে সব ছাড়্যা দিয়া
একমাত্র মিয়ে নিয়্যা কলকাতা চল্যা গেল।

অন্ধ দেবতা

অনুপস্থিতির মধ্যে বাড়ীতে অনেক কিছু অদল-বদল হয়ে গেছে। পিতা দ্বিতীয়বার বিবাহ করেছেন।

বহুর কয়েক আগে তার মায়ের মৃত্যু হয়েছে। নূতন করে সেদিন মায়ের কথা মনে পড়ল অনিরুদ্ধের। চোখের কোণটাও বুঝি তার চকচক করে উঠেছিল। গা ঝাড়া দিয়ে কাজের মধ্যে ডুব দিল সে।

সীতা কিন্তু পিতাকে প্রত্যক্ষ অনুযোগ করেছিল। উত্তরে অবিনাশবাবু বলেছিলেন, তোমরা দুই নাচুনে ভাই বোন যদি মানুষই হতে, তবে এই বয়সে আমায় আবার সংসার ঘাড়ে করতে হয় ?

এ কথার উত্তরে সীতা অনেক কিছু বলতে পারত, কিন্তু পিতার সঙ্গে তর্ক করতে তার প্রবৃত্তি হয় নি।

লেখা-পড়া শিখে অনিরুদ্ধ কোন চাকরি-বাকরি করল না, দিনরাত হুজুগে মেতে হেঁটে করে বেড়াতে লাগল। অবিনাশবাবু এতে পুত্রের উপর বিরূপ হয়ে উঠলেন। অনিরুদ্ধ পিতার মনোভাব জানত। তাঁকে এড়িয়ে চলত সে।

ইদানীং সীতার উপরও অবিনাশবাবু সন্তুষ্ট ছিলেন না।

সীতাকে কলেজে পড়ানো অবিনাশবাবুর ইচ্ছা ছিল না। সীতা জোর করে কলেজে ভর্তি হয়েছে। সীতার ওপর তাঁর বিরূপতার সেও এক কারণ। আর এক কারণ, সীতাকে কোন সময় বাড়িতে পাওয়া যায় না। যখন বাড়িতে ঢোকে, সঙ্গে নিয়ে আসে এক পাল মেয়ে। অবিনাশবাবু এ সব পছন্দ করেন না। তারপর একদিন পতাকা হাতে সীতাকে এক ছাত্র-মিছিলের সঙ্গে যেতে দেখে, অবিনাশবাবু খুব চটে গেলেন।

পুত্র-কন্যার সঙ্গে অবিনাশবাবুর যোগ খুব ক্ষীণ হয়ে এসেছিল। দ্বিতীয়বার বিবাহ করার পর, সম্বন্ধ আরও ক্ষীণতর হয়ে উঠল। এক বাড়িতে বাস করেও পিতা-সন্তানে সাক্ষাৎ হ'ত না।

কিন্তু মজা এই, পিতার সঙ্গে মনান্তর ঘটলেও নূতন-মার সঙ্গে আশ্চর্য রকম ভাব হয়ে গেল সীতার।

অন্ধ দেবতা

নূতন-মার প্রশংসায় সীতা পঞ্চমুখ ।

অনিরুদ্ধ ভাবে নূতন-মা হয়ত লোক ভাল । না হলে, সপত্নীকণ্ঠা
সীতার প্রশংসা পেত না ।

অনিরুদ্ধ যতক্ষণ বাড়িতে থাকে, নিজের ঘরে কাজ নিয়েই ব্যস্ত
থাকে সে । বাড়ির বিষয়ে কোন খবর সে রাখে না । রাখতে
চায়ও না ।

সীতা ছাড়া, অন্য কেউ তার ঘরে ঢোকেও না । সীতার মুখে
মাঝে মাঝে সাংসারিক পরিস্থিতি সম্বন্ধে কিছু কিছু খবর সে পায় ।
যতটুকু সীতা বলে, ততটুকু । তার বেশী কিছু জানবার কৌতূহল তার
নেই । সে বিষয়ে সীতাকে কোন প্রশ্নও সে করে না কোনদিন ।

সীতাব সঙ্গে নূতন-মার খুব ভাব । কিন্তু অনুরুদ্ধের সঙ্গে নূতন-
মার আজ পর্যন্ত একটা কথাও হয় নি । দেখাও হয় নি তাদের ।

সীতার সঙ্গে ভাব হবার পর, সীতা একবার চেষ্টা করেছিল
দাদার সঙ্গে নূতন-মার আলাপ করিয়ে দেবার । নূতন-মা আলাপ
করতে চায় নি । বলেছিল, লজ্জা করে ।

যতক্ষণ অনিরুদ্ধ বাড়িতে থাকে, অনিরুদ্ধের সামনে নূতন-মা
বেরোতে চায় না, তাকে এড়িয়ে চলে । কিন্তু সীতা নূতন-মাকে জানে,
অনিরুদ্ধের সম্বন্ধে তার মনে যে কোন বিবন্ধ ভাব নেই, তা বোঝে ।

এ সব ব্যাপার অবশ্য অনিরুদ্ধ জানে না ।

সীতার মুখে শুনে শুনে নূতন-মা সম্বন্ধে তার একটা ধারণা আছে,
লোক সে ভাল ।

আট-দশ দিন হয়ে গেল সে এখানে এসেছে । সীতা হয়ত তার
জন্তে চিন্তিত হয়ে পড়েছে । এখানকার ঠিকানা সীতা জানে না ।
এখানে যে তারা এসে পড়বে, এ কথা অনিরুদ্ধই কি আগে
জানত !

হয়ত বেশ কিছুদিন এখানে তাদের থাকতে হবে । সীতাকে
জানানো দরকার । না হলে, সীতা অনর্থক হুশিচিন্তা ভোগ করবে ।

অন্ধ দেবতা

‘বছর ত্রিশেক আগে পদ্মা একবার ভাঙ্গতে শুরু করে। রোজই শোনা যেতে লাগল, অমুক হাট ভেঙ্গে গেছে, অমুক গ্রামের কোন চিহ্ন নেই। পাবনা জেলার আশ-পাশ দিয়েই সেবার ভাঙ্গনের জোর খুব বেশি। পদ্মা ভাঙ্গতে ভাঙ্গতে পাবনা শহরের খুব কাছে এসে গেল। শহরের লোক সব শঙ্কিত হয়ে উঠল। শহর এই যায়, সেই যায় অবস্থা! বড় বড় পাথর তারের জালে বেঁধে, এমব্যাঙ্কমেন্ট তৈরী করে শহর রক্ষার চেষ্টা চলল।

সে সময় পাবনার বিখ্যাত বড়লোক ছিল ট্যানা বাগচি। ব্যারিষ্টার চিত্তরঞ্জন দাশ আর ট্যানা বাগচি—দুইজনেরই নাকি ফ্রান্স থেকে কাপড় ধুয়ে আসত। সত্যি মিথো জানি না,—আমরা গল্প শুনেছি। তবে ইটালি থেকে পাথর আর মিস্ত্রি এনে ট্যানা বাগচি যে বাড়ী তৈরী করেছিল, সে বাড়ী আমি দেখেছি। আগা-গোড়া পাথর দিয়ে মোড়া, আর পাথরই বা কত রকমের!

পাবনার জেলা স্কুলে পড়তাম আমরা। বোর্ডিংএ থাকতাম। বিকেলে দল-বেঁধে আমরা অনেকে ট্যানা বাগচির বাড়ী দেখতে যেতাম। সত্যিই দর্শনীয় ছিল সে বাড়ী। গাল-পাট্টা পশ্চিমে দরওয়ান ঘুরিয়ে ঘুরিয়ে সব দেখাত আমাদের। আমরা ছোট ছিলাম, তাই বাড়ীর ভেতরেও আমাদের প্রবেশাধিকার ছিল।

বাড়ীটা ছিল শহরের বাইরে, শহর থেকে অনেকটা দূরে।

একদিন খবর শুনলাম, পদ্মা ভাঙ্গতে ভাঙ্গতে নাকি ট্যানা বাগচির ফুলের বাগান পর্যন্ত এসে গেছে।

তারপর খবর পেলাম, ট্যানা বাগচির বাড়ী থেকে গরম গরম জিলিপী ভেজে ধানায় ধামায় পদ্মায় ঢালা হচ্ছে। উদ্দেশ্য, পদ্মা-দেবীকে সন্তুষ্ট করা, যাতে তিনি তাঁর বাহু আর বিস্তার না করেন। কিন্তু কোনরকম নোটিশ না দিয়েই একসময় সমস্ত বাড়ীটা আন্তে আন্তে নীচের দিকে বসে যেতে লাগল। বাড়ীতে লোকজন যারা ছিল, প্রাণভয়ে বেরিয়ে পড়ে শহরের দিকে ছুটতে লাগল।

অন্ধ দেবতা

কিছুক্ষণের মধ্যে ট্যানা বাগচির বাড়ীর কোন চিহ্নও আর দেখতে পাওয়া গেল না। সেখানে শুধু জল আর জল থই থই করছে, পদ্মার স্রোত গর্জন করে বেয়ে চলেছে।

না, ট্যানা বাগচি মরে নি। মরলেই বুঝিবা ভাল ছিল। নিঃস্ব ভিখিরী হয়ে শেষ জীবন তার অতি দুঃখে কেটেছে। শুধু পরিবারের লোকগুলোর জীবন ছাড়া পদ্মা আর সবই তার নিয়ে গিয়েছিল।’

গল্প শেষ করে পোদ্দার মশায় বলল,—এখন বুঝতে পারছেন, সত্যিকারের পদ্মার ভাঙ্গন কি ?

তাদের উত্তরের কোন অপেক্ষা না করেই পোদ্দার মশায় আবার বলল,—পদ্মা এবার যত ক্ষতি না করুক, যমুনার জল ফেঁপে উঠে সব ভাসিয়ে দিয়েছে। গাজনার বিলের সঙ্গে রয়েছে যমুনার যোগ। গাজনার আশ-পাশের গ্রাম সব ভেসে গেছে যমুনার কালো জলে। হয়ত সেখানে আপনাদের করবার অনেক কিছু রয়েছে। কাল চলুন না আমার সঙ্গে আমার বাড়ীতে ?

অনিরুদ্ধ বলল,—আপনার বাড়ী কি ওদিকে ?

—ঠিক ওদিকে নয়, পদ্মার কাছে। তবে ওদিক থেকে বেশী দূরেও নয়। যমুনা আর পদ্মার মাঝে আমরা বাস করি। দূরত্ব বেশী নয়।

—বেশ, আপনার সঙ্গেই কাল যাব আমরা।

পরদিন পোদ্দার মশায়ের নৌকাতেই অনিরুদ্ধেরা সাতবাড়িয়া গিয়ে পৌঁছল।

পোদ্দার মশায় লোক খুব ভাল, অমায়িক। অতিথিদের যথেষ্ট সমাদরের ক্রটি হল না। কয়েকদিন তার বাড়ীতে থেকে যেতেও বিশেষ অনুরোধ করল পোদ্দার মশায়। কিন্তু পীতাম্বর মাঝির কাছে

অন্ধ দেবতা

তাদের গ্রামের অবস্থা শুনে, অনিরুদ্ধেরা সেখানে যাবার জন্তে ব্যস্ত হয়ে পড়েছিল। পোদ্দার মশায়ের কাছে বিদায় চাইল তারা।

পীতাম্বরকে তারা সাতবাড়িয়ার ঘাটে দেখেছিল। পীতাম্বর পোদ্দার মশায়ের পরিচিত লোক। পীতাম্বরকে পোদ্দার মশায় তাদের গাঁয়ের খবর জিজ্ঞাসা করেছিল। তাতে পীতাম্বর মাঝি যা বলল, তাতে অবস্থা সত্যই শোচনীয়।

পীতাম্বরের মুখে জানা গেল, জল রোজই বোড়ে চলেছে। গাজনার বিল, মত্যার বিল, পদ্মবিলা, বকচর ভেসে গেছে। ডাঙ্গিপাড়ার অনেক গেরস্ত বাড়ির মধ্যেও জল ঢুকে পড়েছে। ডাঙ্গিপাড়া, বলরামপুর, নারায়ণপুর সব জলে জলময় হয়ে গেছে। রাস্তাঘাট নেই। ছোট ডিঙ্গি বা কলাগাছের ভেলা তৈরী করে এ-বাড়ি ও-বাড়ি যাতায়াত, হাটবাজার করে লোকে। মথুরাপুরেও জল ঢুকেছে। মথুরাপুরে শুধু বাবুদের পাড়াটা জেগে আছে এখনও। বাবুদের পাড়ায় জল ঢোকে না সহজে। বিলের দিকে গাঁগুলো গড়ান জমিতে, তাই জল বাধা পায় না। বাবুদের পাড়া শেষের দিকে, জমিও উঁচু অনেক।

পীতাম্বর মাঝির গহনার নৌকা কোনদিন বা সাতবাড়িয়ার ঘাটে, কোনদিন বা পাবনার ঘাটে ভাড়া নিয়ে যায়। নৌকাখানা তার নিজেই। নিজেই নৌকার মাঝি। আরও ছুজন লোক খাটে নৌকায়, তারা অংশ পায়। গহনার নৌকা ছাড়া, ডিঙ্গিও তার আছে একখানা। যেদিন ভাড়া থাকে না, ডিঙ্গি করে মাছ মারে পীতাম্বর। পীতাম্বরের অবস্থা খুব খারাপ নয়।

লোকও সে ভাল। বাবুরা তাদের গাঁয়ে যাচ্ছে শুনে খুসী হয়ে সে বলল,—চলেন বাবুরা, যায়া দেখবেন-অনে কি অবস্থা!

—হ্যাঁ, যাব বই কি, তা কত ভাড়া নেবে?

অনিরুদ্ধের কথায় বিনীতভাবে জানাল পীতাম্বর,—ভাড়া নিব না। আপনিসা যাতিছেন, এই তো আমাগরে ভাড়া। আর গাঁয়ে তো আমার ফিরতি হবিই—তয়, ভাড়া কিসির ?

—না, না, তা হয় না। ভাড়া তোমাকে নিতেই হবে।

অনিরুদ্ধ জোর করল।

—আচ্ছা সে পরে দেখা যাবি নি। এখন নাওয়ে ওঠেন।

পথে কথায় কথায় পীতাম্বরের কাছ থেকে তাদের গাঁয়ের খবর সংগ্রহ করল অনিরুদ্ধ।

বর্ষাকালে এদিকে যমুনার জল আসে। গাজনার বিলের পরই যমুনা নদী। একদিকে পদ্মা, অন্যদিকে যমুনা পাবনা জেলার এ অংশটাকে বৃত্তাকারে বেষ্টিত করে আছে।

খাল বিল পার হয়ে ঢালু জমিতে যমুনার জল সহজে ঢুকে পড়ে। অন্য দিকটা অপেক্ষাকৃত উঁচু, তাই পদ্মার জল বেশি বর্ষা না হলে ঢুকতে পারে না।

কোন কোন বার পদ্মা-যমুনা দুইই ভাসিয়ে দেয় মাঝের এ জনপদকে। কোনটা পদ্মার জল আর কোনটা যমুনার জল বুঝতে কষ্ট হয় না। পদ্মার ঘোলা জল আর যমুনার কালো জলে মিশ খায় না। এমন কি, যেখানে দুটোর জল মিশে গেছে—একটা সমান্তরাল রেখা দুটোর পার্থক্য স্পষ্ট করে রাখে।

পদ্মা কিছু কিছু ভাঙছে বাটে, তবে যমুনা কেঁপে উঠে এবার ক্ষতি করেছে বেশি। ধান-পাট ডুবে গেছে, বাড়ি-ঘরের অবস্থাও শোচনীয়। মাটির ঘর, বাঁশের বেড়ার দেওয়াল, মাটি দিয়ে লেপা। জলের মধ্যে তার অস্তিত্ব কদিন টিকবে ? ধ্বসে যাচ্ছে ঘরগুলো।

সামনে প্রচণ্ড দুর্ভিক্ষ, এখন থেকেই অনেকের অনাহার চলছে। থাকবার স্থানও অনেকের নষ্ট হয়ে গেছে। প্রতিবেশীর বাড়ি

অন্ধ দেবতা

রয়েছে—কিন্তু উত্তপ্ত ভস্ম শুধু নিজের অক্ষমতার গ্লানিতেই ভরপুর হয়ে ওঠে, জ্বালিয়ে দেবার ক্ষমতা তার নেই।

অনিরুদ্ধ তখনও একইভাবে দাঁড়িয়ে পা ঝুলিয়ে বসে আছে।
বেশ ফর্সা হয়ে গেছে।

প্রসাদী কখন যে উঠে উঠোন ঝাঁট দিতে আরম্ভ করেছে অনিরুদ্ধ বুঝতে পারেনি।

তখনও আর কেউ ওঠেনি।

প্রসাদী আজ সহজভাবেই অনিরুদ্ধের সঙ্গে কথা বলল,—মনে কয়, কাল আপনার ঘুম হয় নাই ভাল। কখন থিক্যা উঠ্যা বসিছেন ওখানে?

—না, ঘুম ভালই হয়েছে আমার। শেষ রাত্রে দিকে হঠাৎ ঘুমটা ভেঙ্গে গেল। তাই এখানে এসে বসেছি।

—অন্ধকারে দাঁড়য়ার কোলে পা ঝুলায়ে বসবার নাই। বধাৎ কালি লতার ভয় বেশী।

—লতা?

—হ্যাঁ, মা মনসা।

ঝাঁটা শুদ্ধ হাত ছটো কপালে ঠেকাল প্রসাদী।

হেসে উঠল অনিরুদ্ধ।

বলল,—বেশ, আর বসব না।

বৃদ্ধ মণ্ডল ঘর থেকে বেরিয়ে আসতে আসতে বলল,—কি, কয় কি দিদি?

—প্রসাদী বলছিল, বধাকালে সাপের ভয় আছে এখানে।

—তা ঠিকই কইছে। জলে ভরে গিছে চারদিক, জল-জঙ্গলের আবাস ছাড়া সাপ এখন ঘরে উঠবি। কিন্তুক, আপনি ক'লেন কি, 'পরসাদী'? সোন্দর কথা আপনারা সোন্দর কর্যা কব্যার পারেন।

অন্ধ দেবতা

—তা তো বাড়বিই, কাল এত বিষ্টি হল।

ইতিমধ্যে আর সবাই উঠে পড়েছে। সবাই একে একে দাওয়ায় এসে দাঁড়াল।

মণ্ডল বলল,—তা হলি আপনারা হাত-মুখ ধোন। সকালেই বারায় পড়ি। চলেন, জল তুলে দিই।

কুয়ো-তলায় সবাই হাত-মুখ ধুচ্ছে। অনিরুদ্ধ যায় নি। তখনও সে দাওয়ায় বসে।

প্রসাদীকে বলল,—আমাব কিন্তু একটা কাজ করে দিতে হবে, প্রসাদী ?

জিজ্ঞাস্তা নেত্র তাব দিকে তাকাল প্রসাদী ?

—একটু জল গরম কবে দিতে হবে তোমাকে।

--তা দেবনা ক্যান ? কি করবেন গরম জল দিয়া ?

—চা কবব।

--চা কই ?

—আছে সব আমার কাছে। একটু গরম জল পেলেই তৈরী করে নেব আমি। সকালে চা-খাওয়া বড় বদ অভ্যাস আমার। চা না খেলে, কোন কিছুই করতে ভাল লাগে না।

—আপনি কইছেন, ভাল করিছেন। কাল থিক্যা ঠিক সকালে উঠ্যাই চা পাবেন। আমাকে চা ছান আমি কবে দিই।

—তুমি চা করতে পার, আমি জানতাম না।

—বাবু-পাড়ায় সগ্গলই চা খায়। আমি দেখিছি কি কর্যা তৈরী করে।

ঘরের ভেতর থেকে চায়ের যাবতীয় সরঞ্জাম এনে প্রসাদীকে দিল অনিরুদ্ধ। চায়ের নেশা অনিরুদ্ধ ছাড়তে পারেনি—তাই সব সরঞ্জাম তার সঙ্গেই থাকে।

অন্ধ দেবতা

প্রসাদীকে জিনিষগুলো দিয়ে অনিরুদ্ধ বলল,—জল একটু বেশী করেই কর—সবাই খাবে।

মুস্কিলে পড়ল প্রসাদী।

চা করতে সে দেখেছে, কিন্তু করেনি কখনও। কতটুকু জলে কতখানি চা-চিনি দুধ দিতে হয়, ভেবে পায় না সে।

এক গামলা জল চাপিয়েছে। উল্লুনের ওপর জল ফুটছে। এখন কি করবে, সে বুঝে উঠতে পারছে না।

নিজে সেধে বলেছে, চা করতে সে জানে। যদি চা খারাপ হয়, কি ভাববে বাবুরা! হয়ত মুখে কেউ কিছু বলবে না, মনে মনে পাড়া-গাঁয়ের মেয়ের নিবুদ্ধিতায় হাসবে। ছিঃ ছিঃ, অনিরুদ্ধের একটু প্রশংসা পেয়ে তার কি মাথা খারাপ হয়ে গিয়েছিল যে, সেধে চা করতে সে গেল! নিজের ওপরেই রাগ হতে লাগল প্রসাদীর।

মণ্ডল যে বলেছে, প্রসাদীর মাথা পরিষ্কার তা মিথ্যে নয়। অনিরুদ্ধ প্রসাদীকে একটা পেয়লা দিয়েছিল। প্রসাদী সেই পেয়লায় মেনে মেনে প্রতি কাঁসার গ্রাসে জল ঢালল। তারপর সেই জল একটা বড় বাটিতে ঢেলে আন্দাজ মত চা-চিনি-দুধ সব এক সঙ্গে দিয়ে নাড়তে লাগল। যেই চায়ের রং গাঢ় হয়ে এল আবার কাঁসার গ্রাসগুলোতে ঢেলে ফেলল। কাপড় দিকে ছেঁকে নিল।

চা-চিনি-দুধ কোনটাই ঠিক মত হয় নি। কিন্তু খুব বেশী তারতম্যও হয় নি।

চা খেয়ে অনিরুদ্ধ বলল,—বেশ হয়েছে।

বেশ না হলেও অনিরুদ্ধের দেখাদেখি সবাই বলল,—সত্যিই, বেশ ভাল চা হয়েছে।

অন্ধ দেবতা

ঘরের ভেতর থেকে প্রসাদী শুনল। এই রকমই যে তারা বলবে, তা সে জানত।

ঘরে থেকে বেরিয়ে তাদের সামনে এসে প্রসাদী বলল,—না, ভাল হয় নি। চা আমি করতে দেখিছি, করি নাই কোন দিন। আপনারা দেখ্যায় দেবেন, পরে ভাল কর্যা চা কর্যা দেব।

—না করলেও, চা তোমার' আজ খারাপ হয় নি। বিকেলে আবার চা করে দিও।

অনিরুদ্ধ বলল।

—দেখ্যায় দেবেন।

—দেব।

চারের কাপটা রেখে অনিরুদ্ধ উঠে পড়ল।

—চল, মণ্ডল এবার যাওয়া যাক।

—চলেন।

উঠে পড়ল সবাই।

অন্ধ দেবতা

প্রসাদীও গুন গুন করে গানটি গাইত ।

প্রসাদীর হাব-ভাব দেখে, কেদারের মা তাকে ঠাট্টা করে 'রাই' বলে ডেকেছিল । সে ডাকে সাড়া দিয়েছিল প্রসাদী কোঁতুকছলে !
ক্রমে সেই ডাকটাই ছুজনের মধো স্থায়ী হয়ে গেল ।

প্রসাদী আর কেদারের মায়ের মধো বয়সের প্রভেদ অনেকখানি ।
তবুও ছুজনের মধো সহজ সখীত্বের সম্বন্ধ গড়ে উঠেছিল ।

বাপ-মা মরা স্বামী-পারিত্যক্তা নেয়েটিকে কেদারের মা স্নেহ করে,
ভালবাসে । আর প্রসাদীও শ্রদ্ধা করে কেদারের মাকে ।

ছ'মাসের ছেলে কেদারকে নিয়ে বিধবা হয়েছিল সে । অতি
হীন অবস্থা ।

দিন মজুরী করত তার স্বামী । কোন সঞ্চয় রেখে যেতে
পারে নি । তার সংকার করবার পয়সাটীও না ।

মোড়ল ঈশান মণ্ডল সংকারের সমস্ত খরচ বহন করেছিল ।

নিঃসহায় অভিভাবকহীনা ছোটনোকের ঘরের মেয়ের সহজ ও
সচ্ছল পথকে উপেক্ষা করবার নজির এ গাঁয়ে নেই । কেদারের
মাও সেই সহজ পথে চললে, আশ্চর্য হ'ত না কেউ । বরং আশ্চর্য
হ'ল তার ভিন্ন পথে চলায়

এ সব ক্ষেত্রে প্রায়ই দেখা যায়, মৃত স্বামীর জন্তে সন্ত-বিধবা
যুবতী খুব শোক-উচ্ছ্বাস করে প্রথম প্রথম । তারপর ক্রমে উচ্ছ্বাসে
পড়ে ভাটা । আরও দিন গেলে, তার চলন-বলনে শোকের কোন
চিহ্নই আর খুঁজে পাওয়া যায় না । বাত্বারে শাড়ী পড়ে । পান
খেয়ে ঠোঁট ছোটো লাল-টুকটুক করে ঘুরে বেড়ায় । গৃহস্থ বাড়ি ঘুরে
ঘুরে লাউ-কুমড়া, কলা-মূলো বিক্রী করে কেউ কেউ, আবার
অনেকে ভদ্র-লোকের বাড়িতে ঝিয়ের কাজ নেয় । বাইরে একটা
আবরণ তো চাই ! তবে চাপা থাকে না কিছুই । চাপা রাখবার
গরজও বিশেষ নেই তাদের ।

এমনিই চলে আসছে—যেন এইটাই স্বাভাবিক ।

অন্ধ দেবতা

—তাতে কি হয়েছে। বিশেষ কিছু নয়, সামান্য জলখাবার, ওতে কোন অসুবিধা হবে না আপনাদের। আমরা পাড়ার্গেয়ে লোক, নূতন লোক কেউ বাড়িতে এলে, শুধু মুখে যেতে দিতে পারি নে।

অনিরুদ্ধ কিছু উত্তর দেবার আগেই মোড়ল বলল,—তা তো নিচ্ছয়ই। আর, ঙ্ণনারা খাইছেন তো শুধ্যা এক গেলাস কর্যা চা। তাতি ঙ্ণনাদের পেট ভরতি পারে—আমাদের কিছুই হয় না। বউমার হাতের খাবার আমি না খায়্যা উঠব না।

মগুলের কথায় সবাই হেসে উঠল।

প্রসঙ্গ পরিবর্তন করে মজুমদার মশায় বললেন,—বর্বাটা এবার একটু বেশীই হয়েছে এদিকে। তা আপনারা খবর পেলেন কি করে ?

অক্ষয় পোদারের সঙ্গে যোগাযোগ ও তাদের এখানে আসার ইতিহাস সংক্ষেপে বর্ণনা করল অনিরুদ্ধ।

তারপর বলল,—জল যে রকম বাড়ছে, তাতে গৃহস্থপাড়ায় অনেকের ঘরেই যে জল ঢুকবে, সন্দেহ নেই। আপনারা এ সম্বন্ধে কিছু ভেবেছেন কি ?

—একেবারে যে ভাবি নি কিছু তা নয়, তবে ননীর কাছে আপনাদের একবার যাওয়া দরকার।

মগুল বলল,—তেনার কাছে যায়্যা কি লাভ ? আমাগরে বিপদে তার দায় কি ?

—দায় সবার, আর তার সব চাইতে বেশী। লোক অবশ্য সে খুব যে ভাল, তা বলছি না, তবে জমিদারের প্রতিভূ সে—সেটা একবার ভেবে দেখ মগুল। ননীকে আমি ডেকেছিলাম। বলেছি তাকে, জমিদারের আট-চালা আর নাটমগুপ ছেড়ে দেবার কথা। সে রাজী হয়েছে। তার কাছে তোমাদের একবার যাওয়া উচিত, তাই বলছিলাম।

অনিরুদ্ধ বলল,—নিশ্চয়ই তাঁর কাছে আমরা যাব। আরও

অন্ধ দেবতা

একটা আর্জি আছে তাঁর কাছে,—খাজনা এরা এখন দিতে পারবে না।

হাসলেন মজুমদার মশায়। বললেন,—বেশ তো, তাকে গিয়ে সে কথাও বলবেন।

—আর একটা কথা।

—বলুন।

—শুধু আশ্রয় দিলেই তো চলবে না, আহার্যেরও প্রয়োজন হবে। আপনাদের সবাইকে দুর্গতদের সাহায্য তহবিলে যথাসাধ্য দান করতে হবে।

—নিশ্চয়ই, সকলেরই কিছু কিছু দেওয়া উচিত।

—আপনিই ‘রিলিফ-কমিটির’ সভাপতি হন। আপনার কাছে সব জমা থাকবে।

—এ বিষয়ে আমি এখনই কথা দিতে পারছি না। গাঁয়ের সবারই মতামত প্রয়োজন।

—সেটা হক্ কথা কইছেন মজুমদার মশায়।

বিজ্ঞের মত রায় দিল মণ্ডল।

—সকলের মতামত নিতে গেলে সব কাজ হয়ে ওঠে না। জল যে রকম বেড়ে চলেছে, আমাদের বেশী দেরি না করে কাজে নেমে পড়তে হবে। আমার বিশ্বাস, এক নায়েব মশায় রাজী হলেই আর কারও অমত থাকবে না। আমরা এখনই তাঁর কাছে যাব—আর কৃতকার্যও হব আশা করি। আমাদের অনুরোধ, আপনি আর দ্বিধা করবেননা মজুমদার মশায়।

—বেশ, আপনারা নদীর কাছ থেকে ঘুরে আসুন।

মজুমদার মশায়ের মেয়ে কয়েকখানি রেকাবিতে জলখাবার নিয়ে এল।

নাড়ু, মোয়া, তক্তি—বেশ বেশি পরিমাণে প্রতি রেকাবিতে সাজান।

অন্ধ দেবতা

মণ্ডল তো মহাখুসী। বলল,—নেন আপনিরা। না খায়্যা
ছাড়া পাব্যান না। বউমা দরজার আড়ালেই আছেন।

জলখাবার খেয়ে সবাই উঠে পড়ল।

মজুমদার মশায় বললেন,—আপনাদের একটা অনুরোধ করব।
যদিও মণ্ডল যখন রয়েছে, আপনাদের যথাসাধ্য সে করছে, তবুও
এভাবে নৌকায় বাস করা আপনাদের অভ্যাস নেই। তাই
বলছিলাম, আমার এখানে এসে যদি থাকেন—

—আপনি এত করে কেন বলছেন, আপনি যে আমাদের দূরে
ঠেলে দেননি, এতেই আপনার যথার্থ পরিচয় পেয়েছি। আমাদের
সব রকম অসুবিধায় বাস করা অভ্যাস আছে। আর কাল জো
ঝড়-বৃষ্টির সময় মণ্ডলের অতিথি হয়েছিলাম। আমরা দুর্গতদের
মধ্যেই বাস করতে চাই। এতে আমাদের কোন অসুবিধা নেই।
আপনি আমাদের গুরুজন-তুল্য, 'তুমি' বলেই বলবেন আমাদের।

—বেশ বাবা, বেশ। তোমাদের পরিচয় পেয়ে বড় আনন্দ
পেলাম। আচ্ছা মণ্ডল, নায়েবের কাছে এদের নিয়ে যাও।

মজুমদার মশায়কে নমস্কার করে মণ্ডলের সঙ্গে সবাই চলে গেল।

অন্ধ দেবতা

ক্ষিতুর স্ত্রী সম্বন্ধে লোকে নানা কথা বলে। ক্ষিতু সব দেখে শুনেও নির্বিকার। ক্ষিতুর সংসার-খরচের ভারও ননী লাহিড়ীর। স্ত্রীর কাপড় চোপড়ের ভাবনাও ক্ষিতুকে ভাবতে হয় না। ক্ষিতু নিশ্চিত্ত মনে ননী লাহিড়ীর পয়সায় মদ্যপান করে চলে।

মামা-মামীর আদরে ক্ষিতুর মেরু-দণ্ড এমনিতেই দুর্বল ছিল, তারপর নেশার বশ হয়ে, তার ভেতরে পদার্থ বলে আর কিছুই নেই।

ভামাক সাজতে সাজতে পরাণ বলল,—ইডা কিন্তুক ঠিক হল না নায়েব মশায়।

আরামে তাকিয়া ঠেস দিয়ে অর্ধ-নিম্নলিত চোখে আলবোলায় সুখ টান দিচ্ছিল নায়েব মশায়। ইতিপূর্বে এক আধ গ্রাস টেনেছিল সে। নেশাটাও একটু জমে উঠেছে তার।

টেনে টেনে বলল—কিসের কথা বলছিস রে পরাণ ?

—না, এই কই ঐ কলকাতার বাবুগরে কথা। তারা যা ক'ল, আপনিও তাই 'হ্যাঁ' করলেন—তাই কতিছি। ইডা কি ঠিক হল ?

পরাণ মণ্ডলের কথা শুনে নায়েবের মুখে মুছ হাসি ফুটে উঠল।

পরাণের কথার উত্তর না দিয়ে নায়েব বলল,—হ্যারে পরাণ, তোর বউকে ঘরে আনবি ?

বিস্মিত হয়ে নায়েবের দিকে তাকিয়ে পরাণ বলল,—কি কন আপনি ?

তোর বউ পেসাদীকে যদি ঘরে আনতে চাস তো, বল, তাকে তোর কাছে এনে দিই।

—পাঠাবিগ্যা তাক বুড়্যা মণ্ডল।

—তোর বিয়ে করা বউকে ঈশান মণ্ডল কোন আইনে আটকিয়ে রাখতে পারবে না। আমি পেসাদীকে তোর কাছে এনে দেব।

একটু চুপ করে থেকে পরাণ বলল,—না থাক, বউ নিয়্যা ঘর করা

অন্ধ দেবতা

আমার বরাতে নাই। আর—ইয়ে, না থাক নায়েব মশায়, ওসব হাজামায় কি দরকার? ও যদি ইচ্ছে কর্যা আসে কোন দিন, তুমি আসবি।

—জোয়ান মেয়েছেলেকে জোর করে দখলে রাখতে হয় রে, বোকা।

ক্ষিতুর স্ত্রী এক বাটি মাংস নিয়ে ঘরে ঢুকতে ঢুকতে বলল,—কার কথা কও মিত্যান?

—পরাণের বউ পেসাদীর কথা। পরাণ যদি চায়, তাকে আমি এনে দিতে পারি ওর কাছে।

—পরাণ কি কয়?

—যেমন বোকা, বলে, আসে তো ইচ্ছে করেই আসবি।

—কলকাতার বাবুদের ছেড়ে কি আর তোর দিকে নজর দিবে সে? কলকাতার বাবুরা তো পেসাদির আঁচলের তলায় যায়ে উঠিছে শুনলাম।

ক্ষিতুর স্ত্রীর কথায় পরাণের মুখ লাল হয়ে উঠল।

বলল,—সব মিয়্যাছেলের নজর কি আর আপনার মত খোলসা হয় মিত্যান? আসব্যারও তো পারে?

ক্ষিতুর স্ত্রীকে পরাণও ‘মিত্যান’ বলে। ক্ষিতু ও নায়েবের এক গেলাসের ইয়ার সে। হয়ত কোনদিন নেশার ঝাঁকে ক্ষিতুর স্ত্রীকে ‘মিত্যান’ বলে সম্বোধন করে ফেলেছিল পরাণ। অপর পক্ষ থেকে প্রতিবাদ না আসায়, ঐরূপ সম্বোধন করতেই সে অভ্যস্ত হয়ে পড়েছে।

পরাণের কথার খোঁচাটা ক্ষিতুর স্ত্রী ঠিকই বুঝতে পারল। তাড়াতাড়ি বলল,—দেখতো মিত্যান, মাংসটা কেমন হল?

নায়েবের মুখের কাছে বাটিটা এগিয়ে ধরল ক্ষিতুর স্ত্রী।

—দাও, একটুকরো মুখে ফেলে দাও।

হাঁ করল ননী লাহিড়ী।

একটুকরো মাংস তুলে নায়েবের মুখে ফেলে দিল ক্ষিতুর স্ত্রী।

অন্ধ দেবতা

চিবোতে চিবোতে নায়েব বলল,—বেড়ে হয়েছে রে পরাণ ।
তুইও একটু চেখে দেখ ।

ক্ষিতুর স্ত্রীর দিকে তাকিয়ে পরাণ বলল,—ছোটবাবুরে ছান
মিত্যান ।

ক্ষিতুর দিকে এবার নায়েবের নজর গেল ।

বলল,—হ্যাঁ দাও, ক্ষিতুকে দাও । ক্ষিতু খা, তোর বউ বেড়ে
রোঁধেছে আজ ।

ঠাস করে মাংসের বাটিটা ক্ষিতুর মাছরের ওপর রেখে দিয়ে
ক্ষিতুর স্ত্রী চলে গেল ।

সকলকে খাইয়ে নিজে খেয়ে এ ঘরে এসে ক্ষিতুর স্ত্রী দেখল, নায়েব
পান চিবোচ্ছে, আর চোখ বুঁজে আলবোলা টানছে । পরাণ বা
ক্ষিতু কেউ ঘরে নেই । তারা হয়ত বাইরের ঘরে গিয়ে মদ্যপান
করছে ।

—কি গো মিত্যান. ঘুমুলে নাকি ?

—না ঘুমুয়নি বুলুরাণী, এস বস ।

—দাঁড়াও মুখে একটা পান দিই ।

গভীর রাত্রে নায়েব মশায় বাইরের ঘর থেকে পরাণকে ডেকে
নিয়ে বাড়ি গেল ।

ক্ষিতু তখন বাইরের ঘরে অনাবৃত তক্তাপোষের ওপর অঘোরে
ঘুমুচ্ছে । বুলুরাণী তার ঘরে খিল দিয়ে শুয়েছে ।

অবশেষত

পরানকে যেদিন কস্তাদা অপমান করে তাড়িয়ে দেয়—প্রসাদী কস্তাদার সমস্ত উক্তিই দাঁড়িয়ে শুনেছিল। পরান সম্বন্ধে তার মনে তখন কোন দাগই কাটে নি। লোকের মুখে শুনেছিল, ছোটবেলা পরানের সঙ্গে তার বিয়ে হয়েছে। পরান আর প্রসাদী কোনদিনই একসঙ্গে মেশবার সুযোগ পায় নি। পরান সম্বন্ধে তাই প্রসাদীর মনে কোন কৌতূহলও ছিল না।

সে ঘটনার পর অনেকদিন কেটে গেছে।

প্রসাদী যখন নিজের সম্বন্ধে সচেতন হয়ে উঠল, পরান ততদিনে নায়েব মশায়ের সুযোগ্য সহচর বলে খ্যাতিলাভ করেছে। ঈশান মণ্ডল তো পরানের নাম উচ্চারণ করতেও ঘৃণা বোধ করে। প্রসাদী নিঃশব্দে নিজের মন থেকে পরানের চিন্তা মুছে ফেলল। পরানের সঙ্গে যে তার বিয়ে হয়েছিল, সে কথাই সে বোধহয় ভুলে গেল। অবশ্য সে কথা তাকে মনে পড়িয়েও দিত না কেউ।

আট

জল রোজই বাড়ছে।

ইতিমধ্যে ডাক্তিপাড়ার পাঁচ ঘর হিন্দু গৃহস্থ জমিদারের নাট-মণ্ডপে আশ্রয় নিয়েছে।

মুসলমানদের জন্মে আটচালায় থাকবার ব্যবস্থা হয়েছে, কিন্তু এখনও কেউ সেখানে আশ্রয় নেয় নি।

অনিরুদ্ধেরা রোজই ভিঙ্কায় বেড়ায়। গ্রামের কয়েকজন উৎসাহী ছেলেও তাদের সঙ্গে জুটেছে। আর জুটেছে রবি ডাক্তার—মজুমদার মশায়ের ছেলে। বন্যাত-রুগীদের সে বিনা-ভিজিটের

অন্ধ দেবতা

ডাক্তার, তবে রুগীদের সম্বন্ধে অবহেলা তার নেই ! ডাক্তার হিসেবে যতবড় সে না হক, লোক হিসেবে সে অনেক বড় । গ্রামের লোকের মুখে মুখে তার নাম ।

সারাদিন ঘুরে বিকেলে অনিরুদ্ধ বন্ধুদের সঙ্গে ফিরে এল তাদের আস্তানায় ।

আস্তানা অর্থে, পীতাম্বরের ডিঙ্গি । ডিঙ্গিতে থাকে অনিল । অনিলের ওপর রান্নার ভার ।

মণ্ডলের পালানের নৌচেই আজকাল ডিঙ্গি বাঁধা থাকে ।

অনিরুদ্ধেরা মণ্ডলের ডিঙ্গি নিয়ে যাতায়াত করে ।

ডিঙ্গিতে পা দিয়েই অনিরুদ্ধ বলল,—ভাত দে, অনিল ।

—ভাত নেই ।

—নেই মানে ?

—রাঁধি নি ।

—চাল নেই, তা আগে বলতে পার না ? যত সব অপদার্থ—

রাগের চোটে কথা শেষ করতে পারল না বিভাস ।

সারাদিন পরে খেতে এসে, রান্না হয় নি শুনে, রাগ হয়েছিল সবারই । বিভাস রাগটা আর চাপতে পারল না ।

বিভাসের রাগে, অনিলের কিন্তু কোন পরিবর্তন হল না ।

সহজভাবেই সে উত্তর দিল,—চাল আছে । রাঁধতে দেয় নি, তাই রাঁধি নি ।

অনিরুদ্ধ বলল,—কি যা-তা বলছিস ? কে রাঁধতে দেয় নি ?

—আমি দিই নি ।

পেছন ফিরে অনিরুদ্ধ দেখল, ডিঙ্গির কাছে প্রসাদী এসে দাঁড়িয়েছে ।

—কতাদা আপনিগরে জন্মি বস্থা আছে । আপনিরা চলেন ।

অন্ধ দ্বেষতা

—তোমাদের বাড়ী আমাদের আজ নিমন্ত্রণ নাকি ? গাধা অনিলটা এতক্ষণ সে কথা না বলে, মেজাজটা বিগড়ে দিয়েছে।

বিভাসের কথায় প্রসাদী মূছ হেসে বলল,—নিমন্ত্রণ্য আবার কি ? এখন চলেন সব, বেলা যে আর নাই।

—আচ্ছা, তুমি যাও। আমরা আসছি এখনুনি।

সকলের হয়ে জবাবটা দিল বিভাস।

নিমন্ত্রণের কথায় বিভাসের সব রাগ জল হয়ে গেছে। বরঞ্চ সে খুসীই হয়েছে।

মণ্ডল ব্যক্ত করল,—আজ সে একটা বড় রুই মাছ মেরেছে পলো দিয়ে। তাই মাছটা বাবুগরে সেবায় লাগাতে সে মনস্থ করেছে।

বিভাস বলল,—তা বেশ মণ্ডল, ভালই করেছ। খিদেটাও লেগেছে মন্দ নয়। অনিলের হাতের পোড়া-ডাল আজ আর খেতে হল না।

প্রসাদী বলল,—পোড়া-ডাল কে আপনিগরে খাতি কয় ? আপনিগরে দয়া হলি, আমরা রোজ ছোটো পেসাদ পাতি পারি।

প্রসাদীর কথার বাঁধুনি আছে।

অনিরুদ্ধ বলল,—না, তা হয় না প্রসাদী। তুমি আর মণ্ডল আমাদের যথার্থ বন্ধু। তোমরা অনেক করছ আমাদের জন্তে। রোজ খাওয়ানোর ভার নিতে যাবে কেন ?

—ভার আবার किसির ? আচ্ছা, তাই যদি মনে করেন, তয়, চাল দিবেন, রাঁধ্যা দিব আমি।

—বেশ, তাই হবে।

—ঠিক তো ?

—প্রতিজ্ঞা করিয়ে নিচ্ছ ?

উত্তর দিল না প্রসাদী।

অন্ধ দেবতা

—পেসাদিদি, সওদা নাও ।

—কতাদা বুঝি নিজি হাটে না যায়্যা, তোমার কাছে গছাইছে ?

—না দিদি, মগুলের কথা তো জানিগ্যা, ঐ অনিবাবু সওদা আনতি পয়সা দিছিল ।

—ও, আচ্ছা রাখ পিতুদা ।

এত আনাজ-পাতি, চাল-ডাল দেখে প্রসাদীর মুখ গস্তীর হয়ে গেল ।

—আর এই নাও, অনিবাবুর চিঠি । রমণী পিয়ন দিল আমাক ।

চিঠি আর সওদা দিয়ে পীতাম্বর চ'লে গেল ।

অনিরুদ্ধেরা কেউ তখন বাড়ী ছিল না । মগুলও গিয়েছিল তাদের সঙ্গে ।

মগুল অবশ্য জানত না, অনিরুদ্ধ কখন পীতাম্বরকে হাট করতে টাকা দিয়েছিল ।

মগুলকে নিয়ে অনিরুদ্ধেরা যখন মজুমদার মশায়ের বাড়ী যাচ্ছিল, মগুল বলেছিল—আজ হাট করতি হবি । আপনিরাই যান আজ মজুমদার মশায়ের কাছি । আমি হাট ঘুর্যা আসি ।

অনিরুদ্ধ সে কথায় রাজী হয় নি । বলেছিল,—যা ঘরে আছে, তাই দিয়েই খাব । এ কাজটি আগে । আমাদের জন্তে চিন্তাটা বেশী নয় ।

মগুল আর কিছু বলতে পারল না । তাদের সঙ্গে মজুমদার মশায়ের বাড়ীতে তাকেও যেত হল ।

নয়

রাত্রে খেতে বসে মগুল বলল,—বাগুন কনে পালি দিদি ?

—পিতুদা আনিছে হাট থিক্যা ।

মগুল আর কিছু জিজ্ঞাসা করল না, প্রসাদীও বলল না কিছু ।

অনিরুদ্ধ মুখ বুঁজে খেয়ে চলেছে । সে বিশেষ চিন্তামগ্ন ।

অন্ধ দ্বেষতা

অনিল, বিভাসরাও চূপচাপ ।

কেমন যেন একটু থমথমে ভাব ।

মজুমদার মশায়ের বাড়ীতে নায়েব মশায়ের সঙ্গে তাদের দেখা হয়েছিল ।

জমিদারের কাছ থেকে নায়েব চিঠির উত্তর পেয়েছে । সেই চিঠি নিয়েই মজুমদার মশায়ের বাড়ীতে সে এসেছিল ।

জমিদারের চিঠি মোটেই সন্তোষজনক নয় ।

নায়েব পড়ে শোনাল সেই চিঠি ।

“বন্ধার খবর পেলাম তোমার চিঠিতে । খবরের কাগজেও কিছু কিছু লিখেছে ।

আট-চালা আর নাট-মণ্ডপে তাদের থাকতে দিয়ে ভালই করেছ । তোমার বিবেচনা মতই কাজ করেছ ।

খাজনা-মাপ সম্বন্ধে তোমার বক্তব্য আমার বোধগম্য হ'ল না । যদি জমিদারী থাকে, তবেই আমি জমিদার, আর তারা আমার প্রজা । বাকী খাজনার দায়ে জমিদারী নিলাম হয়ে গেলে, জমিদার আর প্রজার সম্বন্ধ বজায় থাকবে কি ? প্রজার বিপদে জমিদার যেমন দেখবে, জমিদারের বিপদেও প্রজা ভরসা । আমার জমিদারীতে তুমি আমার প্রতিভূ—তাদের বিপদে আশ্রয় দিয়ে যথেষ্ট বিবেচনার পরিচয় দিয়েছ ; জমিদারকে রক্ষা করবার দায়িত্বও প্রজাদের, এ কথা তাদের ভাল করে বুঝিয়ে দিও ।”

এই পর্যন্ত পড়েই নায়েব মশায় চিঠি বন্ধ করল । সবার মুখের দিকে তাকিয়ে সে বলল,—শুনলেন তো সব আপনারা ?

কেউ কোন উত্তর দিল না ।

সবাইকে নীরব দেখে নায়েব বলল,—জমিদার অন্তায় তো কিছু লেখেন নি । তাঁর উপযুক্ত কথাই লিখেছেন । জমিদারী যাতে

অন্ধ মেঘতা

রক্ষা হয়, সে তো প্রজাদেরই দেখা কর্তব্য। খাজনা দেব না বললে কি চলে? আজ না পারে, ছুঁদিন পরে দিক। আমারও তো একটা বিবেচনা আছে, না কি বলেন ললিত কাকা?

উত্তরে মজুমদার মশায় বললেন,—তোমার সুবিবেচনা থাকাই তো উচিত। সেই ভরসাই তো রাখি, ননী।

মজুমদার মশায়ের কথাটা নায়েব ননী লাহিড়ীর ঠিক মনের মত হল না। সে বুদ্ধিমান লোক। আর এ নিয়ে ঘাঁটাতে চাইল না।

—আচ্ছা নায়েব মশায়, রাত হল—আমরা উঠি।

উঠে পড়ল অনিরুদ্ধ।

—হ্যাঁ, আপনাদের আবার জল ভেঙ্গে যেতে হবে। তা, আপনারা ইচ্ছে করলে এদিকে এসেও তো থাকতে পারেন। বলেন তো, সব ব্যবস্থাই করে দিই। আমাদের গাঁয়ে এসে কষ্ট পাবেন, এটা তো ঠিক নয়?

—আপনাকে ধন্যবাদ নায়েব মশায়। কষ্ট আমাদের কিছু হচ্ছে না। হলে, নিশ্চয়ই আসব।

—না, মণ্ডলের বাড়ীতে আর কষ্ট কি! ছুঁ হাত জল বাড়লেও মণ্ডলের বাড়ীতে জল ঢুকবে না, বড় উঁচু ভিটে।

—বড় উঁচুতেই ছ্যালাম ‘নাড়ি মশাই’—তোমার কালেই নীচি পড়িছি।

মণ্ডলের কথা শুনে নায়েব বলল,—এডা তুমি কি ক’লে মণ্ডল? তুমি আমাদের সকলের উপরে।

—হয়। চলেন বাবুরা, যাই।

মজুমদার মশায় ও নায়েবকে নমস্কার করে অনিরুদ্ধেরা বেরিয়ে গেল।

খাওয়ার পর বড় ঘরে বসে সবাই গল্প করছিল।

অন্ধ দেবতা

—তাই কই । কি হইছে দাদাবাবু ?

প্রসাদীর কথায় স্পষ্ট দরদীর সুর । গ্রাম্য মেয়ের এই সহজ
আত্মীয়তার সুর ভাল লাগল অনিরুদ্ধের ।

একটু হেসে অনিরুদ্ধ বলল,—দাদাবাবু নয়, দাদা ।

মাথা নীচু করল প্রসাদী ।

আবার বলল অনিরুদ্ধ,—বল দাদা ।

আস্তে আস্তে প্রসাদী উচ্চারণ করল,—দা-দা ।

—মনটা আজ ভাল নেই প্রসাদী । সীতার চিঠি এসেছে আজ ।
বাবা তার বিয়ে ঠিক করেছেন ।

—সীতা কিডা ?

—আমার বোন ।

—বিয়ে ঠিক হইছে বুনের । তা, খারাপ কথাডা কি ? আমি
ভাবল্যাম, না-জানি আর কি ব্যাপার ?

হাসল অনিরুদ্ধ ।

বলল,—না বিয়ের কথা আর খারাপ কি । তবে মুশ্কিল
হয়েছে যে, সীতা এখনও বিয়ে সম্বন্ধে মনস্থির করে নি । আমার
পরামর্শ চেয়ে চিঠি লিখেছে । আমাকে যেতে বলেছে ।

অনিরুদ্ধের কথাগুলো বোধহয় প্রসাদী ঠিক বুঝতে পারল না ।
তাই কোন উত্তর দিল না সে ।

—আচ্ছা বল ত প্রসাদী, আমি কি উত্তর দিই ?

—কিসির উত্তর ?

—সীতার চিঠির ।

—আমি তো আপনার বুনের কথা জানিগ্যা কিছু, আমি কি কব ?

—হঁ ।

—আমি কই কি, আপনি কলকাতা চল্যা যান । বুনের বিয়া
দিয়া আসেন গা ।

—তুমি তো বেশ সহজেই বললে চলে যেতে । কিন্তু আমি যাই

অন্ধ দেবতা

বিয়ের দিন স্থির হয়েছে, এ খবরটা অবিনাশবাবু কমলাকে জানিয়ে দিয়েছেন। স্মৃতরাং সীতাও জেনেছে।

প্রথম থেকেই কমলা মারফৎ সীতা বিয়েতে আপত্তি জানিয়েছিল। কমলার কাছে সে সশব্দে শুনেও অবিনাশবাবু সে কথায় কোন গুরুত্ব দেননি। বরঞ্চ মেয়ের বেহায়াপনায় বিরক্ত হয়ে কাচ মস্তব্য করেছেন।

পাত্র-পক্ষ থেকে সীতাকে কেউ দেখতে আসেনি। পাত্র নাকি সীতাকে পছন্দ করেছে। কবে, কি সূত্রে সীতাকে সে দেখেছে, তা জানা যায়নি।

পাত্র-পক্ষ থেকে ঘটক এসেছিল। পাত্রের পরিচয় পেয়ে অবিনাশবাবু খুসী মনেই এ বিয়েতে অগ্রসর হয়েছেন। পাত্রের বাড়িতে গিয়ে তার বাপ-মার সঙ্গেও আলাপ-আলোচনা ও দিন-স্থির ইত্যাদি সমাধা কবে ফেলেছেন।

কনে দেখার প্রশ্নে পাত্রের বাবা বলেছেন,—ছেলে যখন পছন্দ করেছে, সে ক্ষেত্রে ও হাঙ্গামা করে লাভ কি? তবে ক'নেকে আশীর্বাদ করতে আমি নিশ্চয়ই যাব।

কমলার মুখে পাত্রের পছন্দের কথা শুনে সীতাও কম আশ্চর্য হয়নি। কবে কিভাবে ভদ্রলোক তাকে দেখেছে, সীতা বুঝতেও পারেনি। শুধু দেখাই নয়। খোঁজ করে তার ঠিকানা জেনেছে। তারপর সরাসরি ঘটক পাঠিয়ে একেবারে বিবাহের প্রস্তাব। ভদ্রলোক অদ্ভুত লোক তো! নিজেকে সুন্দরী বলে কোনদিনই তার মনে হয়নি। অথচ ভদ্রলোকের কাণ্ড-কারখানা দেখে নিজেকে অপাংক্তেয় আর ভাবা যায় না।

পাত্র সশব্দে যথেষ্ট কৌতূহল থাকলেও হঠাৎ কিছু করবার মত ভাবপ্রবণ নয় সীতা। বিয়ে করবে না—এই রকমই সে মনে মনে ঠিক করে রেখেছে। পড়া-শোনা আর স্বাধীন ভাবে কাজ করবে, এই তার ভবিষ্যৎ জীবন সশব্দে পরিকল্পনা।

অন্ধ দেবতা

পিতার দ্বিতীয় বার বিবাহ, সংসার বিবাহিত জীবন—এগুলোও তার মনে অবিবাহিত জীবন যাপন করবার পরিকল্পনা গড়ে তুলতে সাহায্য করেছে।

সীতা যখন বুঝল, তার অমত জেনেও অবিনাশবাবু নিরস্ত হবেন না, তখন অনিরুদ্ধকে চিঠি লিখল সে। মনের কথা জানিয়ে, অনিরুদ্ধের মতামত চাইল ও তাকে কলকাতায় ফিরে আসতে বলল।

বাবার স্বভাব সীতা জানে। এই ব্যাপার নিয়ে তিনি যে একটা বিশ্রী অবস্থার সৃষ্টি করে তুলবেন, তাতে কোন সন্দেহ নেই। এ রকম একটা সম্ভাবনায় সম্মুখীন হবার জন্মে নিজেকে প্রস্তুত রাখছিল সীতা।

কমলা সীতাকে শাড়ী পছন্দ করতে বলায়, সীতা জানাল,—ছোটমা, বাবাকে স্পষ্ট করেই জানাতে চাই, তিনি যেন আমার ইচ্ছার বিরুদ্ধে বিয়ে করতে জোর না করেন।

—তোমার কথা তাঁকে না বলেছি, তা তো নয়। দেখতেই পাচ্ছ, ওঁর কাছে ওসব কথাব কোন মূল্য নেই!

—শাড়ীগুলো ফেরত দাওগে তুমি।

সংক্ষেপে কথা ক'টি বলে সীতা তার সামনে খোলা বইয়ের দিকে ঝুঁকে পড়ল। কমলা তাব ঘরে ঢোকবার সময় সে পড়ছিল।

একটু অপেক্ষা করল কমলা। তারপর শাড়ীগুলো নিয়ে ঘর থেকে বেরিয়ে যেতে যেতে বলল,—বেশ, তাই বলিগে।

এরপর যা হবার তাই হল।

অবিনাশবাবু চৈঁচিয়ে বাড়ি মাথায় করতে লাগলেন। কমলার ওপর হস্বি-তস্বিও কম হল না। তাঁর বাড়িতে থাকতে হলে, তাঁর কথামত সবাইকে চলতে হবে,—বার বার এ কথা বলে শাসাতে লাগলেন।

তাঁর চিৎকার ও শাসানি, ঘরে বসে সবই সীতার কানে আসতে লাগল। সীতাকে শোনাতেই তিনি চান।

সীতা ঘর থেকে বেরোল না।

অন্ধ দেবতা

তোর মত নেই শুনে সকাল থেকে তোর বাবা যা আরম্ভ করেছেন—
তাই বলছি।

—আমিও ত তাই বলছি। জীবনটা নিয়ে একবার জুয়া খেলে
দেখা যাক। যাও, এবার কোমর বেঁধে আমার বিদায়ের ব্যবস্থায়
লেগে যাও। খবরটা শুনিয়ে বাবাকে ঠাণ্ডা করগে।

কমলা হেসে ফেলে বলল,—মেয়ের কথাগুলোই বাঁকা বাঁকা।
আর দাদাটি ত ঘেন্নায় আমার সঙ্গে কথাই বলে না।

—আহা, তাই নাকি! তুমিই ত দাদার সঙ্গে কথা বলতে চাও
না। বুঝলে, দাদার মন অত ছোট নয়।

—দাদার নামে কিছু বললেই অমনি মেয়ে ফৌস করে
ওঠে।

—দাদার সঙ্গে আলাপ কবলে বুঝতে পারতে, দাদা কি? বাবার
মত কেন দাদা হল না, তাই বাবাব রাগ।

—তোর দাদার মত যদি আমার একটা দাদাও থাকত! তাকে
আমার হিংসে হয়, সীতা।

—তা ত হবেই, সৎমা কি না?

কমলা হেসে বলল,—হ্যাঁরে, ঠিক তাই।

সীতাও হেসে ফেলে দু হাতে কমলাকে জড়িয়ে ধরল।

—ছাড়, ছাড়, আমার এখন অনেক কাজ। তোর এমনি করে
জড়িয়ে ধবার লোকটিকে আনবারই ত ব্যবস্থা করছি।

কমলাকে ছেড়ে দিয়ে সীতা বলল,—ধোৎ, অসভ্য।

হাসতে হাসতে কমলা ঘর থেকে বেরিয়ে গেল।

কনেকে আশীর্বাদ করতে আসবেন, ছেলের বাবা খবর
পাঠিয়েছেন।

সেদিন বাড়ীতে এক দক্ষযজ্ঞ বাধিয়ে তুললেন অশ্বিনাশবাবু।

এগারো

বিয়ের পর সীতা স্বশুরবাড়িতে চলে গেছে। স্বশুরবাড়িতেও সে এখন নেই। প্রবীর আর সীতা দেশভ্রমণে বেরিয়েছে।

সম্প্রতি সীতার একখানা চিঠি পেয়েছে কমলা। তারা এখন আগ্রায়।

সমস্ত চিঠিখানা তাজমহলের বর্ণনায় ভরা। আর সীতার চিঠির ভাষাও উচ্ছ্বাসে ভরপুর।

কমলা একটু হাসল।

সীতার মন এখন আনন্দে কানায় কানায় পূর্ণ। সে আনন্দের ভারে টলমল মনের ছায়া পড়েছে তার চিঠির ভাষায়। প্রবীরকে পেয়ে সীতা সুখী হয়েছে, সন্দেহ নেই।

কমলার এখন বড় একা একা লাগে। সারাদিন এটা-ওটা কাজ করে, সময় যেন তবুও ভারী হয়ে ওঠে, কাটতে চায় না।

সীতা অভিযোগ জানিয়েছে, কমলা কেন সংক্ষেপে মাত্র ক'লাইনে চিঠির উত্তর দেয়? অত সংক্ষেপ উত্তর সীতার পছন্দ হয় না। সমস্ত খবর জানিয়ে বড় করে চিঠি দিতে বলেছে কমলাকে তাড়াতাড়ি।

সীতাকে তাড়াতাড়ি উত্তর দেবার কোন প্রেরণা পাচ্ছে না কমলা। সীতা লিখেছে, পূর্ণিমার আলোয় তাজ দেখবার জন্যে তারা পূর্ণিমা পর্যন্ত আগ্রায় থাকবে। পূর্ণিমায় চাঁদের আলো তাজকে নাকি অপরূপ করে তোলে।

পূর্ণিমার এখনও ক'দিন দেরি আছে। সীতাকে এখনই উত্তর দেবার তাড়া নেই। ধীরে সুস্থে সীতার চিঠির উত্তর দেবে, ভাবল কমলা।

সেদিন বিকেলে কমলাকে ডেকে পাঠালেন অবিনাশবাবু।

অন্ধ দেবতা

কমলা তাঁর ঘরে ঢুকে দেখল, অবিনাশবাবু চুপ করে ইজিচেয়ারে চোখ বুঁজে শুয়ে আছেন।

তাকে বললেন,—চেয়ারটা টেনে নিয়ে কাছে এসে বস ছোটবৌ।

অবিনাশবাবুর শান্ত ক্ষীণ স্বর শুনে বিস্মিত হ'ল কমলা।

সাধারণতঃ এত শান্তভাবে কথা বলেন না অবিনাশবাবু।

তিনি আবার বললেন,—কই, বস ?

চেয়ারটা অবিনাশবাবুর দিকে একটু টেনে নিয়ে বসল কমলা।

কিছুক্ষণ অবিনাশবাবু কোন কথা বললেন না। পূর্বের মত চোখ বুঁজে শুয়েই থাকলেন।

—সীতা শ্বশুরবাড়ি যাবার পর থেকে তোমার বেশ অসুবিধা হয়েছে, না ?

ধীরে ধীরে বললেন অবিনাশবাবু।

কমলা কোন উত্তর দিল না।

—মেয়েটার ব্যবহার দেখ। বিয়ের পর সেই যে গেল, কেমন আছে না আছে, একটা খবরও দিল না।

—চিঠি দিয়েছে সীতা। ওরা এখন আশ্রয় আছে। মেয়ে-জামাই বেড়াতে গিয়েছে।

—তোমাকে সে চিঠি দেয়, তা জানি।

—কে কেমন আছে সব খবরই সে জানতে চেয়েছে।

—হঁ।

দীর্ঘনিশ্বাস ফেললেন অবিনাশবাবু।

আবার কিছুক্ষণ নীরবতা।

—সবই আমার কপাল, বুঝলে ছোটবৌ! বাপের কর্তব্য কি না আমি করেছি? ছেলেকে লেখাপড়া শিখিয়েছি, কোন দিন কোন অভাব বুঝতে দিইনি। লেখাপড়া শিখে সে মানুষ হবে, এই না আমার আশা ছিল। কিন্তু কি হ'ল? অত ভালভাবে এম. এ. পাশ করল। যে কোন ভাল চাকরি সে পেতে পারত। তা নয়,

অন্ধ দেবতা

হৈ-হৈ করে নিজের ভবিষ্যৎটা নষ্ট করছে। আর মেয়েটা এমনই স্বার্থপর যে, বাবাকে সে ভুলে গেছে। ভাল ঘর-বরে তোর বিয়ে দিয়েছি,—সে ত তোর ভবিষ্যৎ যাতে সুখের হয়, সেই ভেবেই না করেছি? তোদের ওপর চেষ্টামিচি করেছি, সে ত তোদের ভালোর জন্তেই। আজ বাবাকে একখানা পোস্ট-কার্ড দিয়েও জিজ্ঞাসা করে না,—বাবা কেমন আছে?

বলতে বলতে অবিনাশবাবুর গলা ভারী হয়ে এল।

কমলাও লজ্জিত হল। বলল,—নিশ্চয়ই সীতার এ বড় অন্যায়। আমি তাকে লিখে দেব, তোমাকে চিঠি দিতে।

—না, লিখ না।

একটু পরে জিজ্ঞাসা করলেন,—কলকাতায় কবে ফিরবে, কিছু লিখেছে?

—না। তারা এখন আরও অনেক জায়গায় যাবে। আগ্রা থেকে অন্য জায়গায় গিয়ে আবার চিঠি দেবে জানিয়েছে।

—হঁ। আমি খুব গরীবের ছেলে ছিলাম, ছোটবোঁ। অনেক দুঃখ-কষ্ট পেয়েছি ছোটবেলায়। রোজ দুবেলা পেট ভরে ভাতও জুটত না। শুধু বেঁচে থাকবার জন্তে আমাকে রোজগারের ধান্দায় ঘুরতে হয়েছে খুব কম বয়স থেকেই। লেখা-পড়া তাই শিখিনি। সমস্ত জীবনটাই আমার একটানা পরিশ্রমের গাঁথুনি। কতব্যে অবহেলা করিনি,—সময়কে অপচয় করতে পারিনি। আজকালকার ছেলে-মেয়ের চালচলন তাই আমার পছন্দ হয় না। কেমন যেন সব টিলে-ঢালা ভাব। কতব্য ছেড়ে হুজুগে বেশী ঝাঁক।

—তুমি যাকে হুজুগ বল, সেটাকেই হয়ত তারা কতব্য বলে জানে।

—জানে না তারা কিছুই। এই যে সীতা বিয়ে করবে না বলে ঝাঁক ধরেছিল, বিয়ের পর সে কি খুব অসুখী হয়েছে বলে তোমায় লিখেছে?

অন্ধ দেষতা

সে কথার উত্তর না দিয়ে কমলা বলল,—আমাকে তুমি কেন ডেকেছ ?

—ডেকেছি, ভাবছি, কিছুদিন বাইরে থেকে ঘুরে আসব। কাশী, বৃন্দাবন, আর এদিকে গয়া। গয়ায় গিয়ে পিতৃপুরুষের পিণ্ডান করবার বাসনাও আছে। একবার চল, দু'জনে বেরিয়ে পড়ি।

—আমি যাব ?

—হ্যাঁ, তুমিও চল। কেন, আপত্তি আছে নাকি তোমার ?

—এখানে বাড়িতে কে থাকবে ?

—কেউ না। তালি বন্ধ করে যাব।

—অনিরুদ্ধ যদি এর মধ্যে ফিরে আসে, সে কোথায় থাকবে ?

—তার থাকবার জায়গার অভাব কি ? তার জন্তে চিন্তা না করলেও চলবে।

—এটা কি স্বার্থপরতা হ'ল না ?

—আমি স্বার্থপর, আমি তোমাকে বিয়ে করে অন্তায় করেছি,— এই সব কথাই তোমার কাছে শুনে আসছি। কিন্তু এই যে আমি সকাল থেকে জ্বব হয়ে পড়ে আছি—একবার খোঁজ নেওয়াও কত'বা বলে মনে করনি ? সাধারণ ভদ্রতাবশেও ত লোকে খোঁজ খবর নেয় !

—তোমার জ্বর হয়েছে,—আমি এ কথা ত জানি না।

—জানবার গরজ কোথায় তোমার ? আজকালকার মেয়ে তোমরা—শুধু মুখে বড় বড় কথা বলতে শিখেছ। কিন্তু বড় বড় কথা বলেই কি নিজেকে বড় করে তোলা যায় ? কি তোমাদের শিক্ষা, কি তোমাদের ত্যাগ—হৃদয় কোথায় তোমাদের ?

—আমার অন্তায় হয়েছে, স্বীকার করছি। তুমি একটু চুপ কর।

চেয়ার থেকে উঠে এসে অবিনাশবাবুর কপালে হাত দিয়ে কমলা বলল,—এখনও ত জ্বর রয়েছে। ডাক্তারকে ডেকে পাঠাই।

অন্ধ দেবতা

—না, অত সহজে আমার ডাক্তারের দরকার হয় না। এমনিতেই সেরে যাবে। তুমি বস।

—আমি বসলেই ত তুমি আবার বক বক ক'রে অসুখ বাড়িয়ে তুলবে।

—বক বক কি আমি সাথে করি ?

কমলা বসল না। দাঁড়িয়ে স্বামীর কপালে হাত বুলিয়ে দিতে লাগল।

অবিনাশবাবু চোখ বুঁজে কমলার সেবা গ্রহণ করতে লাগলেন।

একটু পরে আশ্বে আশ্বে বললেন,—সীতার মা কতদিন আমার সঙ্গে ঝগড়া-ঝাঁটি করেছে, কিন্তু আমাকে কোনদিন হেনস্থা করে নি। আমি মুখ্য মানুষ। চাষার মত খাটতে পারি—আর মেজাজটাও ঠিক চাষার মত রয়ে গেল। লেখাপড়া জানা ছেলেমেয়ে মুখ্য বাবাকে সম্মান করবে কেন? আজকালকার শিক্ষাই যে আলাদা। আর তোমাকেই বা কি দোষ দেব? সবাই ত আজকালকার ছেলেমেয়ে তোমরা। আমারই ভুল হয়েছে। আমার বিয়ে করাই উচিত হয় নি। সীতার মায়ের মৃত্যুর পর বড় ফাঁকা ফাঁকা লাগতে লাগল। নিজেকে বড় অসহায় মনে হয়েছিল। ভেবেছিলাম, বিয়ে করলে হয়ত আবার সব ঠিক হয়ে যাবে। পুরনো আদর্শ ছিল মনের পাতায়, আর দৃষ্টান্ত ছিল চোখের সামনে। কিন্তু তখন ভাবিনি—দিন বদলে গেছে। নূতন মানুষের সঙ্গে পুরনো মানুষের যে কোন মিল থাকবে না,—তা ভাবিনি।

—আমাকে শুধুই তুমি দোষ দিচ্ছ। তোমাকে হেনস্থা করব, এ কথা আমার মনেও আসে না। বিয়ের পর এসে দেখলাম, আমার বয়সী অবিবাহিত মেয়ে তোমার ঘরে। তোমার ছেলে আমার চেয়ে অনেক বড়। আমার গরীব বাবা হয়ত ভাল বিয়ে আমায় দিতে পারতেন না, কিন্তু এমন একটা অবস্থার মধ্যে এস পড়ব কল্পনা করিনি। তারপর দেখলাম, ছেলেমেয়ের সঙ্গে তোমার সম্ভাব নেই।

অন্ধ দেবতা

এই বিয়ের পর, তাদের চোখে তুমি নিজেকে আরও ছেয় ক'রে তুললে। নিজের সুখ-সুবিধা আর দাবীটাই তুমি বড় করে দেখতে অভ্যস্ত। পারলাম না সব কিছুর সঙ্গে নিজেকে মানিয়ে নিতে। তোমার নিলজ্জতা আর অসহিষ্ণু ব্যবহারে আমি আরও কুণ্ঠিত হয়ে পড়লাম। তুমি হয়ত আমার ওপর রেগে যাচ্ছ—কিন্তু সত্যটাই আজ প্রকাশ করলাম।

আস্তে আস্তে বললেন অবিনাশবাবু,—না, রাগিনি। তুমি যে আমায় ঘৃণা কর, তা আমি জানি ছোটবৌ। আমারই দোষ, তাও বুঝতে পারছি। কিন্তু সবই আমার ভাগ্যের লিখন।

অবিনাশবাবুর কথার ধরনে আজ কমলাও বিচলিত হ'য়ে পড়েছে। ভদ্রলোক বাহ্যত যত হুক্কার করেন, ভেতরে ততখানি দুর্বল।

কমলা বলল,—ও সব কথা এখন থাক্। তুমি ঘুমুতে চেষ্টা কর, আমি মাথায় হাত বুলিয়ে দিচ্ছি।

অবিনাশবাবু যেমন চোখ বুঁজে পড়ে ছিলেন, তেমনি ভাবেই থাকলেন। উত্তর দিলেন না কিছু। কমলা তাঁর মাথায় হাত বুলিয়ে দিতে লাগল।

সন্ধ্যা ঘনিয়ে অঁধার নেমে এল। কমলা ঘরের আলোটা জ্বলে দিল।

অবিনাশবাবু বললেন,—শরীরটা যেন বড্ড খারাপ লাগছে,—আমি বিছানায় গিয়ে শোব।

অবিনাশবাবু ইজিচেয়ার থেকে উঠে বিছানায় গিয়ে শুলেন।

কমলা বলল,—আমি থামে'মিটারটা নিয়ে আসছি।

অনিরুদ্ধের ঘরে থামে'মিটার ছিল। সীতা খুশুর-বাড়ি যাবার পর অনিরুদ্ধের ঘর বাড়-পৌঁছ কমলাই করে। অনিরুদ্ধের ঘরে ফার্স্ট-এইডের সরঞ্জাম, কিছু দরকারী ওষুধ সবসময়েই মজুত থাকে।

অন্ধ দেবতা

থামে'মিটারও থাকে ছ'টো করে । ইতিপূর্বে অনিরুদ্ধের অনুপস্থিতিতে সীতার সঙ্গে ছ'একবার সে ঘরে এসেছে কমলা । কিন্তু ঘরে কোথায় কি থাকে না থাকে—সে খোঁজ কোন দিন করেনি । প্রয়োজনও হয়নি । সীতা চলে যাবার পর, ঘর পরিষ্কার করতে গিয়ে সব দেখেছে কমলা । সেই থামে'মিটারের একটা নিয়ে এল সে ।

অবিনাশবাবুর জ্বর দেখা গেল প্রায় দু ডিগ্রীর কাছে ।

কমলা ঝিকে ডেকে কিছু পয়সা দিয়ে বলল,—বাবুর জ্বর খুব বেশী, রাত্রে রান্না করতে পারব না । তুই কিছু খাবার এনে খা ।

—আপনি খাবেন না ?

—না । তুই যা । আর অমনি ডাক্তারবাবুকেও একবার খবর দিয়ে আয় । বলবি, বাবুর অসুখ, একটু তাড়াতাড়ি উনি যেন আসেন ।

ডাক্তার বোস এ বাড়ির পুরোনো ডাক্তার । কাছেই তার চেম্বার । সারদা ঝিকে ডাক্তার ডাকতে পাঠিয়ে দিয়ে, কমলা এসে অবিনাশবাবুর মাথার কাছে বসল ।

—তোমার কি শীত করছে ?

অবিনাশবাবুর মুখের কাছে বুঁকে পড়ে জিজ্ঞাসা করল কমলা ।

—না, শীত নয় । তবে বড্ড জ্বালা করছে বুকের মধ্যে ।

—আমি ডাক্তারবাবুকে ডাকতে পাঠিয়েছি ।

অবিনাশবাবুর বুকে হাত দিল কমলা ।

—আঃ ! তোমার হাত বড় ঠাণ্ডা ।

কমলার হাতখানা নিজের বুকের ওপর চেপে ধরলেন অবিনাশবাবু ।

ডাক্তার এসে ষথারীতি অবিনাশবাবুকে পরীক্ষা করল ।

বলল,—জ্বরটা বোধহয় রাত্রে আরও বাড়বে । বুকেও সামান্য

বারো

সেদিন ছিল হাটবার ।

রমণী পিওনের কাছ থেকে অনিরুদ্ধের নামে একখানা চিঠি নিয়ে এল পীতাম্বর মাঝি ।

অনিরুদ্ধ তখন ছিল জমিদারের আট-চালায় । আরও অনেকে ছিল সেখানে । পীতাম্বর চিঠিটা অনিরুদ্ধকে দিল ।

চিঠিটা খুলে অপরিচিত হস্তাক্ষর দেখে, প্রেরকের নাম পড়ল অনিরুদ্ধ । ‘কমলাবালা দেবী’ সেই রয়েছে চিঠির নীচে । কে ‘কমলাবালা দেবী’ চিনতে পারল না সে ।

চিঠিটা সে পড়তে শুরু করল । বুঝতে পারল, তার সৎমার চিঠি । সৎমার নাম জানত না অনিরুদ্ধ ।

ছোট চিঠি । বাবার বাড়াবাড়ি অসুখের খবর জানিয়ে অবিলম্বে অনিরুদ্ধকে কলকাতায় ফিরতে অনুরোধ করেছেন তিনি ।

চিঠির মর্মার্থ শুনল সবাই ।

অনিরুদ্ধকে অবিলম্বে কলকাতা ফিরতে উপদেশ দিল তারা । বিশেষ করে নায়েব মশায় ব্যস্ত হয়ে উঠল । কালই যে অনিরুদ্ধের রওয়ানা হয়ে যাওয়া উচিত—এ কথা নায়েব মশায় বার বার বলে, সকলের সমর্থন চাইল । বাবার অসুখের খবর শুনে কেউ যে তাকে থাকতে বলবে না—এ জানা কথা । নায়েবের আগ্রহ যেন বড় বেশী প্রকট হয়ে উঠল ।

নায়েবের ব্যস্ততা দেখে হাসল অনিরুদ্ধ ।

নায়েব মশায় যে চায় না অনিরুদ্ধ এখানে বেশী দিন থাকুক, সে কথা বুঝতে কারো অসুবিধা হয় না । তবে গোপনে গোপনে যে নায়েব মশায় তার উদ্দেশ্য কার্যে পরিণত করতে অশ্রু ব্যবস্থা করছে, সে খবর জানে না গাঁয়ের লোক । অনিরুদ্ধ জানতে পেরেও বলে নি কাউকে ।

অন্ধ দেবতা

তু দিন আগে হঠাৎ দারোগাবাবু অনিরুদ্ধকে থানায় ডেকে পাঠিয়েছিল।

দারোগা লোকটি মন্দ নয়। বেশ খোলাখুলিভাবেই অনিরুদ্ধের সঙ্গে আলাপ করল।

বন্ধুর জন্তে অনিরুদ্ধেরা যা করেছে, সেজন্তে তাদের যথেষ্ট প্রশংসাও করল দারোগাবাবু।

শেষে বলল,—জল তো অনেক কমে গেছে। এবার বোধ হয় আপনাদের আর কষ্ট করে এখানে থাকতে হবে না।

দারোগা কি বলতে চায়, বুঝল অনিরুদ্ধ।

বলল,—জল সরে গিয়ে রোগ দেখা দেবে মনে হয়। তাই আরও কিছুদিন হয়ত থেকে যেতে হবে।

—বর্ষা বেশী হলে, রোগ বড় একটা দেখা যায় না। আবর্জনা-ময়লা সব ধুয়ে যায় কি না।

—রোগ না হলে তো ভালই।

—হ্যাঁ, তাই বলছিলাম, কেন আর কষ্ট করে এখানে পড়ে থাকবেন ?

—এই কথা বলতেই কি আপনি আমাকে ডেকেছেন ?

—আপনি বুদ্ধিমান। সত্য গোপন করে লাভ নেই, বুঝেছেন আপনি ঠিকই। কথাটা স্পষ্ট করেই এবার বলি,—আপনারা এবার এখান থেকে চলে যান। আমাকে ভুল বুঝবেন না। আমি ভাল ভাবেই আপনাদের সম্বন্ধে খোঁজ নিয়েছি। আপনারা যে অন্ততঃ পলিটিক্‌স্ করছেন না এখানে, তা আমি জানি। কিন্তু আমার জানায় কিছু এসে যাবে না অনিরুদ্ধবাবু। ইচ্ছার বিরুদ্ধেও অনেক অপ্রীতিকর কাজ আমাদের করতে হয়, শুধু চাকরি বাঁচাতে।

—আপনাকে ধন্যবাদ দারোগাবাবু। আমাদের এখানে থাকা কারও কাছে অনভিপ্রেত হলেও, এতটা যে গড়াবে তা ভাবি না।

অন্ধ দেবতা

জমিদার মশায়কে সমস্ত অবস্থা জানিয়ে খাজনার ব্যাপারে একটা সুবাহা করতে পারি কিনা চেষ্টা করব। আমার মনে হয়, সত্যি খবর সব তিনি পান নি।

—মহিন্দর রায় লোক ভাল। সব জানলি পরে, একটা বিহিত করবিই সে। আমার কথাটাও কব্যান তাক্।

—বলব।

পীতাম্বরকে বলল অনিরুদ্ধ,—কাল সকালেই তুমি নৌকা নিয়ে সুজানগরের গোলার নীচে থাকবে।

জল কমে যাওয়ায়, মগুলের পালানের নীচে আর নৌকা লাগে না। সুজানগরের গোলা পর্যন্ত হেঁটে গিয়ে নৌকায় উঠতে হয়।

—আচ্ছা, আমি সকাল বেলাতেই নাও নিয়ে হাজির থাকব। এ্যাখন তয় আমি যাই।

চলে গেল পীতাম্বর।

খুব ভোরে উঠেছে প্রসাদা।

বাসি কাজ সেরে রান্না চাপিয়েছে সে অনিরুদ্ধেরা খেয়ে যাবে

অনিরুদ্ধ ঘুম থেকে উঠে দেখল, রান্নাঘরে কাজ করছে প্রসাদা।

রান্নাঘরের সামনে এসে সে বলল, —আমার চা!

ঘরের ভেতর থেকে উত্তর দিল প্রসাদা,—দিচ্ছি।

কাল অনিরুদ্ধদের চলে যাবার খবর শোনার পর থেকে প্রসাদা যেন অনিরুদ্ধকে এড়িয়ে চলছে। অনিরুদ্ধ লক্ষ্য করল,—তার সে স্বতঃস্ফূর্ততা আর নেই। কথা জিজ্ঞাসা করলেও, সংক্ষেপে এক-আধটা কথায় জবাব দেয়।

অনিরুদ্ধ একটু ইতস্ততঃ করে রান্নাঘরের সামনে থেকে চলে এল। বড় ঘরের দাওয়ায় এসে সে বসল।

অন্ধ দেবতা

ইতিমধ্যে বিভাস আর অজয়ও উঠে এসে বসল অনিরুদ্ধের পাশে ।

প্রসাদী অনিরুদ্ধের হাতে এক কাপ চা দিয়ে বলল,—আপনিরা হাত মুখ ধুয়ে নেন, আপনাদের চা আত্মা দিচ্ছি ।

অজয় অনিলকে ডেকে বলল,—ওঠরে অনিল, চা হয়ে গেছে ।

প্রসাদী আবার রান্নাঘরে চলে গেল ।

ভেরো

মগুলের বাড়ীতে একে একে অনেকেই এসে জুটল ।

অনিরুদ্ধেরা যে চলে যাচ্ছে, রাত্রে মধ্যই সে খবর ছড়িয়ে পড়েছে সারা গ্রামে । তাই সবাই দেখা করতে এসেছে তাদের সঙ্গে ।

মগুলের পালানে বেশ ভীড় জমেছে লোকের । সকালের নরম রোদে পিঠ দিয়ে বসেছে কেউ, কেউ বা দাঁড়িয়ে আছে । মগুলও গিয়ে জুটেছে সেখানে ।

তাদের আলাপের গুঞ্জন বাড়ীর ভেতর থেকেও শোনা যাচ্ছে । বাড়ীর ভেতরে যাবার উদ্যোগ-আয়োজন করতে ব্যস্ত অনিরুদ্ধেরা । জিনিষপত্র বাঁধা হচ্ছে ।

প্রসাদী ছুঁটো মাটির হাঁড়ি নিয়ে এসে বলল,—এ ছুঁটোও নেন ।

হাঁড়ির মুখ কাপড় দিয়ে ঢেকে বাঁধা ।

বিভাস প্রশ্ন করল,—কি আছে এতে ?

—কয়ডা চিঁড়ের মোয়া আর নারকোলের নাড়ু । রাস্তায় খাব্যান আপনিরা ।

—তা ভাল, কিন্তু হাঁড়ি ছুঁটো বয়ে নিয়ে যাবে কে ?

অন্ধ দেবতা

—এত নিতি পারেন, আর সামান্য এই ছুট্যা হাঁড়ি নিতি পারেন না ?

অপ্রস্তুত হয়ে বিভাস বলল,—পারবনা কেন ? তবে বয়ে নিয়ে যেতে একটু অসুবিধা হবে, তাই বলছিলাম। তা হোক গে,—তুমি দিয়েছ, ও হাঁড়ি দু'টো আমিই বয়ে নিয়ে যাব।

প্রসাদী মুখ টিপে হেসে ঘর থেকে বেরিয়ে গেল।

এমন সময় মণ্ডল বাড়ীর ভেতর এসে বলল,—কি, কতদূর ? গোছ-গাছ হইছে সব ?

ঘরের ভেতর থেকে উত্তর দিল বিভাস,—হ্যাঁ, আর দেরি নেই।

অনিরুদ্ধকে তাড়া দিয়ে অজয় বলল,—কি, তোর যে এখনও হল না ?

অনিরুদ্ধ বলল,—তোরা এগিয়ে যা। আমি পেছনে আসছি।

একটু পরে নিজের নিজের মোট নিয়ে ঘর থেকে বেরিয়ে এল তারা।

বিভাস বলল,—চল মণ্ডল, আমরা হাটি। অনিরুদ্ধ পরে আসছে।

—বেশ, চলেন।

রান্নাঘর থেকে প্রসাদী এসে দাঁড়াল উঠোনে।

বিভাস তাকে বলল,—যাচ্ছ, প্রসাদী।

উত্তরে মৃদুকণ্ঠে প্রসাদী বলল,—কত কষ্ট পায়্যা গেলেন এখানে।

—কষ্ট ! কষ্ট, আমরা ত বুঝতে পারিনি ! কিন্তু আমাদের যাতে কোন কষ্ট না হয়, তার জন্যে তুমি যে কষ্ট স্বীকার করেছ,—তাতে তোমাকে ধন্যবাদ দিলে, তোমাকে ছোট্টই করা হবে।

প্রসাদী মাথা নীচু করল।

—আচ্ছ। চলি।

পা বাড়াল বিভাস। অনিল, অজয় আর মণ্ডল তার অনুসরণ করল।

অনিরুদ্ধ তখনও ঘরের মধ্যে।

চৌদ্দ

বাড়ীতে ঢুকে অনিরুদ্ধের সাথে প্রথম দেখা হল নকুলেশ্বরবাবুর ।
নকুলেশ্বরবাবু কমলার পিতা ।

নকুলেশ্বরবাবু নীচে বৈঠকখানায় বসে কি যেন পড়ছিলেন ।
অনিরুদ্ধকে বাড়ী ঢুকতে দেখে চোখ তুলে তাকালেন তার দিকে ।
অনিরুদ্ধও তাকাল । অনিরুদ্ধ কোনদিন নকুলেশ্বরবাবুকে দেখেনি ।
তাঁর পরিচয়ও সে জানে না । নূতন লোক দেখে কোন কথা না বলে,
ওপরে যাবার জন্যে সে অগ্রসর হল ।

নকুলেশ্বরবাবু আন্দাজে বুঝলেন, এই বুঝি কমলার ছেলে । তিনি
অনিরুদ্ধকে ডাকলেন,—শোন ।

ফিরে দাঁড়াল অনিরুদ্ধ ।

তিনি বললেন,—এই এলে বুঝি ? তুমিই ত অনিরুদ্ধ ?

—আজ্ঞে, হ্যাঁ ।

উঠে পড়লেন নকুলেশ্বরবাবু । বললেন,—তোমার পথ চেয়েই
বসে আছি ভাই ।

জিজ্ঞাসনেত্রে অনিরুদ্ধ তাঁর দিকে তাকাল ।

তিনি বলতে লাগলেন,—এতবড় বিপদটা গেল ; খবর পেয়ে
ত ছুটে এলাম । এখন একা বাড়ীতে শোক-তাপা মেয়েটাকে রেখে
যাই কি করে ? ওদিকে আমার বাড়ীতেও ত দ্বিতীয় পুরুষ-মানুষ
কেউ নেই । কি যে হচ্ছে সেখানে, ভগবানই জানেন ।

অনিরুদ্ধ বুঝতে পারল সবই । ভদ্রলোকের কথার ধরনে তাঁর
ওপর কেমন অশ্রদ্ধা হল অনিরুদ্ধের ।

সে জিজ্ঞাসা করল,—বাবা, কবে মারা গেলেন ?

—পশুঁ রাত্রে ।

—কি হয়েছিল ?

অন্ধ দেবতা

—শুনলাম ত, নিমুনিয়া। আগে ত কোন খবর পাইনি।

অনিরুদ্ধ তার কোন কথা না বলে, আশ্বে আশ্বে ওপরে উঠে গেল।

নিজের ঘরে ঢুকে অনিরুদ্ধ চারিদিকে তাকিয়ে দেখল। প্রতিটি জিনিষ সুবিন্যস্ত। কোথায়ও কিছু অগোছাল নেই। অনিরুদ্ধ ভাবল, নিশ্চয়ই সীতা শ্বশুরবাড়ী থেকে এসে গেছে। না হ'লে তাব ঘর এমন করে কে গুছিয়ে রাখবে ?

সীতা এসে গেছে ভেবে স্বস্তি অনুভব করল সে।

সীতার বিয়ের চিঠি পেয়ে অনিরুদ্ধের মনে হ'য়েছিল, সীতা শ্বশুরবাড়ী চলে গেলে, বাড়ীতে গিয়ে সে বাস করবে কি কবে ? সীতার অনুপস্থিতিতে এ বাড়ীতে বাস করা যে অনিরুদ্ধের পক্ষে অসম্ভব। নিজের বাড়ীতে সে পরবাসী। নিজের ঘরখানি ছাড়া সারা বাড়ীতে আর কোথায়ও অনিরুদ্ধের পদক্ষেপ হয় না। খায়ও সে নিজের ঘরে। সীতা ভাত এনে দেয়। খাবার সময় সীতা নিজে বসে তাকে খাওয়ায়। সীতার কলেজে যাবার আগে অনিরুদ্ধ না ফিরলে, অনিরুদ্ধের ঘরে খাবার ঢাকা দিয়ে রেখে দিয়ে যায় সীতা। সারদাকে বলে দিয়ে যায়, তার খাবার সময় যেন সে খোঁজ নেয়। এই ব্যবস্থাই চলে আসছে।

অনিরুদ্ধের ঘর যেদিকে, কারও সেদিকে আসবার দরকার হয় না। অনিরুদ্ধেরও প্রয়োজন হয় না অগুদিকে যাবার। তাব ঘরের সামনেই যে বাথরুম আছে, অনিরুদ্ধই সেটা ব্যবহার করে।

সমস্ত বাড়ীতে কি হচ্ছে না হচ্ছে সে খবর অনিরুদ্ধের কাছে পৌঁছায় না। সীতা তাকে মাঝে মাঝে যতটুকু জানায় ততটুকুই সে জানতে পারে। সৎমাকে অনিরুদ্ধ কোনদিন দেখেনি। দেখবার আগ্রহও নেই, প্রয়োজনও হয়নি।

অন্ধ দেবতা

রাখা আছে। মাটির মালমাও রয়েছে একটি। অনিরুদ্ধ মালমায় জল দিয়ে চাল, কাঁচকলা ঢেলে নিয়ে উছনে চড়িয়ে দিল।

কমলা বলল,—এই ডালবাঁটাটুকুও ভাতে দিয়ে দিন।

একটা কাপড়ের ছোট পুঁটুলির মত করে ডালবাঁটা বেঁধে অনিরুদ্ধের দিকে খালাখানা এগিয়ে দিল সে।

তারপর কুশাসন, কলাপাতা পেতে ঠাঠি করে রেখে কমলা বলল,—ভাত হয়ে গেলে নামিয়ে নিতে পারবেন ত ?

এতক্ষণ কমলার সঙ্গে কোন কথা বলেনি অনিরুদ্ধ। কমলা যা যা করতে বলেছে, করে যাচ্ছে। তার দিকে তাকায়ও নি সে।

কমলার প্রশ্নে তার দিকে তাকাল অনিরুদ্ধ। এই প্রথম সে কমলাকে দেখল। আর, দেখে আশ্চর্য হল। সত্য-বিধবার বেশে একটি কিশোরী মেয়ে। খুবই ছেলেমানুষ। বুঝিবা সীতার চেয়েও ছোট। গৌরবর্ণ সুন্দর মুখশ্রী। মাথায় স্বল্প ঘোমটা। ঘোমটার পাশে রুক্ষ কুন্তলগুচ্ছ। সব মিলিয়ে মনে হচ্ছে যেন, রিক্ত ও রুক্ষতার মাঝে একটি ফুটন্ত গোলাপ।

অনিরুদ্ধের বুকের মধ্যে গুমরিয়ে উঠল এক অব্যক্ত বেদনায়। কমলার দিক থেকে দৃষ্টি ফিরিয়ে নিল সে।

অনিরুদ্ধ তার কথার কোন উত্তর দিল না। দেখে কমলা বলল,—রান্নাঘরে বাবা আর সারদার রান্না চাপিয়েছি। ওদিকটা দেখে আমি আসছি।

তবুও অনিরুদ্ধ কিছু বলতে পারল না। তার কণ্ঠ যেন রুদ্ধ হয়ে গেছে।

কমলা ঘর থেকে বেরিয়ে গেল। যাবার সময় বাইরে থেকে দরজাটা ভেজিয়ে দিয়ে গেল।

বেশ কিছুক্ষণ পর কমলা ফিরল। ঘরে ঢুকে সে অবাক হয়ে

অন্ধ দেবতা

গেল। উনুনের সামনে অনিৰুদ্ধ বসে আছে অথচ উনুনটা যে প্রায় নিভে এসেছে সেদিকে তার লক্ষ্য নেই। কমলা যে ঘরে ঢুকেছে, তাও সে বুঝতে পারেনি। কি যেন গভীর চিন্তায় সে নিমগ্ন।

কমলা বলল,—আপনার উনুনটা যে নিভে এল ?

কমলার কথায় অনিৰুদ্ধের চমক ভাঙ্গল। বলল,—তাই ত !

বড় লজ্জিত হয়ে পড়ল সে। তাড়াতাড়ি উনুনে কাঁঠ গুঁজে দিতে গেল।

—দাঁড়ান, ভাত বোধহয় হয়ে গেছে। জল ত শুকিয়ে গেছে দেখছি।

উনুনের কাছে এসে ভাল করে লক্ষ্য করে সে বলল,—হ্যাঁ, হয়ে গেছে। এবার নামিয়ে নিন।

কি কবে উনুনের ওপর থেকে গরম মালসা নামাবে অনিৰুদ্ধের কাছে সে এক সমস্যা হয়ে দাঁড়াল।

কমলা বুঝতে পারল, অনিৰুদ্ধ মালসা নামাতে পারবে না। বলল—আচ্ছা, আপনি সরে আসুন ত।

অনিৰুদ্ধ উঠে দাঁড়াল। সরে গেল উনুনের কাছ থেকে।

উনুন থেকে মালসা নামিয়ে কমলা বলল,—হাতটা ধুয়ে আপনি এবার বসে পড়ুন। আমি আপনাকে খেতে দিয়ে যাই।

অনিৰুদ্ধ বলল,—আপনার যদি কাজ থাকে, আপনি যান। আমি খেয়ে নেব

—আপনি যে সব ঠিক নিতে পারবেন না, তা আমি জানি। বসুন তো আপনি !

অনিৰুদ্ধ আর দ্বিকক্রি করল না।

সমস্ত মালসার ভাত অনিৰুদ্ধের পাতের ওপর ঢেলে দিল কমলা। তারপব ভালবাঁটাসেদ্ধ আর কাঁচকলা সরিয়ে নিয়ে ঘি-নুন দিয়ে মাখতে মাখতে বলল,—সব ভাত একভাবে ঢেলে নিতে হয়, ছ্বাঝে নিতে নেই।

অন্ধ দেবতা

—খরচপত্রের কথা বলছিলেন, তা আমার ঠিক জানা কেই, কত লাগবে ? আপনিই বলে দিন, কত লাগবে ?

—এক কথায় কি কিছু বলা যায় অমনি ? কটা দান কয়লা চাও, কমলিরই বা কি ইচ্ছে ? নিমন্ত্রিত কত জন ? সব লিখে হিসেব করতে হবে ভাই । তুমি আর কমলি দু'জনে বসে সব ঠিক করে রেখ । পশু আমি এসে সেইমত ব্যবস্থা করব । কত খরচ পড়বে—তাও তখন বলে দেব । কমলির মা এসে পড়লে, তোমাদের আর কিছু ভাবতে হবে না । সে একাই একশ । আচ্ছা, দেরি হয়ে যাচ্ছে—আমি উঠি ।

উঠে পড়লেন নকুলেশ্বরবাবু । মেয়ের নাম ধরে ডাকতে ডাকতে ঘর থেকে বেরোলেন তিনি ।

সন্ধ্যার পর ঘরের মেঝেয় কমলের বিছানায় কাঁচ হয়ে শুয়ে একখানা বই পড়ছিল অনিরুদ্ধ ।

সারদা এসে বলল,—ছোটমা আপনাকে খেতে ডাকছেন ।

—শরীরটা আমার ভাল নেই । তাঁকে বল, রাতে কিছু খাব না ।

সারদা চলে গেল ।

একটু পরে কমলা নিজেই এসে উপস্থিত হল ।

কমলাকে দেখে অনিরুদ্ধ উঠে বসল ।

—আপনার শরীর ভাল নেই, শুনলাম । কি হয়েছে আপনার ?

—বিশেষ কিছু নয় । মাথাটা একটু ধরেছে । খাবার ইচ্ছে নেই ।

—আপনার চা খাওয়ার অভ্যেস । চা খেতে নেই বলে, দিইনি । কিন্তু চা না খেলে যদি মাথা ধরে, তবে খাওয়াই ভাল । এখন একটু চা করে দেব ?

অন্ধ দেবতা

—চা খেতে নেই নাকি ! তবে নাই বা খেলাম ।

—পণ্ডিতের বিধানে খেতে নেই । তবে আমি বলি, যা না খেলে, শরীর অসুস্থ হয় তা খাওয়াই ভাল । এতে বোধহয় দোষ নেই । আধুনিক পণ্ডিতেরাও বোধহয় আমার কথায় সায় দেবে ।

হেসে ফেলল অনিরুদ্ধ ।

বলল,—বেশ দিন তবে এক কাপ ।

—দেখুন ত, আপনার চায়ের দরকার ছিল, তবু বলেন নি কেন ?

—না, দরকার যে খুব বেশী ছিল তা বুঝতে পারিনি ।

কমলাও হেসে ফেলে বলল,—মাথা ধরবার পরও বুঝতে পারেন নি ?

হাসতে হাসতে চলে গেল কমলা ।

কমলাকে যতই দেখছে, অনিরুদ্ধের অবাক লাগছে । কমলার ব্যবহারে কোন সঙ্কোচ নেই । তার কথায়, হাসিতে—নিজের মনের কোন দুঃখই সে জানতে দিতে চায় না ।

এক বাড়ীতে বাস করেও এই মেয়েটির সম্বন্ধে কিছুই জানত না অনিরুদ্ধ । সীতার কাছে তার ছোটমার প্রশংসা সে শুনেছে । কিন্তু এমন ছেলেমানুষ, সরল একটি মেয়ের কল্পনাও সে করেনি তখন ।

কমলার ব্যবহারে মনে হয় না যে, মাত্র আজই প্রথম অনিরুদ্ধের সাথে তার আলাপ হল । এক বেলার মধ্যে কমলা সমস্ত সঙ্কোচ, অপরিচয়ের বাধা দূরে সরিয়ে দিয়েছে । অনিরুদ্ধের মনে হচ্ছে, সে নিজেই কমলার কাছে যেন সহজ হতে পারছে না ।

কমলা নিজেই চা নিয়ে এল ।

অনিরুদ্ধের হাতে চায়ের কাপ দিয়ে কমলা বলল,—গরম চা খেয়ে নিন, মাথা ধরা সেরে যাবে ।

অনিরুদ্ধ চায়ে চুমুক দিল ।

অন্ধ মেঘত

কমলা দাঁড়িয়ে আছে। অনিরুদ্ধ ভাবল, কিছু বলা উচিত।
চুপ করে থাকটা যেন বিস্ত্রী ঠেকছে।

কমলাকে সে জিজ্ঞাসা করল,—সীতা শুনেছে সব ?

—হ্যাঁ। চিঠি দিয়েছি তাকে। ওর স্বামীর সঙ্গে ও এখন
বৃন্দাবনে আছে।

—বৃন্দাবন ?

—হ্যাঁ, নানা জায়গায় ঘুরে বেড়াচ্ছে ওরা।

—ও !

আর বলবার মত কোন কথা খুঁজে পাচ্ছে না অনিরুদ্ধ।

রিং সমেত এক গোছা চাবি বিছানার ওপর, রেখে কমলা বলল,

—চাবিগুলো থাকল।

—কিসের চাবি ?

—সব চাবিই এর মধ্যে আছে, কোনটা কিসের, বলতে পারব না।

—চাবিগুলো আমাকে দিচ্ছেন কেন ?

—তবে কাকে দেব ?

—আপনার কাছেই তো আছে, দেবেন আর কাকে ?

—ওঁর মৃত্যুর সময় আমি ছাড়া কাছের আর কেউ ছিল না।

তাই চাবিগুলোও আমার কাছে রয়ে গেছে। আপনি এসে গেছেন,
এখন ওগুলোর দায়িত্ব আপনার।

—ভুল বললেন। আপনি থাকতে, আমি কেউ নই।

—আপনার জিনিষ আপনি বুঝে নেবেন না ?

—বাবা নেই, আপনি আছেন ;—এর মধ্যে বুঝে নেবার তো কিছু
নেই। আর আপনি ত জানেন, বাড়ীতে আমি কদিনই বা থাকি ?
শ্রদ্ধ মিটে গেলেই, আমায় আবার চলে যেতে হবে। আপনার বাবা
রয়েছেন, তিনিই এখানকার সব দেখা-শোনা করতে পারবেন বললেন।

—বাবা কেন দেখা-শোনা করতে আসবেন ? শ্রদ্ধ মিটে গেলে,
এখানকার ব্যাপারে তিনি যে নিজেকে জড়িয়ে ফেলবেন—এ আমার

অন্ধ দেবতা

ইচ্ছে নয়। তা হতেও দ্বেষ না আমি। বাবা পত্র আসবেন বলে গেলেন। শ্রাদ্ধে কত কি খরচ-পত্র হবে, আপনাকে ঠিক করে রাখতে বলেছেন। সিন্ধুকে কত টাকা আছে, জানি না। সিন্ধুকের চাবিও বোধহয় এর মধ্যে আছে। আপনি কাল খুলে দেখবেন।

—কিন্তু কাল সকালেই যে আমাকে একবার বেরোতে হবে।

—ঘুরে এসে করবেন।

—কখন ফিরব তার কি ঠিক আছে? আচ্ছা, ও কাজটা কাল আপনিই করে রাখুন না।

—আমি মুখ্য মেয়েছিলাম। অত হিসেবপত্র বুঝি না। সময় করে কাল আপনিই করবেন।

—এর মধ্যে আবার হিসেবটা কোথায়? যা পাবেন, গুণে ফেলবেন। ব্যস! অবশ্য যদি আপনার অসুবিধে হয়, তবে থাক।

—বেশ, আপনি যখন পারবেন না, আমিই যেমন পারি একটা হিসেব তৈরী করে রাখব। কিন্তু যেখানেই যান, সকাল করে ফিরবেন। এসে আবার আপনাকে নিজেকেই তো মালসা পোড়াতে হবে।

মাথাধরা সেরেছে আপনার?

—হ্যাঁ, অনেকটা কম মনে হচ্ছে।

—তবে খেতে চলুন। ওবেলা আপনার খাওয়া হয়নি। সবই তো পাতে পড়ে ছিল। রাত্রে না খেলে, শরীর আরও খারাপ হবে।

—বেশ, সামান্য কিছু দিন তাহলে।

—সামান্যই। ফলমূল আর দুধ। আমি সব ঠিক করে দোর-গোড়ায় সারদাকে বসিয়ে রেখে এসেছি। আপনি আসুন।

কমলা চলে গেল।

খাণ্ডের আয়োজন দেখে অনিরুদ্ধ বলল,—এত কমমিষ্টি তো খেতে পারব না।

অন্ধ দেবতা

কমলা বলল,—আপনি খেতে বসুন তো ! কিছু বেশী দিইনি ।
চুপ করে খান, খাবার সময় কথা বলতে নেই ।

—কিন্তু কিছু তুলে নিন । সত্যিই অত খেতে পারব না ।

হু' টুকরো শাঁখ-আলু তুলে নিয়ে কমলা বলল,—নিন, কমিয়ে
দিলাম । আর কথা নয়, এবার খেতে শুরু করুন ।

কমলার কথার মধ্যে এমন একটা জোর ছিল যে, অনিরুদ্ধ আর
আপত্তি করতে পারল না ।

হুপূরে অনিরুদ্ধের খাওয়া ভাল হয়নি, তাই কমলা নিজে বসে
অনিরুদ্ধকে খাওয়াতে লাগল ।

পরদিন সকালে ঘুম ভাঙতেই অনিরুদ্ধ দেখল, ধুমায়িত চা নিয়ে
কমলা ঘরে ঢুকছে ।

—একি, এত সকালেই আপনি চা নিয়ে এসেছেন ।

—সকাল আর নেই । রোদ উঠে গেছে । সারদাকে দিয়ে
হু'বার খবর নিয়েছি, আপনি ওঠেননি । এবার না উঠলে, আপনাকে
ডেকে তুলতে হত । আপনাকে চা না দিয়ে অণ্ড কাজে হাত দিতে
পারছি না ।

তাড়াতাড়ি বিছানায় উঠে বসে অনিরুদ্ধ বলল,—এত বেলা হয়ে
গেছে, আমি বুঝতে পারিনি । আমাকে যে একুনি বেরোতে হবে ।

হাত বাড়িয়ে কমলার হাত থেকে চায়ের কাপ নিয়ে চুমুক দিল
অনিরুদ্ধ ।

কমলা বলল,—বেশী দেরি করে ফিরবেন না যেন ।

—না, না, যত তাড়াতাড়ি সম্ভব ফিরে আসব ।

ঘর থেকে বেরিয়ে গেল কমলা ।

অন্ধ দেবতা

—তা জানি, কিন্তু নায়েব মশায় জোর করছেন খাজনা হালসন শোধ করে দিতে হবে। দিতে না পারলে, তাঁর অত্যাচার বাড়বে বই কমবে না। তারপর আছে তাঁর নিজের পাওনা-গণ্ডা। আপনি নায়েব মশায়কে লিখে দিন, এবার খাজনার জন্তে তিনি যেন কাউকে কিছু না বলেন। সামনের সনে তারা সবাই খাজনা দেবে। সকলে হয়ত ছ'সন একসঙ্গে দিতে পারবে না, তাদের মাপ করে দিতে হবে আপনাকে।

—বেশ, ননীকে আমি তাই লিখে দেব। কিন্তু জানেন তো, গভর্নমেন্ট জমিদারী প্রথার উচ্ছেদ করতে চাচ্ছে। আমাদেরও তো তখন অনাহারে থাকতে হবে অনিচ্ছবাবু!

—আমার ধৃষ্টতা মাপ করবেন, বৃহত্তর প্রয়োজনে ছোট স্বার্থ বিসর্জন তো দিতেই হবে।

—আপনি কিন্তু একতরফা রায় দিলেন।

—আমি সত্যি কথা বলেছি মাত্র। জনাকতক লোক কোন পরিশ্রম না করে, অশ্রুর পরিশ্রম-লব্ধ উপার্জনের মোটা অংশ ভোগ করবে,—চিরদিন এ অন্যায় তো চলতে পারে না।

—জগতটাই তো এইভাবে চলছে।

—কিন্তু আর চলতে চাইছে না, চলা উচিত নয় বলে।

—গভর্নমেন্ট কি জমিদারী প্রথা লোপ করে, প্রজাদের নিষ্কর বাস করতে দেবে বলে মনে করেন?

—না, তা দেবে না। তবে ঐ খাজনার টাকায় প্রজাদেরই সুখ-সুবিধার ব্যবস্থা করবে।

—জমিদারও তাই করত। আপনি হয়ত দৃষ্টান্ত দিয়ে বলবেন, জমিদাররা বিলাস-ব্যসনে টাকা খরচ করে। হ্যাঁ, তা কিছুটা হয় বটে! তবে সেটা সাধারণ নিয়ম। গভর্নমেন্টের মোটা মাইনের অফিসাররাও জমিদারের চাইতে কোন অংশে কিছু খাটো হতে চাইবেন না। সব কিছুই হবে, সবই থাকবে, তবে প্রজার অদৃষ্টের

অন্ধ দেবতা

লিখন খণ্ডাবে না। বরঞ্চ গভর্ণমেন্টের কড়া আইনের আওতার দয়ামায়ার কথাই উঠবে না। সবাই বলবে—আইন।

—শুধু খারাপ দিকটাই আপনি দেখেছেন।

—খারাপ দিকটাই ভাবা আগে উচিত। জানেন তো রাম-রাজত্বেও ভিখিরী ছিল। গরীব চিরদিন ছিল, থাকবেও। তাদের ছুঃখকষ্টেরও রদ-বদল হবে না, ব্যবস্থা যতই বদলাক। ইতিহাসের আমাদের বলে যে, ভাল-মন্দ কোন ব্যবস্থাই চিরস্থায়ী হয় না। জমিদারী প্রথার লোপ হয় ত তেমনি একটা পরিবর্তন।

—পরিবর্তন যে জগতের রীতি—এ সত্য। কিন্তু প্রজার ভাগ্য সম্বন্ধে আপনার দর্শনকে আমি মেনে নিতে পারলাম না মহেন্দ্রবাবু। পরে যদি সুযোগ পাই, এ বিষয়ে আপনার সঙ্গে আলোচনা করব। আজ উঠি।

তারপর দশটাকার নোটখানা বের করে অনিরুদ্ধ বলল,—প্রথমে এখানে এসে আপনার মেয়ের সঙ্গে আমার দেখা হয়েছিল। আমার এই বেশ দেখে, আর আমি আপনার কাছে প্রার্থী হয়ে এসেছি জানতে পেরে, এই দশটি টাকা উনি আমায় দান করেছেন।

—ছিঃ ছিঃ এ কি করেছে রুমি! আমার মেয়ের ব্যবহারে আমি বড় লজ্জিত অনিরুদ্ধবাবু। আপনি কিছু মনে করবেন না। আমি রুমিকে ডেকে পাঠাচ্ছি।

—উনি বেরিয়ে গেছেন। আর, আমি মনেও কিছু করিনি। আমি ভিক্ষুক তো নিশ্চয়ই, তবে নিজের জন্তে ভিক্ষে করিনে। ভবিষ্যতে ওঁর কাছে হাত পাতলে, উনি বিমুখ করবেন না জেনে গেলাম।

নোটখানা মহেন্দ্রবাবুর সামনে টেবিলের ওপর রেখে দিয়ে উঠে পড়ল অনিরুদ্ধ। বলল,—আর বিরক্ত করব না আপনাকে। নমস্কার।

—নমস্কার।

যুক্তকর কপালে ঠেকালেন মহেন্দ্রবাবু।

সতের

অনিরুদ্ধ চলে যাবার কিছু পরেই মহেন্দ্রবাবুর কন্যা রমা ও পূর্বোক্ত যুবক নব্য-ব্যারিষ্টার মিঃ কনক চৌধুরী ফিরে এল।

মহেন্দ্রবাবুর ঘরে ঢুকে রমা বলল,—আজ কেমন আছ বাবা ?

সে কথার উত্তর না দিয়ে মহেন্দ্রবাবু বললেন,—সকাল বেলাতেই কোথায় বেরিয়েছিলি ?

—বা ! তোমাকে তো কালই বলেছিলাম, আমার কয়েকটা জিনিষ কিনতে হবে।

—তার এত তাড়া কিসের ! এখনও তো অনেক সময় রয়েছে।

—কি যে বল তুমি বাবা ! মাত্র তো বারোদিন হাতে আছে। কত কি যে দরকার পড়বে, এখন থেকে মার্কেটিং না করলে ভুলে যাব।

মিঃ চৌধুরী বলল,—মেয়েদের ব্যাপার তো ! হাতে একটু সময় থাকতেই করে ফেলা ভাল।

—হঁ।

মহেন্দ্রবাবু আর কিছু বললেন না। টেবিলের ওপর রক্ষিত এইমাত্র পড়া খবরের কাগজখানা তুলে চোখ বুলোতে লাগলেন।

মিঃ চৌধুরী বলল,—কাল চিঠি এসে গেছে কাকাবাবু। বি. এন. আর হোটেলেরই ছুঁটো সুইট রিজার্ভড হয়েছে। যাক্ এবার নিশ্চিত হওয়া গেল। আপনাকে খবরটা জানাতে সকালেই চলে এলাম।

—হোটেলের না থেকে, একটা ছোট বাসা নিলেই তো চলত।

—না, সেসব মহা হাঙ্গামা। আর ভাল বাসাই আজকাল পুরীতে মেলা ছুঁড়। সব ঝাণ্ডি। সি-সাইড আপনার স্বাস্থ্যের পক্ষে ভাল

অন্ধ দেবতা

সত্ত্ব পিতৃশোক ভুলে, তোর কাছে অপমানিত হয়েও অশ্রুর জগ্নে
আবেদন নিয়ে তিনি আসতে পারতেন না। ছেলেটির অস্তঃকরণ বড়
মহৎ। তোর কাছে অপমানিত হয়েও তোর প্রশংসা করে গেলেন।
তুই যে দান করতে পারিস, সেটাই তিনি মনে রাখলেন। মান-
অপমানের ব্যাপারগুলো তাঁর কাছে অতি তুচ্ছ।

রমা আস্তে আস্তে মহেন্দ্রবাবুর ঘর থেকে বেরিয়ে গেল।

মিঃ কনক চৌধুরী মহেন্দ্রবাবুর মৃত বন্ধুর পুত্র। মিঃ চৌধুরী
কিছুদিন হল বিলেত থেকে ব্যারিষ্টারী পাশ করে ফিরেছে। বিলেতে
থাকতেই তার পিতৃবিয়োগ ঘটে। মিঃ চৌধুরী হাইকোর্টে যাতায়াত
করে বটে তবে ব্রীফ্ পায় না। তাতে অবশ্য তার ভাবনার কিছু
নেই। তার পিতৃধনের পরিমান নেহাৎ অল্প নয়। তবে সে যে ব্রীফ্-
লেস ব্যারিষ্টার সেটা প্রকাশে নিশ্চয়ই লজ্জা আছে, তাই সুযোগ
পেলেই সে তার জরুরী কেসের অজুহাতে সরে পড়ে।

কনক চৌধুরী বিলেতে থাকতেই তার পিতা আর মহেন্দ্রবাবুর
মধ্যে রমার সাথে কনকের বিয়ের কথা আলোচনা হয়। কনক ফিরে
এলে বিয়ে হবে, তাও স্থির হয়ে যায়। রমার মত কনকও ছেলেবেলায়
মা হারিয়েছে।

তুই বন্ধুর মধ্যে যথেষ্ট ঘনিষ্ঠতা থাকলেও, রমা ও কনকের মধ্যে
কোন পরিচয় ছিল না। তুই বন্ধুরই গৃহিনীহীন সংসার, তাই তাদের
ছেলে-মেয়েদের পরস্পরের বাড়ীতে যাতায়াত ছিল না, পরিচয়ও
ছিল না।

কনক বিলেতে বসে তার পিতার পত্রে জানতে পারে যে, মহেন্দ্র-
বাবুর মেয়ে রমার সঙ্গে তিনি তার বিবাহ স্থির করেছেন। পিতা
হয়ত পুত্রকে ছুঁসিয়ার করে দেবার জগ্নেই খবরটা আগে জানিয়ে
রেখেছিলেন।

অন্ধ দেবতা

বিলেত থেকে ফেরবার পর রমার সঙ্গে কনক চৌধুরীর পরিচয় হয়। মহেন্দ্রবাবুই তাদের পরিচয় করিয়ে দেন। কনক যেমন জানত, রমাও জেনেছিল যে, কনকের সাথে তার বিয়ে হবে। তবে বি এ. পরীক্ষার আগে সে বিয়ে করবে না, মহেন্দ্রবাবুকে জানিয়েছিল রমা। কনকেরও তাতে আপত্তি ছিল না। রমা থার্ড ইয়ারের ছাত্রী। প্রথম পরিচয়ের পর থেকে, ক্রমে তাদের সম্বন্ধ ঘনিষ্ঠতর হতে থাকে। পরস্পরের মেলামেশায় মহেন্দ্রবাবু কোন বাধা দেননি। মা-হারা মেয়ে রমাকে মহেন্দ্রবাবু একটু বেশী আদর দিয়েছেন। তাই রমার চাল-চলন, কথা-বার্তায় একটু বেশী-স্বাধীনতার ছাপ। খরচও করে রমা বেহিসেবী চালে।

মহেন্দ্রবাবু বুঝতে পারেন, রমাকে তিনি বেশী আদর দিয়ে ফেলেছেন। কিন্তু আর উপায় নেই। রমার জন্মে অনেক সময় তিনি নিজেই কুণ্ঠিত বোধ করেন।

আঠার

অনিরুদ্ধ বাড়ী ফিরতেই কমলার কাছ থেকে তাগিদ এল তাড়াতাড়ি স্নান সেরে নেবার।

অনিরুদ্ধ দেখছিল পৈতৃক-সম্পত্তির কাগজপত্র। কমলা সেগুলো তার টেবিলের ওপর রেখে দিয়েছিল। সেই সঙ্গে কমলার হাতে লেখা একখানা হিসেবের কাগজও ছিল।

দেখা গেল, বাড়ীতে নগদ রয়েছে শ' হুয়েক টাকা মাত্র। ব্যাঙ্কে গচ্ছিত আছে হাজার পঞ্চাশেক টাকা। এ ছাড়া চা-বাগানের শেয়ার আছে হাজার কয়েক টাকার। কালীঘাটে তাদের যে আরেকখানা বাড়ী রয়েছে, তা থেকে মাসে আড়াইশ' টাকা ভাড়া পাওয়া যায়।

অনিরুদ্ধ ভাবল, বাবা এত টাকা জমিয়েছেন ! অনিরুদ্ধের হাতে পড়ে এ টাকা নষ্ট হ'ক, তিনি নিশ্চয়ই চাননি। অনিরুদ্ধ তার বাবার মন জানত। সীতার মুখেই একদিন অনিরুদ্ধ শুনেছিল, বাবা নাকি অনিরুদ্ধকে বিশ্বাস করেন না। তাঁর মনে হয়েছিল, দান-খয়রাত করে অনিরুদ্ধ সব টাকা উড়িয়ে দেবে। তাই তিনি উইল করে যাবেন, যাতে অনিরুদ্ধের হাতে পড়ে টাকাগুলো নষ্ট না হয়।

উইলখানা খুঁজছিল অনিরুদ্ধ। উইলের কথা অনিরুদ্ধ অবিশ্বাস করেনি। কেননা, অবিনাশবাবুর পক্ষে সেইটাই করা সম্ভব।

না, উইল পাওয়া গেল না।

ছপুর্নে খাওয়া-দাওয়ার পর কমলা এল অনিরুদ্ধের ঘরে।

অনিরুদ্ধ বলল,—আমি তো সব দেখলাম। ঘরে রয়েছে মাত্র দু'শো টাকা। ব্যাঙ্কের টাকা বোধ হয় এখন তোলা যাবে না।

—কিন্তু দু'শো টাকায় কি হবে ?

—আজ বিকেলে আমার এক বন্ধুর সঙ্গে দেখা করতে যাব। সে আইনজ্ঞ। ব্যাঙ্কের টাকা তোলা যাবে কিনা, কতদিন দেরি হবে—সে বলতে পারবে।

—বাবা তো কাল আসবেন। যদি ব্যাঙ্ক থেকে টাকা এখন না তোলা যায়, তবে ?

—ধার করতে হবে।

সারদা এসে খবর দিল, সীতা দিদিমণি এসেছেন।

কমলা তাড়াতাড়ি বেরিয়ে গেল।

সীতার সঙ্গে সিঁড়ির মুখেই দেখা হল। ছ'জনের প্রথম সাক্ষাতে কেউই কোন কথা বলতে পারল না। শুধু সীতার চোখ দু'টো জলে ভরে উঠল।

অন্ধ দেবতা

কমলা তার হাত ধরে বলল,—আয় । জামাই আসেনি ?

—নীচের ঘরে বসে আছে ।

—ছিঃ ছিঃ, সে কি ! আমি যাই জামাইকে ডেকে নিয়ে আসি ।
তুই তোর দাদার ঘরে যা ।

—দাদা এসেছে ?

—হ্যাঁরে ।

কমলা নীচে নেমে গেল । সীতা তার দাদার ঘরের দিকে
গেল ।

সীতাকে দেখে অনিরুদ্ধ বলল,—আয় । একলা এলি নাকি ?

দাদার প্রশ্নে সীতা একটু লজ্জা পেল । বলল,—না । ছোটমা
ওকে নিয়ে আসছে ।

—বস তুই । কোথা থেকে আসছিস এখন ?

—আজ সকালে বৃন্দাবন থেকে ফিরেছি । এখন আসছি শ্বশুর
বাড়ী থেকে ।

—কোথায় তোর শ্বশুরবাড়ী ?

—শ্যামবাজারে ।

কমলা প্রবীরকে নিয়ে ঘরে ঢুকল ।

প্রবীর অনিরুদ্ধকে প্রণাম করতে নত হতেই, তাকে বাধা দিয়ে
অনিরুদ্ধ বলল,—থাক ভাই । বস তুমি ঐ চেয়ারে ।

কমলা কলল,—তোমরা গল্প কর, আমি আসছি ।

সীতাও উঠে ছোটমার সঙ্গে বেরিয়ে গেল ।

অনিরুদ্ধ বলল,—তোমরা আজই ফিরেছ শুনলাম ।

—হ্যাঁ । বৃন্দাবনে থাকতে চিঠি পেলাম । মৃত্যুর তৃতীয় দিনে
চিঠিটা পেলাম । আর একটা দিন থেকে, সীতার ‘চতুর্থী’ ওখানেই
সেরে ফেললাম । না হলে, আর সময় ছিল না ।

—তা ভালই করেছ । সীতার বিয়ের সময় আমি আসতে
পারিনি । সবে কাল ফিরেছি ।

অন্ধ দেবতা

বাবুর যখন বাড়াবাড়ি অসুখ, নকুলেশ্বর বাবুকে আসতে চিঠি দিয়েছিল কমলা। নকুলেশ্বর বাবুও চিঠি পেয়ে এসে পৌঁছিলেন মৃত্যুর পরদিন সকালে। পাড়ার ছেলেরা তখন শবদাহ করে শ্মশান থেকে ফিরছে।

সন্ধ্যার পর অনিরুদ্ধ ফিরল তার উকিল বন্ধুর বাড়ী থেকে।

সীতা আর কমলা তখন গল্প করছিল। কথা হচ্ছিল, অবিনাশ বাবুর মৃত্যুর ঠিক পূর্বেকার ঘটনা নিয়ে। অসুখে পড়ে অবিনাশবাবু যে একেবারে অন্ধ-মানুষ হয়ে গিয়েছিলেন—সেই কথাই কমলা বলছিল সীতাকে। সীতাকে তিনি যে খুব স্নেহ করতেন, সীতা না জানলেও কমলা জেনেছিল। সীতার সম্বন্ধে তিনি যে ক'টি কথা বলেছিলেন, কমলা জানাল সীতাকে। শুনতে শুনতে কেঁদে ফেলল সীতা। কমলার চোখও শুষ্ক ছিলনা। কমলা বার বার বলতে লাগল— অবিনাশবাবুর মৃত্যুর জন্মে সে নিজেই দায়ী! ভদ্রলোক ছিলেন একটু স্নেহ-মমতার প্রত্যাশী। বাইরেটা তাঁর ছিল রূঢ় আবরণে ঢাকা। তাঁকে বুঝতে না পেরে তাঁর মনে ব্যথা দিয়েছে কমলা।

শুনতে শুনতে আশ্চর্য হয়ে গেল সীতা। কমলাকে বিয়ে করে কমলার জীবনটা তিনি ব্যর্থ করে দিয়ে গেলেন—সে জন্মে আজ আর কমলার কোন অভিযোগ নেই। কমলার মন আজ অনুশোচনায় দগ্ধ হচ্ছে। অবিনাশবাবুর প্রতি সে যে স্ত্রীর কতব্য করেনি,—এই জন্মেই তার অনুশোচনা।

আজ এক নূতনরূপে কমলাকে দেখল সীতা। আজ সে আদর্শ হিন্দুনারীর প্রতিচ্ছবি। কমলার কথা শুনে, তার অন্তরের পরিচয় পেয়ে সীতা অভিভূত হয়ে পড়ল।

ছ'জনেই কেঁদে সারা হল।

অনিরুদ্ধ ফিরতে, চোখ-মুছে তার ঘরে এসে উপস্থিত হল তারা।

অনিরুদ্ধ বলল,—খবর বিশেষ আশা প্রদ নয়। খুব তাড়াতাড়ি করলেও চার পাঁচদিনের আগে কিছু করা সম্ভব নয়। এখন টাকা ধার করা ছাড়া উপায় নেই।

অন্ধ দেবতা

—তারপর ?

—তারপর আর কি,—দশটাকার নোটখানা দাদার দিকে ছুড়ে দিয়ে গট গট করে গাড়ীতে গিয়ে উঠল ।

—আচ্ছা দেমাক তো ?

—তাই দেখনা !

কমলা অনিরুদ্ধকে বলল,—আপনি খেতে চলুন ।

—দাদাকে ‘আপনি’ বলা কিন্তু তোমার মোটেই শোভা পায়না ছোটমা । বাইরের কেউ শুনলেই বা কি মনে করবে ?

সীতার কথায় কমলা কোন উত্তর দিলনা । মুখটা নীচু করল ।

প্রসঙ্গ পরিবর্তন করে অনিরুদ্ধ বলল,—প্রবীর যে একজন উচুদরের শিল্পী সে কথা তো আপনি বলেননি আমায় ?

—আমাকে কি কোনদিন কিছু জিজ্ঞাসা করেছেন,—করেছ ? আর প্রবীরের সম্বন্ধে আমি কতটুকুই বা জানি ? প্রবীরকে আবিষ্কার করবার দায় তো এখন সীতার । ওর মুখেই তো আমরা শুনব ।

—ছোট মা !

সীতা রেগে যাচ্ছে দেখে কমলা বলল,—আমি খুসী হয়েছি যে প্রবীর আমাদের মান রেখেছে । বিয়ের আগে সীতা যেরকম বেঁকে দাঁড়ি় য়ছিল, প্রবীরের কোন আশাই ছিলনা ।

—ভাল হচ্ছেনা কিন্তু ছোটমা । প্রবীর কেন কোন বীরকেই আমি বিয়ে করতে চাইনি ।

—বিয়ে করে এখন ঠকেছিস নাকি ?

কমলার কথার উত্তর না দিয়ে পূর্নেকার কথার জের টেনে সীতা বলল,—দাদা ভাবল, আমার বিয়ে করতে না চাওয়ার বৃথি অশু কারণ আছে । এদিকে বাবা যা অশান্তি আরম্ভ করলেন, শেষে ছোটমা, তুমিও অতিষ্ঠ হয়ে উঠলে । দেখলাম, আমার জন্মেই যখন এত অশান্তি, বিয়েতে মত দিয়ে অশান্তির শেষ করাই ভাল ।

—তা ভাই, আমাদের শান্তি দিতে গিয়ে ভালই করেছিস । এখন

অন্ধ দেবতা

তো আর আমাদের ওপর অভিমান নেই? এখন সব চল, রাত হয়েছে।

অনিরুদ্ধের সামনেই সীতাকে 'ভাই' বলে সম্বোধন করল কমলা। এ ভাবেই কথা বলতে তারা অভ্যস্ত। তাদের পরস্পরের আলাপ শুনে অনিরুদ্ধ হাসল।

—চল দাদা?

—হ্যাঁ, চল।

কুড়ি

পরদিন সকালে এলেন নকুলেশ্বরবাবু। নকুলেশ্বরবাবুর স্ত্রী আসেননি। নকুলেশ্বরবাবু বললেন,—তার শরীরটা ভাল নেই তাই এলনা।

কমলা জানে, এ কথা সত্য নয়। মা তার মেয়ের এই বিধবার বেশ সহ্য করতে পারবেন না বলেই আসেন নি। মাকে তো কমলা জানে! "হয়ত তিনি কেঁদেই আকুল হচ্ছেন। কমলার বিয়ের সময়ও কেঁদেছিলেন তিনি। কেঁদেছিলেন মেয়ে শ্বশুর বাড়ী যাচ্ছে তার জন্তে যতটা নয়—মেয়েকে মনের মত পাত্রে বিয়ে দিয়ে পারেননি বলেই তাঁর ছঃখ হয়েছিল বেশী।

নকুলেশ্বরবাবু এসেই ঘোষণা করলেন,—তিনি সাতদিনের ছুটি নিয়ে এসেছেন। সব ব্যবস্থা করে দিয়ে, বিষয়-সম্পত্তির সুরাহা করে দিয়ে তিনি যাবেন।

কমলার ভাল লাগলনা পিতার এই অতি হিতৈষীর আতিশয্য। নকুলেশ্বরবাবু গরীব, তাতে কমলার ছঃখ নেই—কিন্তু তাঁর মনটাও যে গরীব হয়ে গেছে! জামায়ের মৃত্যুর পর যে কদিন তিনি কমলার কাছে ছিলেন, অনবরত কমলাকে উপদেশ দিয়েছেন কি করে বিষয়

অন্ধ দেবতা

—হ্যাঁ। ওবেলা টাকাটা পাব। শ' বাবো টাকা খোগাড় হল।

—বাবা যা যা বলেছেন, সবই কি অবশ্য করণীয় ?

—উনি তো তাই বলছেন।

—বাবার মুখের ওপর আমি কিছু বলতে পারিনি। টাকা ধার করে অত দানসামগ্রী কি করা উচিত ? বুঝোৎসর্গ, ষোলদান না করে সংক্ষেপেও তো করা যায়।

—এ সব তো আমি ভাল বুঝিনা, ওঁর ইচ্ছেমত কাজ না করলে উনি অসন্তুষ্ট হবেন।

—বেশ, আমি আর কিছু বলবনা। তবে সুদ দিয়ে টাকা ধার করতে হবেনা। আমার কয়েকখানা গয়না বিক্রী করে টাকা নিয়ে এস।

রুমালে বাঁধা গহনার পুটুলি অনিরুদ্ধের সামনে রাখল কমলা।

—একি ! তা কি করে হয় ?

—তাই ভাল হবে। ধার করা চলবে না।

কমলা আর অপেক্ষা না করে চলে গেল।

অনিরুদ্ধ বলল,—বুঝলাম না তো সীতা ! উনি কি রাগ করলেন ?

—তাই মনে হল।

—আমি কি অগ্নায়' কিছু বললাম নাকি ?

—না, তবে ছোটমা তার বাবাকে পছন্দ করে না, বুঝতে পেরেছি। ছোটমা আমাদের ভালই চায়।

—তবে কি করব বলত ?

—বিকেলে বলব। তুমি এখন একটু বিশ্রাম কর দাদা, আমি যাই।

অনিরুদ্ধের ঘর থেকে বেরিয়ে কমলার খোঁজে তার ঘরে ঢুকল সীতা।

আগা-গোড়া চাদরে ঢেকে শুয়ে ছিল কমলা।

অন্ধ দেবতা ।

সীতা এসে বসল তার পাশে ।

—তুমি রাগ করেছ ছোটমা ?

— কেন রে, রাগ করব কেন ।

—দাদা বলছিল, দাদার ওপর তুমি রাগ করেছ ।

—আমাকে সবাই ভুল বোঝে । আমার কপালই এই রকম ।

—তুমি গয়না বিক্রী করছ কেন ?

—গয়না দিয়ে আমার কি হবে, বলত তুই ! আমার কোন প্রয়োজনেই লাগবে না, অথচ ওগুলো বিক্রী করে এ খরচটা হয়ে যাবে । আচ্ছা, এসব কথা থাক । তুই তোর শ্বশুর বাড়ীর গল্প কর, শুনি ।

একুশ

শ্রীদ্ধ মিটে গেছে । নকুলেশ্বরবাবু চলে গেছেন । সীতা তখনও শ্বশুরবাড়ী ফিরে যায়নি ।

নকুলেশ্বরবাবু শেষ পর্যন্ত মেয়ের ওপর বিরূপ মন নিয়েই গেছেন । নকুলেশ্বরবাবুর ফর্দমত সব কাজ হয়নি । কেননা, অনিরুদ্ধ পাঁচশ'র বেশী টাকা দিতে পারেনি ।

ধার না করে গহনা বিক্রী করে, শ্রীদ্ধের খরচ চালাতে বলেছিল কমলা । গহনা বিক্রী করতে অনিরুদ্ধ কিছুতেই রাজী হয়নি । শেষে কমলার কথামত অনিরুদ্ধ পাঁচ শ' টাকা ধার করেছিল । গহনা বিক্রীর কথা অবশ্য নকুলেশ্বরবাবু জানেন না, কিন্তু কমলাই যে অনিরুদ্ধকে পাঁচশ'র বেশী টাকা ধার করতে দেয়নি—বুঝতে পেরেছিলেন তিনি । মেয়ের ওপর সন্তুষ্ট হতে পারেন নি । শ্রীদ্ধের পরদিনই তিনি চলে গেছেন । এখানে আর একটা দিনও থাকবার আগ্রহ প্রকাশ করেননি তিনি ।

অন্ধ দেবতা

সীতা আর অনিরুদ্ধের মধ্যে কথা হচ্ছিল,—কমলা সম্বন্ধে ।
কমলা তখন সংসারের কাজে ব্যস্ত ছিল ।

অনিরুদ্ধ বলল,—তুইই বলত, ঠুর সমস্ত জীবনটা কি এইভাবেই কাটবে ?

—তাইতো, ছঃখ হয় দাদা ।

—এই অল্পবয়েস—! আমার তো মনে হয়, ঠুকে আবার বিয়ে দেওয়া উচিত ।

—ছিঃ, দাদা !

—কেন রে ? কোন সৎপাত্রে ঠুকে যদি আমরা বিয়ে দিই, সে তো খারাপ নয় । আর তাছাড়া ঠুর জীবনটা এইভাবে নষ্ট হবে, তুই কি ভাল হবে ?

—তাহলে নিন্দেয় কান পাতা যাবে না দাদা । আমার শশুর-বাড়ীতেই বা সবাই কি মনে করবে !

—ওঃ !

—আর, তাছাড়া ছোটমাকে তুমি জাননা । বাবার মৃত্যুর জন্মে ছোটমা নিজেকেই দায়ী করছে । আবার বিয়ে করার কথা ছোটমা ভাবতেও পারে না । আগে ছোটমাকে যা জানতাম, এখন সে একেবারে বদলে গেছে ।

—এখনই যে বিয়ে দিতে হবে, এমন কথা আমি বলছি না । তবে সে রকম যদি ভবিষ্যতে প্রয়োজন হয়—আমি খুসীই হব সীতা ।

—ছোটমার কোনদিনই সে রকম ইচ্ছে হবে না ।

—সময়ে সব বদলায় সীতা । মানুষের মনের আকাজক্ষা, ইচ্ছে, অনিচ্ছেও বদলায় বিশেষ সময়ের বিশেষ অবস্থার তাগিদে । মনের মাঝে এই যে, অদল-বদলের খেলা চলে—তার বেশীর ভাগই আমরা চেপে রাখি পারিপার্শ্বিক অবস্থার কারণে, সাহসের অভাবে ।

—কিন্তু ছোটমা যদি আবার বিয়ে করে, আমি আশ্চর্যই হব দাদা ।

অন্ধ দেবতা

—বেশ তো, বাড়ীতেই আপনি পড়ুন। আমার একজন প্রফেসর বন্ধুকে বলব, সে রোজ এসে আপনাকে পড়াবে।

—বাইরের কোন লোকের কাছে আমি পড়তে পারব না।

—পড়া-শোনায় কি লজ্জা করা উচিত!

—সে তুমি বুঝবেনা। তুমি যদি সময় করে একটু-আধটু দেখিয়ে দাও তো হয়।

—আমি? আমাকে তো প্রায়ই বাইরে বাইরে থাকতে হয়।

—তাতে কোন ক্ষতি হবে না।

—বেশ, যতটা সময় পাই আপনাকে সাহায্য করব। তারপর আপনি এমনি অন্তকে এ বিষয়ে সাহায্য করতে যখন প্রস্তুত হবেন, সত্যিই সেদিন আপনার দ্বারা দেশের কাজ অনেকখানি এগিয়ে যাবে।

অনিরুদ্ধের খাওয়া হয়ে গিয়েছিল। উঠে পড়ল সে।

ভেইশ

পথের দিকে চেয়ে দিন গৌনে প্রসাদী। যাবার সময় রাজা-দাদাবাবু বলে গেছে, আবার আসবে। তার আসার প্রতীক্ষা করে প্রসাদী প্রতিদিন। একটি করে দিন যায়, প্রসাদী ভাবে কাল হয়ত আসবে।

অনিরুদ্ধের পিতার মৃত্যু-সংবাদ শুনেছে সবাই। এখান থেকে যাবার ক'দিন পরে মজুমদার মশাইকে চিঠি দিয়েছিল অনিরুদ্ধ। সেই চিঠিতে এ দুঃসংবাদের কথা সে জানিয়েছিল। জমিদার খাজনা যে মাপ করে দিয়েছেন, খ্যতঃ সেই খবর জানাতেই চিঠি দিয়েছিল অনিরুদ্ধ। শেষ ছত্রে তার পিতার মৃত্যু-সংবাদ ছিল।

মজুমদার মশাইকে সবাইকে সে চিঠি পড়ে শুনিয়েছিলেন। তার দু'দিন পর জমিদারের কাছ থেকেও নায়েব মশাই চিঠি পায়। জমিদারের চিঠিতে কি লেখা ছিল, তা কেউ জানতে পারেনি। তবে 'নাড়ি মশাই' খাজনা আদায়ের ব্যাপারে আর কড়াকড়ি

অন্ধ দেবতা

করছেন। দেখে, সবাই বুঝল জমিদারের নির্দেশ। অনিরুদ্ধকে সবাই শ্রদ্ধা জানাল। মনে মনে তো বটেই, মুখেও যে অনেকে প্রকাশ না করল, তা নয়।

তারপর দিনের পর দিন কেটে যায়। অনিরুদ্ধের আর কোন খবর আসেনা। কত্তাদার সঙ্গে প্রসাদীর প্রায়ই অনিরুদ্ধের সম্বন্ধে কথা হয়। নাতনীর তাগিদে কয়েকবার ঈশান মণ্ডল মজুমদার মশায়ের কাছেও গিয়েছিল, যদি কোন খবর এসে থাকে।

খবর না পেয়ে পেয়ে প্রসাদী কত্তাদার কাছে আর জানতে চায় না। কিন্তু সব কাজের মধ্যেও তার খবর জানবার জন্যে উৎকর্ণ হয়ে থাকে সে। প্রসাদীর মন বুঝতে পারে কেদারের মা। ‘রাইএর মন উচাটন’—বলে ঠাট্টাও সে করে। ভৎসনা করে প্রসাদীকে,—উপদেশ দেয়, আবার ছুঁখী মেয়েটার কথা ভেবে নিজেও ছুঁখিত হয়।

কেদারের মায়ের সব কথাতেই মৃদু হাসে প্রসাদী। স্বীকার করতে চায় না যে, তার কোন ভাবান্তর হয়েছে। বিকেলে শুধু লক্ষ্মীর গলকম্বলে হাত বুলোতে বুলোতে মনের কথা কয় তার সঙ্গে। বলে,—রাজাদাদাবাবু আমাদের ভুলে গেছে না রে লক্ষ্মী?

লক্ষ্মীও যেন উপলব্ধি করে প্রসাদীর অন্তর্দাহন। ঘাড় নেড়ে, শব্দ করে সে সমবেদনা জানায়।

একদিন হাট থেকে ফিরে মণ্ডল বলল,—শুনিছিস দিদি, কলকাতায় নাকি দাঙ্গা লাগিছে?

—দাঙ্গা?

—হয়, হেঁচু-মোছলমানের দাঙ্গা।

—কন থিক্যা শুনল্যা তুমি?

—কাগজে লিখিছে। হাটে শুনল্যাম।

—রাজাদাদাবাবুর খবর পাও নাই কিছু?

বুদ্ধ হঠাৎ এবার অসহিষ্ণু হয়ে উঠল। বলল,—তার কথা জানব কি কর্যা। সে কি আমাদের কথা আর মনে রাখিছে?

অন্ধ দেবতা

মজুমদার মশাই, আলিজান মোল্লা, ফাজিল শেখ, ঈশান মণ্ডল, নায়েব ননী লাহিড়ী সবাই একমত। শান্তি যেন নষ্ট না হয়। গাঁয়ের জোয়ানরা যেন ভুল না করে। নানা উপদেশ, নানা শাস্ত্র-বাক্য আলোচিত হল সভাতে।

তবুও ভয় যেন বাসা বেঁধে থাকল সারা গ্রাম খানিতে। ভয় হিন্দুর মনে, ভয় মুসলমানের মনে। কেউই চায় না অশান্তি—তবুও ভয়। চিনে ফেলেছে তারা—দাঙ্গা বাধায় কারা? স্বার্থান্বেষীর দল কখন কিভাবে সুযোগ গ্রহণ করবে—শুধু সেই ভয়। নিজেরা না চাইলেও দাঙ্গা বেঁধে যেতে পারে যে কোন মুহূর্তে। তাই ভয়।

চকিৎস

কলকাতার অবস্থার কিছুটা উন্নতি হল। শান্তি মিছিল নেই হল। হিন্দু-মুসলমান-নির্বিশেষে শান্তি মিছিলে সবাই যোগ দিল। ব্যাপকভাবে হত্যালীলা থামল বটে, তবে স্বাভাবিক অবস্থা ফিরল না। রোজই কিছু কিছু গুপ্ত-ছুরিকাঘাতের সংবাদ পাওয়া যেতে লাগল। হিন্দু বা মুসলমান অধ্যুষিত এলাকায় পরস্পরের স্বচ্ছন্দ গতিবিধি বন্ধ হয়ে গেল। পাড়ায় পাড়ায় রক্ষীদল, সাইরেণ, শঙ্খধ্বনি—সব মিলিয়ে একটা আতঙ্ক অবস্থা। বিশেষ কাজ না থাকলে, বাড়ী থেকে কেউ বেরোয় না। তাও নির্বিঘ্ন এলাকার ভেতর দিয়ে যাতায়াত। ভুলেও অন্তপথে পা বাড়ায় না কেউ। সন্ধ্যার পর তো রাস্তাঘাট ফাঁকা। স্কুলে-কলেজ বন্ধ। অফিস, কাছারিও না চলার মত চলতে লাগল।

বিকেল বেলা অনিরুদ্ধ রসা রোড ধবে বাড়ী ফিরছিল। হঠাৎ ফুটপাতে ঘেষে তার পাশে একখানি ঝকঝকে গাড়ী এসে দাঁড়াল।

গাড়ীর ভেতর থেকে মেয়েলি-কণ্ঠে তার নাম ধরে কে ডাকল।

অনিরুদ্ধ বিস্মিত হয়ে দেখল, গাড়ীর ভেতর বসে আছে মহেন্দ্রবাবুর মেয়ে রমা।

অন্ধ দেবতা

—কেন ?

—সে বাড়ীতে এখন কেউ নেই। দেখলাম, পোড়োবাড়ীর মত পড়ে আছে বাড়ীটা। বাড়ীর সমস্ত দরজা জানালা খোলা।

—হয়ত কোথায় চলে গেছেন তাঁরা। ওদিকটা তো বেশ গোলমাল হয়েছে।

—তারা যে কোথাও চলে গেছে, তাই বা নিশ্চিত করে কি করে বলি! হয়ত তারা কেউ বেঁচে নেই। এ যে কি আরম্ভ হয়েছে! সভ্যজগতে আমরা বাস করছি বলে তে মনে হয় না।

—আপনার বন্ধুর বাড়ীর ঠিকানা আর তাদের পরিচয় যদি আমাকে দেন, হয়ত' সঠিক খবর এনে দিতে পারব।

—তা যদি করতে পারেন, আমি বিশেষ উপকৃত হব অনিরুদ্ধবাবু।

—ড্রাইভার, বাঁয়ে গাড়ী রাখ। আশুন, এই আমার বাড়ী।

—বাড়ীতো চিনে গেলাম, অন্য এক দিন আসব।

—বাড়ীর দরজা থেকে ফিরে যাবেন ?

—আচ্ছা, চলুন।

গাড়ী থেকে নেমে রমা অনিরুদ্ধের সঙ্গে বাড়ীর ভেতর ঢুকল।

নিজের ঘরে রমাকে বসিয়ে, অনিরুদ্ধ বলল,—আসছি, এক মিনিট!

ঘর থেকে বেরিয়ে সারদাকে দেখতে পেয়ে অনিরুদ্ধ বলল—ছোট-মাকে বল, একটা মেয়ে বেড়াতে এসেছে। আমার ঘরে বসেছে।

রমা অনিরুদ্ধের ঘরের চারিদিকে তাকিয়ে দেখছিল।

ঘরে ঢুকে অনিরুদ্ধ বলল,—কি দেখছেন ?

—আপনার ঘর। কমিউনিষ্ট হলে কি ঘরে একখানা ছবিও রাখতে নেই ?

হো হো করে হেসে উঠল অনিরুদ্ধ।

—হাসছেন যে !

—আমি কমিউনিষ্ট, এ খবর কোথায় সংগ্রহ করলেন ?

—কেন, এ তো সবাই জানে।

অন্ধ দেবতা

—কিন্তু দুঃখের বিষয়, আমি নিজেই জানি না। আর ঘরে ছবি টাঙ্গানোর কথা মনেই হয়নি, তাই ছবি নেই আমার ঘরে। অশু কোন কারণ নেই এর মধ্যে।

—আপনি তবে কমিউনিষ্ট নন ?

—বারবার আপনার মুখে এ কথা শুনে মনে হচ্ছে, কমিউনিষ্টকে আপনি ভয় করেন।

—আমি ভয় করতে যাব কেন ? তবে কমিউনিষ্টকে পছন্দ করেনা অনেকেই।

—এদেশে অনেক দল,—যেমন ধর্মে তেমনি রাজনীতিতে। একদল অন্যকে আক্রমণ বা নিন্দা করতে দ্বিধা করে না। কিন্তু প্রকৃত কর্মী যে, ভিন্ন-দলকে সে কি নিন্দা করে ? প্রকৃত ধার্মিকও অন্যধর্মকে আক্রমণ করে না। কর্মে ও ধর্মে কোন পার্থক্য নেই। সব ধর্মের লক্ষ্য যেমন ঈশ্বর প্রাপ্তি, এ দেশের রাজনৈতিক সমস্ত দলের আপাততঃ লক্ষ্য স্বাধীনতা লাভ। অথচ দলগত স্বার্থে চরম লক্ষ্য থেকে আমরা পিছিয়ে পড়ি। দলগত স্বার্থই বড় হয়ে ওঠে।

—আপনার কোন পার্টি, স্পষ্ট করে কই বললেন না তো ?

—কোন রাজনৈতিক দলভুক্ত নই আমি। দলগত স্বার্থের উদ্দেশ্য থেকে মানুষের সেবা করবার ব্রত নিয়েছি আমরা।

একটি রেকাবিতে কিছু ফল-মিষ্টি নিয়ে কমলা ঢুকল ঘরে। টেবিলের উপর সেগুলো রেখে সে বলল,—একটু মিষ্টি মুখ করুন।

—বা ! এসব কেন ?

—কারো বাড়ীতে এলে, একটু মিষ্টি মুখ করতে হয়।

—কিন্তু আপনার সঙ্গে পরিচয়ই তো হল না।

অনিরুদ্ধ বলল,—ইনি মা। আর ইনি মিস্ রায়। মথুরা-পুরের জমিদার মহেন্দ্রবাবুর মেয়ে।

—আমি রমা।

অন্ধ দেবতা

—এখন কোথাও আমার যাবার ইচ্ছে নেই। রাত হয়েছে, খেয়ে নেবে এস।

বই পত্র নিয়ে চলে গেল কমলা।

পঁচিশ

অনেক খোঁজাখুঁজির পর রমার বন্ধুর সন্ধান মিলল। তাদের বাড়ীর পাশের এক দোকানদারের কাছে জানা গেল, দাঙ্গা শুরু হবার পরের দিন একখানা পুলিশের ভ্যানে করে ওদের বাড়ীর সবাই চলে গেছে। কোথায় গেছে, তা সে বলতে পারল না। তারা চলে যাবার পর, তালা ভেঙ্গে বাড়ী লুট হয়েছে।

থানায় গিয়ে অনিরুদ্ধ জানতে পারল, একজন পুলিশ অফিসারের আত্মীয়েরা ঐ বাড়ীতে থাকত। পুলিশ অফিসারটিই তাদের ওখানে থেকে সরিয়ে নিয়ে গেছে। পুলিশ অফিসারের নাম-ঠিকানা সংগ্রহ করে, অনিরুদ্ধ তার সঙ্গে দেখা করতে চলল।

শ্যাম-বাজারের এক অন্ধ গলি। নম্বর মিলিয়ে সেই গলির একটা পুরোনো দোতারা বাড়ীর সামনে এসে দাঁড়াল অনিরুদ্ধ। বাড়ীর দরজা ভেতর থেকে বন্ধ।

জোরে জোরে কড়া নাড়ল অনিরুদ্ধ।

দোতারার জানালা থেকে মুখ বাড়িয়ে একটি যুবতী মেয়ে প্রশ্ন করল,—আপনি কাকে চান ?

—আপনিই কি রেখা দেবী ?

—কোথা থেকে আপনি আসছেন ?

—মুলেন স্ট্রীটের মহেন্দ্রবাবুর বাড়ী থেকে।

—আমি আসছি।

মেয়েটি নেমে এসে দরজা খুলে অনিরুদ্ধকে বসবার ঘরে নিয়ে গিয়ে বসাল।

অন্ধ দেবতা

অনিরুদ্ধ বলল,—রমা দেবী আপনাদের খোঁজে তালতলার বাসায় গিয়েছিলেন। সেখানে আপনাদের না দেখতে পেয়ে বড় উদ্ভিগ্ন হয়ে পড়েছেন। তাঁর অনুরোধেই আমি আপনাদের খুঁজে বের করেছি। আপনারা সবাই ভাল আছেন তো ?

—হ্যাঁ। রমারা কেমন আছে ?

—রমা দেবী ভালই আছেন। তবে শুনেছি,—মহেন্দ্রবাবু অসুস্থ।

—আপনার পরিচয় কিন্তু জানতে পারলাম না।

আমি ওঁদের একজন পরিচিত লোক। নাম, অনিরুদ্ধ চৌধুরী। আচ্ছা, আজ উঠি।

—একটু বসুন। বাবা, মামা কেউ বাড়ীতে নেই। এটা আমার মামার বাড়ী। মামাই আমাদের এখানে নিয়ে এসেছেন। ওঁরা হয়ত এখুনি এসে যাবেন।

—অন্য একদিন না হয় আসা যাবে। জানেন তো, কারফিউ রয়েছে। এখন না বেরুতে পারলে অসুবিধা হবে।

—এক মিনিট বসুন, আমি আসছি।

একটু পরে এক কাপ চা আর কয়েকখানা বিস্কুট নিয়ে ফিরে এল রেখা।

—আবার এসব কেন ?

—মাত্র এককাপ চা। আপনি আমাদের খোঁজ করতে নিশ্চয়ই যথেষ্ট হয়রান হয়েছেন।

চারের কাপটি নিয়ে হেসে অনিরুদ্ধ বলল,—তা একটু ঘুরতে হয়েছে।

—রমাকে বলবেন, কলকাতার অবস্থা একটু ভাল হলে আমি গিয়ে জেঠামশাইকে দেখে আসব। এখন আমাকে বাইরে যেতে দেবে না।

—আচ্ছা, বলব। নমস্কার।

উঠে পড়ল অনিরুদ্ধ।

অন্ধ দেবতা

রুখাদের বাড়ী থেকে বেরিয়ে ট্রাম রাস্তায় এসে অনিরুদ্ধ দেখল, ট্রাম বন্ধ। শুনল, ধর্মতলার দিকে নাকি গোলমাল হয়েছে, তাই ট্রাম বন্ধ হয়ে গিয়েছে। একটু পরেই 'কারফিউ' শুরু হবে। রাস্তায় অল্প কোন যানবাহন নেই। মুষ্কিলে পড়ল অনিরুদ্ধ।

একখানা পুলিশের ট্রাক আসতে দেখে, রাস্তায় লোকজন যা ছিল, দৌড়িয়ে পালাতে শুরু করল। অনিরুদ্ধ পালাবে কি পালাবেনা ইতস্ততঃ করতে করতে, তার পায়ে এসে একটি গুলি লাগল। রাস্তায় পড়ে গেল সে। পুলিশের গাড়ী তাঁর দিকে ক্রমশঃপমাত্র না করে চলে গেল। পুলিশের গাড়ী থেকে গুলি করেছে। রাস্তায় লোকের ভিড় দেখলেই গুলি করত পুলিশ। তাই পুলিশের গাড়ী দেখলেই লোক দৌড়িয়ে পালাত।

পুলিশের গাড়ী চলে গেলে, কয়েকজন লোক এসে ধরাধরি করে অনিরুদ্ধকে পাশের এক দোকানে নিয়ে তুলল। দোকানের মালিক ভেতর থেকে দরজা বন্ধ করে দিল। দোকানে টেলিফোন ছিল। এ্যান্ডুলেন্সে ফোন করে দেওয়া হল।

অনিরুদ্ধের তখনও জ্ঞান ছিল। ডাক্তার বোস আর বিভাসের ফোন নম্বর দিয়ে তাদের এ দুর্ঘটনার কথা জানাতে অনুরোধ করল অনিরুদ্ধ।

এ্যান্ডুলেন্সে যখন অনিরুদ্ধকে উঠিয়ে দেওয়া হল, অনিরুদ্ধের তখন আর জ্ঞান নেই।

মেডিকেল কলেজের এমার্জেন্সি ওয়ার্ডে অনিরুদ্ধকে নিয়ে এসে তুলল এ্যান্ডুলেন্স। কিছু পরে ডাক্তার বোস ও তার পরেই বিভাস এসে পৌঁছল মেডিকেল কলেজে।

সেই রাত্রেই অপারেশন করে অনিরুদ্ধের পা থেকে গুলি বের করা হল। সমস্ত রাত্রি বিভাস মেডিকেল কলেজের বারান্দায় বসে জেগে কাটিয়ে দিল। ডাক্তার বোস বাড়ী ফিরে গেল।

সমস্ত রাত্রির মধ্যে অনিরুদ্ধের জ্ঞান ফিরে আসেনি। পরদিন সকালে সামান্য ক্ষণের জন্যে জ্ঞান ফিরে আসার পর আবার সে

অন্ধ দেবতা

ফল ফলতেও দেরি হলনা। ভয়াবহ আকারে বাস্তুহারা সমস্ত^{AC} দেখা দিল।

সমস্ত দিন রাত্রি অনিরুদ্ধেরা এই বাস্তুহারাদের মধ্যে কাজ করতে লাগল।

আর রমা উদ্বাস্তদের সেবায় স্বতঃপ্রবৃত্ত হয়ে এগিয়ে এল অনিরুদ্ধের সঙ্গে কাজ করতে।

সাতাশ

মথুরাপুরেও ভাঙ্গন ধরল।

একে একে অনেকেই গ্রাম ছেড়ে হিন্দুস্থানে পাড়ি জমাল। ঈশান মণ্ডলের তখন খুব অসুখ। চিকিৎসা করছিল মজুমদার মশায়ের ছেলে, রবী ডাক্তার। মণ্ডলকে দেখতে এসে রবী ডাক্তারও একদিন বলল,—সেও চলে যাবে।

ঘরে গ্রামের আরও কয়েকজন ছিল।

প্রসাদী জিজ্ঞাসা করল,—ক্যান, আপনি যাবেন ক্যান ?

—আমার আশে-পাশের সবাই তো চলে গেল। আর থাকতে ভরসা হয় না।

কারও মুখে কোন কথা জোগাল না। ভরসার কথা জোর করে কেউ বলতে পারল না।

—কতাদার এমন অসুখ, আপনি চল্যা গেলি দেখবি কিডা ?

প্রসাদীর কথা শুনে সবাই একযোগে তাকাল রবী ডাক্তারের দিকে।

রবী ডাক্তার ছাড়া সুজানগরে আরও দুইজন ডাক্তার ছিল। তারাও চলে গেছে। এখন শুধু মথুরাপুরে কেন, আশে-পাশের বিশ-পঁচিশ মাইলের মধ্যে একমাত্র রবী ডাক্তারই ভরসা।

রবী ডাক্তার প্রসাদীকে সান্ত্বনা দিয়ে বলল,—আমি তো আজই যাচ্ছি। এর মধ্যে মোড়ল ভাল হয়ে উঠবে।

অন্ধ দেবতা

বুধাই আশ্বাস দিয়েছিল রবী ডাক্তার। ভাল আর হল না ঈশান মণ্ডল। রবী ডাক্তার গাঁ ছেড়ে যাবার আগেই মারা গেল মোড়ল।

চারদিকে এত ওলোট-পালট, কিন্তু ক্ষিতু সরকারের বাড়ীতে ননী লাহিড়ীর সাক্ষ্য-আসর ঠিক চলছে।

আলবোলায় টান দিয়ে নায়েব বলল,—কিরে পরাণ, আর কে গেল ?

—যাচ্ছে তো একে একে সগলেই। থাকা আর যাবিন্যা এ গাঁয়ে।

—তুইও যাবি নাকি।

—আমি ক'নে যাব ? না আছে আমার ঘর, না ঘরনী। আমার যাওয়ার মাথা ব্যথাডা কি ?

পান সাজাছিল ক্ষিতুর বউ।

সে বলল,—ঘরনী তো আছেই তোর। মণ্ডল গেল, এবার পেসাদি থাকবি ক'নে ? তার কাছে এবার তোর যাওয়া উচিত।

ক্ষিতুর বউ বলবার আগেই গিয়েছিল পরাণ। না প্রসাদীর কাছে নয়, কেদারের মায়ের কাছে। সরাসরি প্রসাদীর কাছে যেতে তার সাহসে কুলোয়নি।

প্রসাদীকে নিয়ে ঘর বাঁধতে চায় সে। মণ্ডল নাই। প্রসাদীর এখন একলা থাকা কি ভাল ? তারপর দেশের ভাব-গতিকও ভাল না। কেদারের মাকে অনুরোধ জানাল পরাণ, প্রসাদীকে সে যেন বুঝিয়ে বলে।

পরানের যুক্তি, অনুরোধ কেদারের মায়ের কাছেও অর্থোক্তিক মনে হয়নি। আশ্বাস দিয়েছে পরাণকে, প্রসাদীকে সে বুঝিয়ে বলবে।

এত কথা কিন্তু কাউকে ভাঙ্গলনা পরাণ। ক্ষিতুর বউএর কথার

বাড়ী। বাড়ীর পাশ দিয়ে যাবার সময় পরাণ মুখ উচু করে দেখল, উঠোনে কেউ আছে নাকি। না, কেউ নেই। দাঁড়িয়ে পড়ল সে। আশ্বে আশ্বে উঠে এল বাড়ীর মধ্যে।

—আছে নাকি কেউ বাড়ী? বাড়ীর লোকজন কই?

বড় ঘর থেকে বেরিয়ে এল প্রসাদী। পরাণকে দেখে সে মোটেই বিস্মিত হল না। লজ্জিতও হল না।

স্বাভাবিকভাবেই সে বলল,—বাড়ীর লোক দিয়্যা দরকারডা কি?

কুণ্ঠিতভাবে পরাণ বলল,—না, কইয়ে কত্তাদার কাজের তো দিন আর বেশী বাকি নাই। তা কি ব্যবস্থা করতিছ, তাই জানবার আলায়াম।

—সে কথা জান্চা তোমার কামডা কি?

ঈশান মণ্ডল বেঁচে থাকতে, প্রসাদীর সঙ্গে ঐভাবে কথা বলবার সুযোগ পরাণ কোনদিন পায়নি। আজ এই সুযোগে তার মনের কথা প্রসাদীকে জানাতে চায়। তার অন্তর্বেদনা ব্যক্ত করে, প্রসাদীর মনে সমবেদনা জাগাতে চায়।

বলল,—তুমি রাগ কর ক্যান পেসাদি? আমার দোষডা কি? তোমরা আমাক তফাৎ কর্যা রাখিছ,—ব্যাভারডা তো তোমাদের কাছে ভাল পাই নাই কোনদিন।

—যার যেমন স্বভাব, ব্যাভারতো সেই রকমই পায় লোকে।

—জ্বলে গিছিলাম, তাই তোমরা আমাক ঘেন্না কর। কিন্তুক ক্যান আমার এমন মতি হইছিল সে খবর কি কোনদিন রাখিছ?

—সে খবরে আমার কি কাম?

—না, তোমার আর কি কাম! বিয়্যা হইছিল তোমার সাথে এ কথাডাই তো তোমরা স্বীকার করবার চাও নাই। দোষ আমার অদৃষ্টের পেসাদি, তোমার কোন দোষ নাই।

একটু চুপ করে থেকে প্রসাদী বলল—ওসব কথা কত্তাদা জানত। যা সে ভাল বুঝিছে, সেইমত কাজ করিছে।

অন্ধ দেবতা

—তা আমি জানি পেসাদি। আমি গরীব বন্ধ্যা কত্তাদা তোমাক আমার ঘরে পাঠাব্যার চায় নাই। জ্বালা ধরিছিল আমার বুকে। পণ করিছিল্যাম,—আমার ঘরে তোমাকে নিয়া যাবই। কিন্তুক পণ রক্ষা হবি কি কর্যা? হাল-গরু নাই যে জমি নেব ভাগে, পয়সা কড়িও নাই যে ব্যবসা করব। কি করি? ছবু'ন্ধি হল। তোমাক ঘরে আনার চিন্তায় কিছুই আমার অসাধ্য ছিল না। চুরি করল্যাম। অদেষ্ট মন্দ, ধরা পড়্যা জেলে গেল্যাম। জেল থিক্যা ফির্যা দেখল্যাম,—ঘেন্না কর্যা কেউ কথাও কয় না। মা মরিছে গলায় দড়ি লাগায়ে। কনে যাই? কি খাই? তোমার কথা তখন মনে হল। ভাবল্যাম এ অসময়ে তুমি ছাড়া আমার আর কেউ নাই। কিন্তুক কত্তাদা আমাক অপমান কর্যা তাড়ায়ে দিল। সে সময় নাড়িমশাই আমাক বাঁচাইছিল। লোক সে খুবই মন্দ, কিন্তুক সে সময় এক সেইত আমাক আশ্রয় দিছিল। তাই তার কাছেই আশ্রয় নিল্যাম। না নিলিই বা খাত্যাম কি? তুমি যদি সে সময় মুখ ফুট্যা এটা কথাও বলতে পেসাদি—! আমি কত আশা করিছিল্যাম! যাক্ সে সব কথা। আমার মন্দ অদৃষ্টের কথা। আমি যাই।

একটা লোক এমন করে তার অন্তরের ব্যথা জানাল, প্রসাদীর মনও একটু আর্জ হল।

পর্যায় চলে যাচ্ছিল। প্রসাদী বলল,—গাঁয়ের সবাই কয়, কত্তাদার কাজ ভাল কর্যা করা চাই। কাল আইছিল রূপ মণ্ডলরা, ফদ ধরিছে লাখা। জমি বিক্রী করতি হবি। খন্দের যদি থাকে খবর দিও।

—জমি বেচ্যা কত্তাদার কাজ হবি?

—তা ছাড়া টাকা পাব ক'নে?

—ঘরে কি নগদ কিছুই নাই?

—আছে, গোটা পঞ্চাশেক টাকা। ও টাকা দিয়্যা তো হবিয়া সব।

অন্ধ দেবতা

—আচ্ছা, পরে আসবোনে ।

কথা দিয়ে পরাণ সেইদিনই সন্ধ্যায় আবার এল ।

দাওয়ায় মাদুর পেতে তাকে বসতে দিল প্রসাদী । নিজে ঘরের মধ্যে চৌকাঠের পাশে বসল ।

প্রসাদী জিজ্ঞাসা করল,—খন্দের পাওয়া গিছে ?

—না ।

—নাড়ি মশায় তো নিতি পারে ?

—কই নাই তাক । জমি তোমার বেচ্যা দরকার নাই পেসাদি ।

প্রসাদী পরাণের কথার কোন উত্তর দিলনা ।

—কর্তাদার কাজের ভারডা আমাক দাও তুমি ।

—না, তা হয় না ।

—ক্যান পেসাদি, আমাক কি এতই ঘেন্না কর তুমি ?

—ঘেন্নার কথা না । যা হয় না, তাই ক্যলাম ।

এ কথার পর পরাণ আর কথা খুঁজে পেলনা । অনেক কথা গুছিয়ে বলবে, ভেবে এসেছিল । কিন্তু কিছুই তার বলা হলনা । মনের মধ্যে সব কথা তাল-গোল পাকিয়ে গেল । হঠাৎ বলে ফেলার মত সে বলে বসল,—গাঁয়ের সপ্তলে হিন্দুস্তানে যাতিছে, নাড়ি মশায়ও যাওয়ার তাল খুঁজতিছে । তুমি কি করব্যা পেসাদি ?

হেসে ফেলল প্রসাদী । বলল,—আমি আবার ক'নে যাব ?

—ক্যান, কলকাতায় । যদি কও তো, আমি সব ব্যবস্থা কর্যা দিই । এখ্যানে আর থাকা যাবিগা । তোমার ভালর জগ্গেই কতিছি । চল কলকাতায় যাই ।

—তুমিও যাব্যা নাকি ?

—তুমি গেলি, আমাক তো যাতিই হবি ।

—কর্তাদার কাজ তো আগে মিটুক, সে সব পরে ভাবা যাবিনি ।

অন্ধ বেবতা

প্রসাদীর । সবারই প্রায় এক অবস্থা । সকলেই সমব্যথী । তারাও ঘর খুঁজছে । তাদের সঙ্গে পরাণও গেল ঘর খুঁজতে ।

পরাণ গেল আর ফিরল না । যাদের সঙ্গে সে গিয়েছিল একে একে সবাই ফিরে এল । পরাণ এলনা । প্রসাদী তাদের কাছে খোঁজ করে জানল,—তারা সবাই একসঙ্গে ছিল না । প্রত্যেকেই আলাদা রাস্তায় ঘর খুঁজছিল । হারানোর ভয় নেই । রাস্তা না চিনলেও, শিয়ালদা ষ্টেশনের নাম করলে যে কেউ দেখিয়ে দেবে । সেই ভাবেই তারা ফিরে এসেছে । ঘরের সন্ধান অবশ্য কেউই পায়নি ।

সন্ধ্যার দিকে প্রসাদী রিলিফ কমিটির একটি বাবুকে বলল, পরাণের না ফেরার কথা ।

একা একা এরকম যাওয়ার জন্য বাবুটি পরাণের উদ্দেশ্যে শুধু গাল-মন্দই করল । শেষে প্রসাদীকে বলল,—খোঁজ পেলে তোমাকে জানাব । হয়ত গাড়ী-ঘোড়া চাপা পড়েছে । হাসপাতালে সন্ধান নিতে হবে ।

প্রসাদী বাবুটিকে জিজ্ঞাসা করল, অনিরুদ্ধকে সে চেনে নাকি ?

বাবুটি চেনেনা অনিরুদ্ধকে । প্রসাদী অনিরুদ্ধের ঠিকানা জানে না । ভেবেছিল কলকাতায় গিয়ে রাজাদাদাবাবুর নাম করলে লোকে তার বাড়ী দেখিয়ে দেবে । কলকাতা সম্বন্ধে তার কোন অভিজ্ঞতা থাকলে, লজ্জার মাথা খেয়ে মজুমদার মশায়ের কাছ থেকে অনিরুদ্ধের ঠিকানা সে জেনে নিত । মজুমদার মশায়কে অনিরুদ্ধ চিঠি দিয়েছিল, তার ঠিকানা হয়ত মজুমদার মশায় জানেন ।

পরাণের জন্য অপেক্ষা করে করে শেষে রাতে ছ'মুঠো শুকনো চিঁড়ে চিবিয়ে শুয়ে পড়ল প্রসাদী । ঘুম এলনা তার ।

রাত তখন বেশ বেশী । প্রসাদী বল ঘরে যাবার জন্যে উঠল ।

কল ঘরের পাশে একটু অন্ধকারমত জায়গায় একজন ভদ্রলোককে একটি মেয়ের সঙ্গে চাপা-কণ্ঠে কথা বলতে শুনল প্রসাদী ।

অন্ধ দেবতা

মেয়েটিকে চিনতে পারল সে। তারই পাশে যে উদ্বাস্তু পরিবার আস্তানা নিয়েছে—তাদের যুবতী মেয়ে।

ফিরে এসে নিজের জায়গায় শুয়ে পড়ল প্রসাদী। কিন্তু আশ্চর্য মেয়েটিতো এখনও এল না, রাত যে শেষ হতে চলল! সারা রাতের মধ্যে প্রসাদী একটুকুও ঘুমুতে পারেনি।

হঠাৎ দেখল, পুলিশ এসে ঘুমন্ত মানুষগুলোকে টেনে তুলে গরু-ভেড়ার মত ঠেলতে ঠেলতে নিয়ে যাচ্ছে

প্রসাদী আগেই শুনেছিল, পুলিশ নাকি হঠাৎ এরকম মাঝ-রাতে হানা দিয়ে উদ্বাস্তুদের কলকাতার বাইরে আশ্রয় ক্যাম্পে নিয়ে যায়। সেই সব আশ্রয় ক্যাম্পের কদর্য ব্যবস্থার কথা অনেকেই জেনে ফেলেছে। তাই সহজে সেখানে কেউ যেতে চায় না। সেইজন্মে নাকি এইরকম অতর্কিত আক্রমণ চলে।

প্রসাদী ব্যাপারটা বুঝতে পেরে ভীত হয়ে পড়ল। পাশের পরিবারটির দিকে তাকিয়ে দেখল, স্বামী স্ত্রী কয়েকটি নাবালক পুত্র-কন্যা নিয়ে নিশ্চিন্তে ঘুমুচ্ছে। তাদের বড় মেয়েটি তখনও ফেরেনি। হয়ত সে আর ফিরতেও পারবে না।

পুলিশ এদিকে আসবার আগেই প্রসাদী উঠে পড়ল। সন্তুর্পণে পালিয়ে গেল সে। পড়ে রইল তার জিনিষপত্র বাস-বিছানা। বাসের মধ্যে জমি-বিক্রীর টাকাও কিছু ছিল। তাড়াতাড়িতে তাও নেওয়া হল না।

একাকিনী, রিক্তা, নিঃসহায়-যুবতী সুপ্ত-মহানগরীর প্রশস্ত রাজপথে এসে দাঁড়াল।

*

*

*

তারপর কত ঘুরে, কত আশ্রয় ত্যাগ করে, কত কষ্ট পেয়ে আর কত অভিজ্ঞতা সঞ্চয় করে প্রসাদী সদা ঠাকুরের 'পবিত্র ভোজনালয়' এর কর্মঠ ঝিতে রূপান্তরিত হল।

ভিন্ন

ইতিমধ্যে প্রায় বছর দুয়েক কেটে গেছে।

রমা এখন অনিরুদ্ধের সংঘের একজন বিশিষ্ট নারী-কর্মী। দেশ বিভাগের পর প্রথম উদ্বাস্তুদের সেবায় রমা আত্মনিয়োগ করেছিল। তারপর থেকে সে জনসেবার কাজে বিশেষভাবে সংশ্লিষ্ট হয়ে পড়েছে।

কাজের মধ্যে রমার মনেরও পরিবর্তন হয়েছে যথেষ্ট। রুচিও বদলে গেছে তার। মিঃ কনক চৌধুরীর দান্তিকতা, অন্তঃসারশূন্য আদব-কায়দা আর ভাল লাগেনা রমার। মিঃ চৌধুরী রমার অনিরুদ্ধের সংগে মেলামেশা পছন্দ করেনা। তাদের সংঘ সম্বন্ধে মিঃ চৌধুরীর অযথা কটুক্তি বরদাস্ত করতে পারে না রমা। মিঃ চৌধুরীর কটুক্তির প্রতিবাদ করে সে। কিন্তু রমার প্রতিবাদে মিঃ চৌধুরীর ভাষা আরও বেশী তীক্ষ্ণ ও অর্যোক্তিক হয়ে পড়ে। রমা তাই আজকাল মিঃ চৌধুরীর সঙ্গ এড়িয়ে চলে। মিঃ চৌধুরীকে সে আর সহ্য করতে পারেনা।

আজকাল রমার দেখা মিঃ চৌধুরী আর বিশেষ পায় না। ফোন করে তাকে থাকতে বলেও, বাড়ীতে এসে মিঃ চৌধুরী জানতে পারে, বিশেষ কাজে রমা বেরিয়ে গেছে। বলে গেছে, ফিরতে দেবী হবে। রমা যে ইচ্ছে করেই তাকে এড়িয়ে চলছে, বুঝতে পারে মিঃ চৌধুরী। আর অনিরুদ্ধই যে এর মূল কারণ তাও অনুমান করতে অসুবিধা হয় না তার।

রমার উদ্বাস্তুসেবা আর জনহিতকর কাজে যোগ দেওয়ায় মহেন্দ্র-বাবু কোন দোষ দেখতে পাননি। বরঞ্চ পরোক্ষে যে তাঁর সম্মতি আছে তা বোঝা যায়। মিঃ চৌধুরীও বোঝে সে কথা। তাই রমার পরিবর্তনে নিজের মনে যথেষ্ট ক্ষোভ ও আক্রোশ থাকলেও অনেকাংশে মনের ভাব চেপে রাখে মিঃ চৌধুরী।

অন্ধ দেবতা

—তাইতো সমস্যায় পড়েছি। বাবার শরীর ভাল যাচ্ছেনা, বিয়েটা উনি সেরে ফেলতে চান।

—অনিরুদ্ধবাবু কি তোমার মনের খবর জানে না?

—বোধহয় না। আমার কাজে নিষ্ঠা দেখে তিনি হয়ত প্রশংসা করেছেন বন্ধুর কাছে। কিন্তু কোন মেয়ের মনের খবর জানবার তাঁর অবসর কোথায়?

—এত বড় পুরুষ?

—তাই তো তার এত আকর্ষণ।

ঝি এসে জানাল ব্যারিষ্টার সাহেব এসেছেন কতাবাবুর ঘরে। কতাবাবু দিদিমণিকে ডাকছেন।

ঝি চলে যেতে, রেখা বলল,—আমি এখন তবে যাই।

—বসনা একটু। বাবার কথা শুনে আসতে আমার দেরি হবেনা। আমিও বেকবো ভাবছিলাম। তোকে না হয় পৌঁছিয়ে দিয়ে আসব।

—কিন্তু মিস চৌধুরী এসেছেন যে।

—সেই জন্মেই তো পালাতে চাই।

—এমনি করে কতদিন আর পালিয়ে থাকতে পাববি?

—বোধহয় বেশীদিন নয়। মন চায় পালাতে, কিন্তু মনের মত সব কি হয়? তুই বস, আমি আসছি।

রমা চলে গেল।

মিস চৌধুরী মহেন্দ্রবাবুর সঙ্গে কথা বলছিল।

রমাকে দেখে মহেন্দ্রবাবু বললেন—এস মা! কনক বলছিল, ওর পিসিমা কাশী থেকে এসেছেন। তিনি তোমাকে দেখেন নি। তাই কনককে দিয়ে আজ ছুপুরে আমাদের দু'জনকে নিমন্ত্রণ করে পাঠিয়েছেন। আমি তো এই শরীরে যেতে পারব না। তুমি না হয় যেও।

অন্ধ দেবতা

লোক গাড়ীর দরজা খুলে, মিঃ চৌধুরীকে জোর করে গাড়ী থেকে টেনে রাস্তায় নামিয়ে নিল।

রমাও তাড়াতাড়ি ষ্টার্ট বন্ধ করে দিয়ে গাড়ী থেকে নেমে পড়ল। লোকগুলো তখন মিঃ চৌধুরীকে শাস্তি দেবার জন্য ব্যস্ত, আহত ছেলেটির দিকে তাদের লক্ষ্য নেই।

রমা বলল,—দেখুন, আগে আহত ছেলেটিকে হাসপাতালে নিয়ে যাওয়া দরকার।

রমার কথায় অদ্ভুত কাজ হল। লোকগুলো মিঃ চৌধুরীকে ছেড়ে দিয়ে গাড়ীর নীচে থেকে আহত ছেলেটিকে টেনে বার করল। ছেলেটির একটি পা একেবারে খেতলে গেছে। শরীরের অন্যান্য অংশেও বেশ আঘাত লেগেছে। ছেলেটির সে ভয়াবহ দৃশ্যে রমার হাত-পা কাঁপতে লাগল। ইতিমধ্যে কোথা থেকে অনিরুদ্ধ ঠিক তখনই ঘটনাস্থলে এসে উপস্থিত হল। ব্যাপার দেখে কাউকে কিছু না বলে, আহত ছেলেটিকে রাস্তা থেকে তুলে নিয়ে গাড়ীর পিছনের সিটে শুইয়ে দিল। তারপর রমা ও মিঃ চৌধুরীকে বলল,—আপনারাও উঠে পড়ুন।

যন্ত্র-চালিতের মত মিঃ চৌধুরী গিয়ে ষ্টিয়ারিংএ বসল। রমা উঠে তার পাশে বসল। পেছনের সিটে অনিরুদ্ধ উঠল।

তারপর জনতার দিকে লক্ষ্য করে অনিরুদ্ধ বলল,—আপনারা ভাই, একটু রাস্তা দিন। এখুনি একে হাসপাতালে নিয়ে যেতে হবে।

সম্মুখের লোকগুলো সরে গিয়ে পথ করে দিল। ট্রাফিক পুলিশও ইতিমধ্যে ঘটনাস্থলে এসে গিয়েছিল। সে শুধু গাড়ীর নম্বরটি টুকে নিল খাতায়।

গাড়ী চলতে আরম্ভ করলে মিঃ চৌধুরীকে বলল অনিরুদ্ধ,—শঙ্কুনাথ হাসপাতালে চলুন।

এমারজেন্সি ওয়ার্ডে ছেলেটিকে ভর্তি করে দেওয়া হল।

অন্ধ দেবতা

হাসপাতালে অনিরুদ্ধের সঙ্গে সঙ্গে রমা সর্বক্ষণই ঘুরছিল। মিঃ চৌধুরী কিন্তু গাড়ী থেকে নামেনি। অনিরুদ্ধের সঙ্গেও সে কোন কথা বলেনি।

রমা আর অনিরুদ্ধ মিঃ চৌধুরীর কাছে ফিরে এল। মিঃ চৌধুরী গম্ভীর মুখে রাজ্যের বিরক্তি নিয়ে রমার জন্য অপেক্ষা করছিল।

রমা মিঃ চৌধুরীকে বলল,—আপনি এবার যেতে পারেন মিঃ চৌধুরী। আমি আরও কিছুক্ষণ অপেক্ষা করব। ছেলেটির জ্ঞান ফেরেনি। আমি বাবাকে এখান থেকে ফোন করে সব জানিয়ে দেব।

—একটা ষ্ট্রীট বয়, তার জন্মে এতটা—

মিঃ চৌধুরীর কথার মাঝেই রমা মিঃ চৌধুরীকে তিরস্কার করে জোরে বলে উঠল,—আঃ! মিঃ চৌধুরী!

কিন্তু মিঃ চৌধুরী রমার ওপর যথেষ্ট চটেছিল। সে বলল,—আপনার জন্মেই তো এই ফ্যাসাদ। স্পীডে গাড়ী নিয়ে বেরিয়ে গেলে কেউ ধরতে পারত না।

অনিরুদ্ধ এতক্ষণ নির্বাক দর্শক হয়েই এদের কথা শুনছিল। মিঃ চৌধুরীর কথা শুনে বলল,—আপনাকে পালাতে না যেতে দিয়ে উনি ঠিকই করেছেন।

—কতকগুলো গুণ্ডার হাতে মার খেয়ে আমার হাড়গুলো গুঁড়ো হয়ে গেলে বোধ হয় আরও ভাল হত।

—আশ্চর্য আপনার শিক্ষা, সত্যতা! আপনার হৃদয়ও কি নেই? একটি নিরপরাধ বালক আপনার গাড়ীর নীচে পড়ে মারা যেতে বসেছে, তার জন্মে আপনার মনে এতটুকু দুঃখ বোধ নেই?

—সে নিজের দোষে চাপা পড়েছে, এতে আমার কোন অপরাধ হয়নি। কিন্তু আপনি কে?

—যে লোকগুলোর হাতে মার খেয়ে হাড় গুঁড়ো হয়ে যেত বলছিলেন, তাদের হাত থেকে আজ আমিই আপনাকে বাঁচিয়েছি, এটুকুই আমার সম্বন্ধে আপনি মনে রাখবেন।

অন্ধ দেবতা

রমা বলল,—অনিরুদ্ধবাবু চলে আসুন। একজন পশুর সঙ্গে তর্ক করে কি লাভ ?

মিঃ চৌধুরীর সমস্ত মুখ রাগে আর অপমানে লাল হয়ে উঠল। ব্যঙ্গ করে মিঃ চৌধুরী বলল,—ও আপনিই তা হলে ‘হিরো, অনিরুদ্ধ’। ভাল, ভাল। এখন বুঝতে পেরেছি, রমা দেবী আমার ওপর এত বিরূপ কেন ? আপনার সম্বন্ধে কিছু শোনা আছে মশায়, আজ দেখে নয়ন সার্থক হল।

গাড়ীতে ষ্টার্ট দিল মিঃ চৌধুরী।

—নয়ন আপনার এর আগেও একদিন সার্থক হয়েছে মিঃ চৌধুরী। রমা দেবীর বাড়ীতে এর আগেও একদিন আমায় দেখেছেন আপনি।

সে কথার উত্তর না দিয়ে অনিরুদ্ধের দিকে অগ্নিদৃষ্টি নিক্ষেপ করে গাড়ী ছেড়ে দিল মিঃ চৌধুরী।

রমা বলল,—চলুন অনিরুদ্ধবাবু, ছেলেটির কি হল দেখে আসি।
রমা ও অনিরুদ্ধ হাসপাতালের দিকে অগ্রসর হল।

বত্রিশ

বাড়ী ফিরে খাঁচায়-বন্ধ সিংহের মত গর্জাতে লাগল মিঃ চৌধুরী। অস্থির পদে নিজের ঘরের মধ্যে সে পায়চারি করতে লাগল। অপমানের জ্বালা তার সর্ব্বাঙ্গে বৃশ্চিক-দংশনের মত ছল ফুটিয়ে দিচ্ছে। এর প্রতিশোধ তাকে নিতেই হবে। রমা অনিরুদ্ধকে ভালবাসে, একথা এতদিন শুধু সন্দেহ করে এসেছে মিঃ চৌধুরী। আজ আর সন্দেহ নয়, এ সত্য বুঝতে পেরেছে সে। অনিরুদ্ধের সামনে রমা আজ তাকে অপমান করেছে। দস্তে দস্তে ঘর্ষণ করে চাপাকণ্ঠে বারবার অনিরুদ্ধের নাম উচ্চারণ করতে লাগল মিঃ চৌধুরী।

চিৎকার করে চাকরকে ডাকল,—রামদীন, রামদীন ?

অন্ধ দ্বেবতা

মায়ের মন সাস্থনায় বাঁধ মানেনা। প্রতিবেশী মেয়েরাও তাকে নানাভাবে সাস্থনা দিতে লাগল।

আবার পরের দিন তারা আসবে বলে, রমা আর অনিরুদ্ধ বিদায় নিল।

রমাকে নিয়ে ট্যাক্সিতে বসে অনিরুদ্ধ বলল,—চলুন, আপনাকে পৌঁছিয়ে দিয়ে আসি। ড্রাইভার, মুলেন ট্রীটে চল।

কিছু পরে রমা প্রশ্ন করল,—ছেলেটি যদি না বাঁচে অনিরুদ্ধবাবু ?
—তাতে আর এমন কি ক্ষতি হবে। সামান্য কিছু ক্ষতিপূরণ হয়ত দিতে হবে মিঃ চৌধুরীকে। অবশ্য ওরা যদি কেস করে।

—আমি ওর বাপ-মায়ের কথা ভাবছি।

—ভেবে কি লাভ ? এ দৃশ্য আপনার কাছে নূতন,—কিন্তু এই তো ওদের মত গরীবদের স্বাভাবিক জীবন। বড়লোকদের নিষ্কম্প দস্তুর চাকার তলায় এমনি করে চিরদিন ওদের বুকের রক্ত পিষ্ট হয়ে চলেছে। হ্যাঁ, ভাল কথা, কাল বোধহয় আমি হাসপাতালে যাবার মোটেই সময় পাব না। যদি পারেন, একটু খোঁজ নেন ছেলেটির।

—কাল আপনার কি কাজ ?

—বেলঘরিয়ার ‘আনন্দময়ী কটন মিলে’ গোলমাল চলছে। আজও সেখানে গিয়েছিলাম। সেখান থেকে ফিরবার পথেই তো দেখলাম, এই ছুর্ঘটনায় আপনারা জড়িয়ে পড়েছেন।

গাড়ী রমাদের বাড়ীর সামনে এসে গিয়েছিল। রমা বলল,—
বাঁয়ে রোখো।

গাড়ী থামল।

—আপনিও আসুন অনিরুদ্ধবাবু।

—চলুন, মহেন্দ্রবাবুর সঙ্গে এই সুযোগে দেখাটা করে যাই।

রমা তার ভ্যানিটি ব্যাগ খুলে ট্যাক্সির ভাড়া দিল।

অন্ধ দৈবতা

মহেন্দ্রবাবুর ঘরে অনিরুদ্ধকে পৌঁছিয়ে দিয়ে, রমা বলল,—
আপনি বাবার সঙ্গে কথা বলুন, আমি আসছি।

মহেন্দ্রবাবু বললেন,—রমার টেলিফোন পেয়ে আমি তো খুব
ভাবিত হয়ে পড়েছিলাম। তা, ছেলেটি এখন কেমন আছে ?

অনিরুদ্ধ মহেন্দ্রবাবুকে সমস্ত অবস্থা জানাল।

মহেন্দ্রবাবু বললেন,—তা কনক এলনা কেন ?

অনিরুদ্ধ বলল,—ওঁর বোধহয় কোন জরুরী কাজ ছিল।
হাসপাতাল থেকেই উনি চলে গেছেন।

রমা এক ডিস খাবার নিয়ে ঘরে ঢুকল। অনিরুদ্ধকে সে বলল,—
আপনি আমার সঙ্গে আসুন। জামা-কাপড় ছেড়ে মুখ-হাত ধুয়ে নিন।

—এখন আবার এসব কেন ?

—সকালে বেলঘরিয়ায় গেছেন। তারপর সারাদিন তো আর
খাওয়া হয়নি আপনার। নিন, উঠুন।

—আমি এক্ষুণি বাড়ী গিরে স্নান করে নেব। তার আগে তো
কিছু খেতে পারবেনা রমা দেবী।

—এখানেই স্নানটা সেরে নিন্না। আমি বাথরুমে সব ঠিক
করে রেখে এসেছি! বাবার জামা বোধহয় আপনার একটু বড়
হবে। তা হোক,—চলুন তো।

অনিরুদ্ধের জামা-কাপড়ে রক্তের দাগ ছিল। মহেন্দ্রবাবুও
বললেন,—আপনি যান অনিরুদ্ধবাবু, জামা-কাপড় ছেড়ে কিছু
মুখে দিন।

—আচ্ছা, চলুন।

রমাকে অনুসরণ করে অনিরুদ্ধ বেরিয়ে গেল।

চা-জলখাবার খেয়ে উঠে পড়ল অনিরুদ্ধ। মহেন্দ্রবাবুকে নমস্কার
করে বলল,—আচ্ছা মহেন্দ্রবাবু, আমি এবার চলি।

—আসুন।

অন্ধ দৈবতা

কর্মীদের দাবি শুনে মালিক কথা দিলেন যে, তিনি তদন্ত করবেন। তদন্তে যদি কর্মীদের দোষ না পাওয়া যায়, তবে তাকে পুনরায় কাজে নেওয়া হবে। ম্যানেজারের সম্বন্ধে সত' ছুঁটোর কোন উল্লেখ করলেন না মালিক। উপরন্তু, বললেন, কাজে কোন গাফিলতি বরদাস্ত করবেন না। ঠিকমত প্রোডাকসন তুলে না দিলে তিনি কর্মীদের কোন কথা শুনতে প্রস্তুত থাকবেন না বলে, শাসিয়ে গেলেন।

মালিক চলে গেলে, কর্মীরা হতবুদ্ধি হয়ে পড়ল। এখন তাদের কি করা উচিত তারা বুঝে উঠতে পারল না। ঠিক এই সময় খবর পেয়ে অনিরুদ্ধ মিলের কর্মীদের সাথে দেখা করে। অনিরুদ্ধকে পেয়ে তারা উৎসাহিত হয়ে উঠল। অনিরুদ্ধকে তারা তাদের নেতা বলে মেনে নিল। আর অনিরুদ্ধের সম্বন্ধে তাদের সবচেয়ে বেশী যে আশ্বাস দিল, সে পরাণ মণ্ডল। পরাণ মণ্ডলকেই বরখাস্ত করা হয়েছিল। পরাণ অনিরুদ্ধকে চিনল। অনিরুদ্ধও তাকে চিনতে পারল। পরাণ সবাইকে বলল, অনিরুদ্ধ তাদের গাঁয়ে গিয়ে কি ভাবে কষ্ট সহ্য করে সবাইকে সেবা করেছিল।

সমস্ত শুনে অনিরুদ্ধ বলল,—তোমরা মালিককে যা বলেছ, ঠিকই বলেছ। তোমাদের সত' মালিককে মেনে নিতেই হবে। লিখিতভাবে তোমাদের সত' মালিককে জানাতে হবে।

সব কর্মীদের দিয়ে সই করিয়ে মালিককে একখানা চিঠি পাঠান হল যে, তাদের সব সত' মেনে না নিলে তারা ধর্মঘট করবে। উত্তরের জন্তে মালিককে ছুঁদিনের সময় দেওয়া হল। মালিকের চিঠিখানা পিয়ন বইতে লিখে ম্যানেজারের সই নিয়ে, তাকেই দেওয়া হল।

চিঠির মর্মার্থ টেলিফোনে ম্যানেজার মালিককে জানাল। আরও জানাল যে, কলকাতা থেকে অনিরুদ্ধ চৌধুরী নামে একজন এসে লোকগুলোকে যুক্তি দিচ্ছে।

ম্যানেজার তার চর মারফৎ সব খবরই পাচ্ছিল।

অন্ধ দেবতা

পরে ম্যানেজারকে এ বিষয়ে নির্দেশ দেবেন বলে, ফোন ছেড়ে দিলেন অনাদিভূষণ ।

অনিরুদ্ধের নাম শুনে অনাদিভূষণের মুখ গস্তীর হয়ে উঠল । গিন্নীকে তিনি ডেকে পাঠালেন ।

গিন্নী ঘরে ঢুকতে, তাঁকে বললেন,—খোকা বাড়ীতে আছে ?

—বোধহয় আছে ।

—বৌমা কোথায় ?

—এতক্ষণ আমাকে গল্প পড়ে শোনাচ্ছিল । সত্যি, লেখাপড়া জানা মেয়ে হলে কি হয়, বৌমা আমার খুব ভাল । এক-খানা ইংরেজী বই থেকে কত সুন্দর সব গল্প বলে আমাকে শোনাচ্ছিল ।

—রামায়ণ-মহাভারত ছেড়ে, তুমি আজকাল বৌমার কাছে ইংরেজী নভেলের গল্প শুনছ ?

—নভেল না গো ! কি সুন্দর সব ধর্মের কথা । আমাদের বুদ্ধ, চৈতন্যের মত ওদের দেশেও ধার্মিকেরা কত যে সহ করেছে— সে সব কিছুই জানতাম না আমি ।

—তা, ভাল । কিন্তু বৌমার ভাইটি যে আমাদের পেছনে লেগেছে ।

—সে কি কথা গো ! সে তো তেমন ছেলে নয় ।

—আমাদের মিলে যে গোলমাল চলছে এইমাত্র ম্যানেজার ফোন করে জানাল, অনিরুদ্ধই নাকি লোকগুলোকে খেপাচ্ছে ।

—তা বাপু, তোমাদের ম্যানেজার লোকটি যে একেবারে নির্দোষ তা আমার বিশ্বাস হয় না ।

—সে কথা থাক । তার দোষ থাকলেও আমাকে এখন তা ঢেকে চলতে হবে । তা না হলে, ঐ লোকগুলোর কথামত ম্যানেজারকে সাজা দিলে, ভবিষ্যতে কোনদিন আর ঐ লোকগুলো দিয়ে কাজ পাওয়া যাবে না । তারা সব মাথায় চড়ে বসবে । কথায় কথায় নিত্য নূতন বায়না ধরবে ।

অন্ধ দেবতা

—তা বাপু, আমাকে ডেকেছ কেন? এ সব নিয়ে বৌমাকে কিছু বলা চলবেনা।

—না না, বৌমাকে বলবে কেন? তবে ভাইটিকে বৌমা যেন বুঝিয়ে বলে। আত্মীয়ের মধ্যে এরকম বিবাদ করা কি ভাল?

—কি জানি বাপু! আচ্ছা বলব বৌমাকে।

—আজ বিকেলেই বৌমা একবার ওবাড়ী থেকে ঘুরে আসতে পারে।

—আজই?

—হ্যাঁ। অনিরুদ্ধের পরামর্শে তারা আমাকে ছ'দিনের সময় দিয়ে চিঠি পাঠিয়েছে। অনিরুদ্ধ সরে দাঁড়ালে, সব গোলমাল আমি অনায়াসে মিটিয়ে দিতে পারব।

—অনিরুদ্ধকে তুমি ভয় কর?

—ভয় নয়। এ তুমি ঠিক বুঝবে না। এ হচ্ছে বুদ্ধির খেলা। অনিরুদ্ধ সরে না দাঁড়ালে, আমাকে অন্য মতলব করতে হবে। যাও, তুমি বৌমাকে বুঝিয়ে ওবাড়ী পাঠিয়ে দাও। খোকা সঙ্গে থাক। ওরা ফিরলেই, আমাকে জানাবে।

গিন্ধী কর্তার ঘর থেকে বেরিয়ে ছেলের ঘরের সামনে এসে ডাকলেন,—ও বৌমা, খোকা আছে?

ছেলে-বউ ঘরেই ছিল! প্রবীর বলল,—এস, মা।

সীতা বেরিয়ে যাচ্ছিল ঘর থেকে, গিন্ধী বললেন,—তুমি যেওনা বৌমা। খোকা, আমি এখন কি করি বলত?

—কি হয়েছে মা?

—কর্তা আমাকে এই মাত্র ডেকে বললেন,—আমাদের মিলে যে গোলমাল হচ্ছে, অনিরুদ্ধই নাকি তাদের পেছনে থেকে যুক্তি দিচ্ছে। অনিরুদ্ধের কি উচিত, আমাদের সাথে বিবাদ করা?

মায়ের কথা শুনে প্রবীর একবার সীতার মুখের দিকে তাকাল।

অন্ধ দেবতা

সীতা বলল,—আমি তো এর কিছু জানিনা মা।

—না বৌমা, তুমি আর কোথেকে জানবে। কতী শুনে দুঃখ করছিলেন। অনিরুদ্ধকে উনি স্নেহ করেন। বলছিলেন, বৌমা যেন অনিরুদ্ধকে বলে, এসবের মধ্যে থেকে তাকে সরে দাঁড়াতে।

—বাবা হয়ত দাদাকে ভুল বুঝেছেন। দাদা তো অন্ডায় কিছু করে না। আচ্ছা, আজ আমি দাদার সঙ্গে দেখা করে জেনে আসব, সত্যই কি ব্যাপার!

—তাই যেয়ো বৌমা। খোকা, বৌমাকে তুই নিয়ে যাস বিকেলে। শুনে পর্যন্ত আমার কেমন ভয় ভয় করছে।

গিন্নী বেরিয়ে গেলেন।

—তোমার কি মনে হয়, দাদা অনর্থক গোলমাল সৃষ্টি করেছে?

—দেখ সীতা, আমি রাজনীতি বুঝিনা। আর মিল চালানো, সেও আমার কর্ম নয়! তবে ব্যাপারটা যা গড়িয়েছে, বড় গোলমালে ঠেকেছে। চল তো বিকেলে, সত্যি ব্যাপারটা দাদার কাছে জেনে নেওয়া যাবে।

প্রবীর আর সীতা যখন এল, অনিরুদ্ধ বাড়ী ছিল না। কমলা সাদরে মেয়ে-জামাইকে অভ্যর্থনা করল।

সীতা জিজ্ঞাসা করল,—দাদা কখন ফিরবে ছোটমা? কোথায় গেছে জান?

—সব কথা তো আমাকে বলে না ভাই। তবে বলে গেছে, আজ তাড়াতাড়ি ফিরবে। কাল ফিরতে অনেক রাত হয়েছিল। আজ তাই তাড়াতাড়ি ফিরতে বলেছি।

—কাল রাত হল কেন?

—বেলঘরিয়া থেকে ফেরবার পথে এক মোটর অ্যাকসিডেন্টে জড়িয়ে পড়েছিল। একটি ছোট ছেলে মোটর চাপা পড়েছিল। তাকে হাসপাতালে দিয়ে, রমাকে বাড়ী পৌঁছিয়ে দিয়ে তবে ফিরেছিল।

অন্ধ দেবতা

অনিরুদ্ধ তোয়ালে আর একখানা কাপড় নিয়ে বেরিয়ে গেল ।

সীতা বলল,—দাদা বুঝি না খেয়েই গিয়েছিল ছোটমা ?

—রোজই তো প্রায় এমনি চলেছে ।

প্রবীর বলল,—ছিঃ, ছিঃ, আগে জানলে, ওঁর সঙ্গে পরে কথা বলতাম ।

বাস্পকঙ্ককণ্ঠে সীতা বলল,—পরের জন্মে এমনি করেই দাদা জীবনটা দেবে ।

কমলা বলল,—তোমরা চল প্রবীর ।

প্রবীর বলল,—উনি অম্মুন ।

—সীতা তুই তবে অনিরুদ্ধ আব প্রবীরকে নিয়ে আয় । আমি ওদিকে দেখি ।

কমলা চলে গেল ।

সীতা বলল,—তোমরা শুধু নিজের স্বার্থই দেখছ । আর দাদা কোন স্বার্থে সর্বত্যাগী, সন্ন্যাসী হয়ে পরের জন্মে নিজেকে বিলিয়ে দিচ্ছে ?

—ওঁর সঙ্গে আমার তুলনা কবে, আমাকে শুধু লজ্জা দিচ্ছে সীতা ।

তোয়ালে দিয়ে মাথা মুছতে মুছতে অনিরুদ্ধ ঘরে ঢুকে বলল,—তোরা আমার জন্মে অপেক্ষা করছিস নাকি ?

অনিরুদ্ধের কথায় উত্তর দিলনা কেউ ।

খায়নার সমানে দাঁড়িয়ে মাথার চিকনি চালাতে চালাতে অনিরুদ্ধ বলল,—আচ্ছা সীতা, ছোটমার কি এটা অশ্রায় নয় ? আমি কখন ফিরি না ফিরি ঠিক নেই, ছোটমা কেন না খেয়ে বসে থাকেন ? আমি কতদিন ওঁকে খেয়ে নেবার জন্মে বলেছি, কিন্তু আমার কথা উনি শোনেন না ।

—তুমি যদি জান দাদা যে, তুমি না খেলে ছোটমা খায়না, তাড়াতাড়ি বাড়ী ফিরলেই তো পার ।

সব বেবকা

স্বামীয়ের মা ঘরে ঢুকতে ঢুকতে বললেন,—সে কি বাবা, এর মধ্যেই যাবে কি ! চল, বোমা তোমার খাবার নিয়ে বসে আছে ।

—চলুন, সীতার সঙ্গে দেখা করে যাই ।

গিল্লীর সঙ্গে অনিরুদ্ধ বেরিয়ে গেল ।

মালিক যে তাকে ডেকে পাঠিয়েছিলেন আর তাদেব সত' মেনে নিয়েছেন, সবাইকে জানাল অনিরুদ্ধ । কর্মীরা কথা দিল, তারাও কোম্পানীর কাজ উঠিয়ে দেবে ।

অনিরুদ্ধ বলল,—আজ ম্যানেজার কাজে আসেনি । এ থেকেই বুঝতে পারছ তোমরা, মালিক তাঁর কথা বেখেছেন ।

একজন প্রশ্ন করল,—নূতন ম্যানেজার কে হবে ?

অনিরুদ্ধ বলল,—তা জানিনা । মালিক ঠিক করবেন । তা নিয়ে আমাদের মাথা ব্যথাও নেই । কাল থেকে যাতে পরাগের ব্যাপারে তদন্ত শুরু হয়, আমি মালিককে তা জানাব । তোমরা এখন সব কাজে যাও ।

সবাই চলে গেল । একমাত্র পরাগ মগল বসে রইল ।

অনিরুদ্ধ বলল,—পরাগ এ ক'দিন তোমার কথা কিছুই শোনবার সময় পাইনি । তোমাকে যে এখানে এভাবে আবার দেখব, ভাবিনি । আমি তো প্রথমে আশ্চর্যই হয়ে গিয়েছিলাম ।

—জগতে কত আশ্চর্য ঘটনাই তো ঘটে দাদাবাবু !

—প্রসাদী ভাল আছে তো ?

অবাক হয়ে অনিরুদ্ধের দিকে তাকাল পরাগ ।

অনিরুদ্ধ বলল,—নায়েব মশায়ের সঙ্গে কলকাতায় আমার একবার দেখা হয়েছিল । উনি তো প্রায়ই কলকাতায় আসেন । তোমার আর প্রসাদীর কলকাতায় আসার কথা তাঁর মুখেই আমি শুনেছি ।

—হ্যাঁ, শুনিছেন ঠিকই । তবু প্রসাদী আমার কাছে নাই ।

অব কেষতা

—কেন ? সে তবে কোথায় ?

—তা কি করে জানব দাদাবাবু ! শিয়ালদহ ষ্টেশনে পেসাদীকে রাখা ঘর খুঁজতি গিছিল্যাম । রাস্তায় রাস্তায় সারাদিন ধর্যা ঘর খুঁজ্যা ফিরে আসতিছিল্যাম । হঠাৎ শুনল্যাম ‘চোর’ ‘চোর’ শব্দ— একটা গোলুমাল । লোক ছুটতিছিল । আমি দাঁড়াল্যাম । শেষে একটা লোক আমাকই ধর্যা বলল,—এই ব্যাটা চোর । আমি তো অবাক । সঙ্গে সঙ্গে আমার চারিদিক ভিড় জমে গেল । একটা লোক চড় মারল আমাক । শুধ্যা শুধ্যা মার খ্যায়া রক্ত গরম হয়্যা উঠল আমার । আমিও এক কিল উঠ্যলাম । পার্হারাওয়ালা আস্যা আমার হাত চাপ্যা ধরল । তারপর আমাক থানায় নিয়্যা চলল । সে রাত থানায় রাখ্যা, দারোগা আমাক ছাড়্যা দিল । দারোগা বিশ্বাস করিছিল, আমি চোর না । পরদিন শিয়ালদহ ষ্টেশনে ফির্যা দেখল্যাম, পেসাদি নাই । নাই তো নাই । তারপর কত যে খুঁজিচি, তা আর কি কব দাদাবাবু !

একটু চুপ করে থেকে পরাণ বলল,—পেসাদিকে নিয়্যা ঘর বাঁধব, কত আশা নিয়্যা কলকাতায় আইছিল্যাম । পেসাদি আমার বিয়ে করা বউ—কিন্তুক তাক নিয়্যা ঘর বাঁধা আর আমার হলনা । পেসাদিকে ভালবাস্যা সারা জীবনটা শুধু ছুঃখই পাল্যাম দাদাবাবু !

অনিরুদ্ধ বলল,—পেসাদীও হয়ত কোথায়ও কত ছুঃখে দিন কাটাচ্ছে, কে জানে !

দীর্ঘনিশ্বাস ছেড়ে পরাণ বলল,—কি জানি ! যদি জানত্যাম সে সুখে আছে, তবুও খানিক শান্তি পাত্যাম ।

অনিরুদ্ধ বলল,—আমি কালকেই কাগজে বিজ্ঞাপন দেব । সব রকম চেষ্টা করে দেখব, পেসাদীকে খুঁজে পাওয়া যায় কিনা ।

—পেসাদি বড় ভাল মিয়ে দাদাবাবু । আপনি তো তাক জানেন শুধ্যা বুড়া মোড়ল বাধা না দিলি, সে এতদিন আমার ঘর আলো কর্যা থাকত । আর আমিও এমন লক্ষ্মীছাড়া হয়্যা বেড়াতাম না ।

অবহেলা

—আমি মোড়লের কাছে সব শুনেছি পরাগ। তুমি যদি নায়েবের দলে না ভিজতে, তবে মোড়ল তোমার ওপর রাগ করত না।

—সে অনেক কথা দাদাবাবু। ঐ পেসাদিকে ঘরে আনবার জন্যই আমি চুরি কর্যা জেলে গিছিল্যাম। জেল থিক্যা ফির্যা দেখল্যাম, ঘোয়ায় মা আত্মহত্যা করিছে। সগলে আমাক একঘরে করিছে। বুড়্যা মোড়লও অপমান কর্যা ভাড়ায়ে দিল। আমি তো আশ্রয়ের জন্তে মোড়লের কাছেই গিছিল্যাম। সে যদি আমাক ভাড়ায়ে না দিত, তবে কি নাড়ি মশায়ের কাছে আমি যাত্যাম ?

—তুমি মন ধারাপ করোনা পরাগ। প্রসাদীর খোঁজ করবার সব রকম চেষ্টা আমি করব। আচ্ছা, আজ যাই!

—চলেন, ষ্টেশনে আগায়ে দিয়ে আসি আপনাক।

—না, না, তুমি আর অতদূরে কষ্ট করে কেন যাবে ?

অনিরুদ্ধের সাথে গল্প করতে করতে পরাগ কিছুদূর পর্যন্ত তার সঙ্গে এল।

অনিরুদ্ধ বলল,—এবার তুমি ফিরে যাও পরাগ। অনেকটা তুমি এসে পড়েছে।

—আপনি কাল আসবেন ?

—হ্যাঁ। কাল আসব।

পরাগ ফিরল। অনিরুদ্ধ এগিয়ে চলল।

সন্ধ্যা না হলেও সূর্য তখন ডুবে গেছে। রাস্তার ছ'পাশে ঝোপ জঙ্গল। অনিরুদ্ধ ট্রেন ধরবার জন্তে বেশ জোরেই হেঁটে আসছিল। হঠাৎ একটি লোক ঝোপ থেকে বেরিয়ে পেছন থেকে অনিরুদ্ধের মাথায় লাঠি মারল। একটা কাতর শব্দ করে মাটিতে পড়ে গেল অনিরুদ্ধ।

পরাগ তখনও বেশীদূর যাবনি। অনিরুদ্ধের কাতর শব্দ সে শুনতে পেল। পরাগ ভাড়াভাড়া দৌড়িয়ে এল। দূর থেকে দেখল,

অন্য দৃশ্য

বললেন,—তা, কিছু করতে হবেনা। যা করবার পুলিশ এসে করুক।
মিলের সমস্ত গেটগুলো বন্ধ করে দিয়ে বসে থাক।

টেলিফোন ছেড়ে দিয়ে স্ত্রীকে বললেন,—লোকগুলো সব ক্ষেপে
গিয়েছে। মিল আক্রমণ করেছে।

—অনিরুদ্ধের খবর কিছু জানতে পারলে?

—ম্যানেজার তো তার কোয়ার্টার থেকে বেরুতে পারছেন।
খবর সে কিছু আর জানেনা।

—একি হল? বৌমাকে আমি কি করে বলব!

গিন্নী চোখে আঁচল-চাপা দিয়ে ঘর থেকে বেরিয়ে গেলেন।

—শোন, শোন—বৌমাকে এখন কিছু বলনা।

স্ত্রীর পেছনে পেছনে এগিয়ে গেলেন অনাদি ভূষণ। কিন্তু দরজার
সামনে গিয়ে দাঁড়িয়ে পড়লেন। সীতা বারান্দা দিয়ে এদিকেই এগিয়ে
আসছে।

সীতা স্বশুরকে জিজ্ঞাসা করল,—মা কঁাদতে কঁাদতে চলে
গেলেন। আপনি আমাকে কি বলতে নিষেধ করছিলেন বাবা?
কি হয়েছে, আমাকে বলুন।

—তুমি যখন শুনেই ফেলেছ বৌমা, তোমাকে বলব। তবে সব
কিছু আমিও জানিনা। এইমাত্র ম্যানেজার টেলিফোনে জানাল,
অনিরুদ্ধকে কে যেন মাথায় লাঠি মেরেছে। ওখানে খুব গোলমাল
হচ্ছে।

এইটুকু শুনেই সীতা বলল,—আমি যাচ্ছি বাবা।

—কোথায়, কোথায় যাচ্ছ তুমি?

—মিলে দাদার কাছে।

বারান্দা দিয়ে এগিয়ে যেতে লাগল সীতা।

—সে কি করে হয়, আমি পুলিশে ফোন করে দিয়েছি। তারা
সব ব্যবস্থা করছে।

—আমাকে যেতেই হবে বাবা।

অন্য সেক্ষতা

অনাদিভুতপের উত্তরে অপেক্ষা না করে, সিঁড়ি দিয়ে নীচে নেমে যেতে লাগল সীতা।

—বৌমা!

সীতা ফিরল না। রাস্তায় নেমে একটি ট্যাক্সিতে চড়ে বসল সে। ড্রাইভারকে বলল,—খুব জোরে চালাও, সর্দারজি। বখশিস পাবে। বেলঘরিয়া চল।

সীতা চলে যাবার কিছু পরেই প্রবীর ফিরল বাড়ীতে।

মায়ের মুখে সমস্ত শুনে প্রবীর বলল,—আমিও যাচ্ছি মা।

—কর্তার সঙ্গে একবার দেখা করে যা খোকা।

—না মা, এখন আর দেরি করবার সময় নেই। বাবাকে তুমি বলো।

প্রবীর গাড়ী নিয়ে বেরিয়ে পড়ল।

ছত্রিশ

অনিরুদ্ধকে একজনের বাড়ীতে নিয়ে আসা হয়েছ। স্থানাটিতে লোকে লোকারণ্য। স্থানীয় একজন ডাক্তার অনিরুদ্ধের চিকিৎসা করছে। অনিরুদ্ধ তখনও সংজ্ঞাহীন।

লোকের মুখে শুনে শুনে সীতা এসে উপস্থিত হল সেখানে। সীতা নিজেকে অনিরুদ্ধের বোন বলে পরিচয় দিতে, সকলে তার পথ ছেড়ে দাঁড়াল।

অনিরুদ্ধের কাছে গিয়ে পাষণমূর্তির মত সীতা তার দিকে তাকিয়ে থাকল। এত আঘাত সে পেয়েছে যে, কাঁদতেও পারছেননা। সীতার অবস্থা বুঝতে পেরে ডাক্তার বলল,—আপনি কিছু ভাববেন না, অনিরুদ্ধবাবু সুস্থ হয়ে উঠবেন।

ডাক্তারের কথা যেন সীতা শুনতেও পেলনা। আন্তে আন্তে বসে পড়ল সে অনিরুদ্ধের পাশে।

অষ্ট শ্লোক

ইতিমধ্যে প্রবীরও গিয়ে উপস্থিত হল সেখানে । প্রবীরকে দেখে ডাক্তার প্রশ্ন করল,—আপনি ?

সীতাকে দেখিয়ে প্রবীর বলল,—আমি ঔর স্বামী ।

—ভাল হয়েছে । উনি বড় মানসিক আঘাত পেয়েছেন ।

আপনি ঔকে একটু দেখুন ।

প্রবীর সীতার কাছে গিয়ে ডাকল,—সীতা !

সীতা প্রবীরের দিকে তাকাল । তারপর ‘আমার দাদাকে মেরে ফেলেছে’ বলে ছুহাতে মুখ ঢেকে ডুকরে কেঁদে উঠল ।

প্রবীর তাকে ধরে বলল,—শান্ত হও সীতা, শান্ত হও ।

ডাক্তার বলল,—ঔকে কাঁদতে দিন ।

প্রবীর ডাক্তারকে বলল,—দাদা কি—

—না, মশায় না । ভয় নেই । তবে জ্ঞান ঔর ফেরেনি ।

—কলকাতায় নিয়ে যাওয়া যাবে ?

—নিয়ে যেতে পারলে, ভাল হয় । তবে রাস্তায় ঝাঁকি না লাগে ।

—আমার বড় গাড়ী আছে । আপনারা দয়া করে ঔকে তুলে দিন । সীতা, দাদাকে নিয়ে আমরা চল কলকাতায় যাই ।

কয়েকজন ধরাধরি করে অনিরুদ্ধকে গাড়ীতে উঠিয়ে দিল । অনিরুদ্ধের মাথা কোলে করে গাড়ীতে বসল সীতা ।

ডাক্তারকে প্রবীর বলল,—দেখুন, আপনি যদি সঙ্গে যেতে পারেন, ভাল হয় । পথে কোনরকম বিপদ হতে পারে তো !

ডাক্তার বলল,—বেশ, চলুন ।

ডাক্তার উপস্থিত একজনকে ডেকে বলল,—আমার বাড়ীতে খবরটা দিও, আমি কলকাতা যাচ্ছি এঁদের সঙ্গে ।

পরান বলল,—আমিও যাব ডাক্তারবাবু ।

প্রবীর বলল,—বেশ তো, চল ।

অন্য একজন পরানকে বলল,—তুমি থাক পরান । গুণ্ডা ব্যাটা

অন্ধ হেবতা

ধরা পড়েছে। তাকে তো থানায় নিয়ে গেছে। তুমিই তাকে ধরছে, তোমাকে থানায় ডাকতে পারে।

ডাক্তার চলল,—তবে তুমি থাক পরাগ। আমি তো সঙ্গে যাচ্ছি, ভয় কি ?

পরাগ আর গেলনা তাদের সাথে। অনিরুদ্ধকে নিয়ে তারা রওনা হল।

সাঁইত্রিশ

হঠাৎ ননী লাহিড়ীর সঙ্গে প্রসাদীর দেখা হয়ে গেল।

ছপুর বেলা হোটেল থেকে ভাত নিয়ে বাসায় ফিরছিল প্রসাদী। রাস্তার ধারে পানের দোকানে পান কিনছিল নায়েব মশাই। নায়েবই আগে প্রসাদীকে দেখেছে। তাড়াতাড়ি পানের খিলি নিয়ে, প্রসাদীর পিছু নিল সে। প্রসাদী ততক্ষণে গলির মধ্যে ঢুকে পড়েছে।

প্রসাদীর কাছাকাছি এসে নায়েব বলল,—পেসাদি না !

থমকে দাঁড়াল প্রসাদী। পেছন ফিরে নায়েবকে দেখে বলল,—
ও, আপনি। আপনিও তাহলে পালিয়েছেন ?

—তা কি করব কও। তোমরা সব ভাল আছ তো ?

—আছি একরকম।

প্রসাদী চলতে শুরু করল।

নায়েব তার সাথে চলতে চলতে বলল,—তোমার বাসা বুঝি
কাছেই ?

—হ্যাঁ।

—বেশ হল। এ্যাদিন পর তবুও একজন চেনা মানুষের দেখা
পাওয়া গেল। চল, তোমার বাসা দেখে যাই।

প্রসাদী ততক্ষণে প্রায় তার বাসার সামনে এসে পড়েছে।
নায়েবের এ কথার পর তাকে আর 'না' করতে পারে না সে।

অন্ধ ভেবতা

চোখ কুটেছে যে! তার এখন অভাব কি? উপকারী পুরোনো বন্ধুকে তাদের এখন আর দরকার নেই। নিত্য নূতন বন্ধু জুটেছে। ব্যবসা ভালই চলছে।

প্রসাদী এ প্রশ্নে নায়েবকে আর কিছু জিজ্ঞাসা করল না। নায়েবও কথা পরিবর্তন করে বলল,—তাহলে এখন তুমি একলাই আছ। কর কি?

—ঝি-গিরি।

—ঈশান মণ্ডলের নাতনী ঝি-গিরি করে, একথা যে ভাবাও যায় না পেসাদি!

প্রসাদী কোন উত্তর দিল না।

নায়েব বলল,—কেন, অনিরুদ্ধবাবু একটা ব্যবস্থা করে দিতে পারল না তোমার?

—রাজাদাদাবাবুর দেখা পেলে, নিশ্চয়ই একটা সুব্যবস্থা হত। কিন্তু তাঁর দেখা পাব কোথায়?

—কেন, তার ঠিকানা জাননা তুমি?

—না।

—ও হরি! আমাদের জমিদারের মেয়ের সঙ্গে অনিরুদ্ধবাবুর যে খুব ভাব।

—আপনার সঙ্গে রাজাদাদাবাবুর দেখা হয়?

—হ্যাঁ, সেবার কলকাতায় এসে দেখা হয়েছিল। জমিদারের মেয়ের সঙ্গে সব-সময়ই ঘোরে কিনা? ও-সব বড়লোকের ঘরের কথা কি আর বলব?

—তাঁর ঠিকানা জানেন?

—দেখা করবে নাকি অনিরুদ্ধবাবুর সঙ্গে? এতদিনে তোমার কথা কি আর তার মনে আছে? এখন কোন সুবিধে হবে বলে তো মনে হয় না পেসাদি। জমিদারের মেয়ে পথ আগলে আছে। জমিদারের মেয়ের সঙ্গে, বুঝলে কিনা, খুব ইয়ে—।

অন্ধ বেবতা

—ছিঃ নায়েব মশায়, ওকি কথা আপনার। জমিদার আপনার মনিব। তাঁর মেয়ের সম্বন্ধে ওভাবে কথা বলা কি আপনার উচিত ?

—ও-সব উচিত অনুচিত জানি না, চোখে ভাল না ঠেকলে সবাই বলবে। তা দেখা করতে চাও, জমিদারের মেয়ের কাছে তোমাকে নিয়ে যাব। অনিরুদ্ধবাবুর ঠিক-ঠিকানা তার কাছেই সব জানতে পারবে। তবে আবার বলছি, সুবিধে হবে না তোমার।

—আমার কোন সুবিধের কথা আমি আর ভাবিনে নায়েব মশাই। জলজ্যান্ত মানুষটা একেবারে নিখোঁজ হয়ে গেল, তাই সাদাদাদাবাবুকে বলে যদি কোন খোঁজ করতে পারি।

—সত্যিই পরানের কথা শুনে মনটা কেমন হয়ে গেল। খোঁজ তো করাই উচিত। আচ্ছা, জমিদারের মেয়ের কাছে তোমাকে নিয়ে যাব। কবে যাবে ?

—কালই যাব।

—আচ্ছা, তাই আসব। এখন উঠি।

..

নায়েব মশায় যখন চলে গেল, বেলা আর নেই। প্রসাদী ভাত খেতে বসল। জমিদার-কচার নামের সাথে অনিরুদ্ধের নাম জড়িয়ে নায়েব মশায় যে, ইঙ্গিত করে গেল, প্রসাদীর মনে সেই কথাই বার বার আলোড়িত হতে লাগল। অনিরুদ্ধের ওপর পুঞ্জীভূত অভিমানে তার ছ'চোখে ছেপে জল এল। অনিরুদ্ধকে ভালবেসে,—তার ভরসাতেই সব ছেড়ে সে কলকাতায় এসেছিল। আশা করেছিল, দেখা হবে তার সঙ্গে, অনিরুদ্ধের আশে-পাশে সে থাকতে পারবে। এর বেশী সে কিছু প্রত্যাশা করেনি। কিন্তু অনিরুদ্ধের সঙ্গে তার দেখা হয়নি। কলকাতায় এসে, নানা বিপদ ছঃখ-কষ্টের সঙ্গে অহরহ যুদ্ধ করেছে প্রসাদী। মন হতাশায় ভরে উঠেছে। তবুও ক্ষীণ আশা তার অন্তরের অন্তঃস্থলে জাগরুক ছিল

অনুভব

যে, হয়ত একদিন অনিরুদ্ধের সাথে তার দেখা হবে। কিন্তু কি করে তা সে জানে না। শুধু আশা।

নায়েবের মুখে আজ অনিরুদ্ধের খবর শুনে তার মনে হল, এতদিন শুধুই মরীচিকার পেছনে সে ছুটেছে।

আবার সঙ্গে সঙ্গে তার মনের এ ভাব কেটে গেল। নিজের মনকে বোঝান, প্রতিদানের কোন প্রত্যাশা না রেখেই তো সে ভালবেসেছে। তবে তার মনে কেন এই দুঃখ? নিজের অন্তরের তাগিদে সে ভালবেসেছে। ভালবেসে ভালবাসা পাবে এ আকাঙ্ক্ষা সে করে কেন? অনিরুদ্ধ আর তার মধ্যে যে আকাশ-পাতাল তফাৎ! আকাশের চাঁদকে ভালবেসে তাকে ধরতে যাওয়া তো নিছক বোকামি। চাঁদের মিলন তো তারার সঙ্গেই স্বাভাবিক।

তবুও অনিরুদ্ধকে একবার দেখবার লোভ সে সংবরণ করতে পারে না। শুধু একবার তাকে দেখে আসবে। পরাগের খোঁজ নেবার কথা বলবে তাকে।

অনিরুদ্ধকে সে ভালবেসেছে, তাই বলে তাকে বিব্রত করবে না সে কোনদিন। দূর থেকে তাকে সে পূজা করবে। মনে-প্রাণে তার পায়ে সে উৎসর্গীকৃত। অনিরুদ্ধ সুখী হলেই সে সুখী। তাঁর কোন সামান্যতম প্রয়োজনেও যদি কোনদিন প্রসাদী নিজেকে লাগাতে পারে, নিজেকে ধন্য মনে করবে সে। অনিরুদ্ধকে অদেয়ও কিছু নেই তার। নৈবেদ্যের খালা সাজিয়ে সারা জীবন ধরে সে শুধু পূজা জানিয়ে যাবে।

অন্তরে অন্তরে যে ব্যাথাটা গুমরিয়ে উঠছিল, তা আর এখন নেই। নিজের মনের সঙ্গে বোঝা-পড়া করে প্রসাদী মুক্তি খুঁজে পেল। তার মনটা হালকা হয়ে গেল।

কথা দিয়ে নায়েব তার পরদিন সকাল বেলাতেই এসে হাজির হল।

অন্ধ দেয়তা

বেলঘরিয়ার ডাক্তার বাবুটি সে রাতে থেকে গেল অনিরুদ্ধের বাড়ীতে ।

সে রাতে কারোরই আর খাওয়া-দাওয়া হল না । সীতা আর কমলা তো এক মুহূর্তের জন্যে অনিরুদ্ধের কাছ থেকে নড়েনি । সমস্ত রাত্রির মধ্যে অনিরুদ্ধের জ্ঞান ফিরল না । অনিরুদ্ধের পারিবারিক ডাক্তার, ডাক্তার বোসও সব সময় উপস্থিত ছিল ।

প্রবীর বেলঘরিয়ার ডাক্তার বাবুটিকে বাইরের থেকে খাবার আনিয়ে রাতে খাইয়েছিল । সকাল বেলা সীতাকে ডেকে প্রবীর বলল,—কাল রাতে তোমাদের কারো খাওয়া হয়নি । আমি বরং আমাদের রান্নার বায়ুনটিকে নিয়ে আসি এখানে, কি বল ?

—না । তুমি বাড়ী গিয়ে খেয়ে এসো ।

—তোমরা ?

—সে জন্যে ব্যস্ত হয়ো না ।

—বাবাকে কাল টেলিফোন করে দাদার খবর জানিয়েছি । উনি তো মাকে নিয়ে কালই আসতে চেয়েছিলেন । আমিই বারণ করলাম । উনি খুব উদ্বিগ্ন হয়ে পড়েছেন ।

প্রবীরের কথা শেষ হলে সীতা বলল,—দেখ, একটা কথা আমাকে সত্যি বলবে ?

—তোমাকে সত্যি বলতে পারব না, এমন কোন কথা তো আমার নেই সীতা ।

একটু চুপ করে থেকে সীতা বলল,—তুমি কি এই ষড়যন্ত্রের কথা কিছুই জানতে না ?

—তুমি কি আমার সন্দেহ করছ সীতা ?

—না । তবে আমার মন বড় দুর্বল হয়ে পড়েছে ।

—যে গুণ্ণাটি দাদাকে মেরেছে, সে ধরা পড়েছে । কে যে সত্যিকারের দোষী, সেও ধরা পড়বে সন্দেহ নেই ।

প্রবীরের কথা শুনে হাসল সীতা । বলল,—প্রকৃত দোষী ধরা

কবিতা

অনিরুদ্ধকে কিছুক্ষণ দেখে পরাণ ডাক্তারকে বলল,—দাদা-
বাবুকে যেমন করে হ'ক বাঁচান ডাক্তারবাঁ ।

—চেপ্টা তো করছি ।

বিভাসকে বলল পরাণ,—জানেন বাবু, গুণটি কবুল করেছে ।
মিলের মালিক নাকি তাকে টাকা দিয়ে দাদাবাবুকে মারবার
জন্তো লাগিয়েছিল ।

পরানের কথা শেষ হতেই, ঘরের দরজার কাছে কিছু একটা
পতনের শব্দে সবাই ঘাড় ফিরিয়ে দেখল, সীতা দরজার কাছে বসে
পড়েছে । সীতা যে কখন পেছনে এসে দাঁড়িয়েছে, কেউ জানতে
পারেনি ।

ডাক্তার বোস তাড়াতাড়ি সীতার কাছে এগিয়ে এল ।

সীতা বলল,—ব্যস্ত হবেন না, ডাক্তার বোস । আমি ঠিক আছি ।

আস্তে আস্তে উঠে চলে গেল সীতা ।

গম্ভীর ভাবে ডাক্তার বোস বলল,—আপনারা সবাই যদি
রোগীর ঘর থেকে বাইরে যান, তবে ভাল হয় ।

বিভাস বলল,—চল পরাণ, আমরা নীচের ঘরে যাই ।

পরাণ জানেনা, মিলের মালিকের সঙ্গে অনিরুদ্ধের কি সম্পর্ক ।

অনিরুদ্ধের বন্ধুরা সবাই নীচের ঘরে গিয়ে বসল ।

প্রবীর বামুন ঠাকুরকে নিয়ে ফিরে এল ।

একলা ঘরে বিছানায় উপুর হয়ে পড়ে কাঁদছিল সীতা । কমলা
তাকে কাঁদতে দেখে গেছে । ডাকেনি তাকে ।

প্রবীরকে কমলা বলল,—তুমি একবার সীতার কাছে যাও । সে
বড় কাঁদছে ।

প্রবীর ঘরে ঢুকে সীতাকে একইভাবে কাঁদতে দেখল । সীতার
পিঠে হাত রেখে প্রবীর ডাকল,—সীতা ।

উঠে বসল সীতা ।

অন্ধ বৈরাগ্য

বলল,—আর সন্দেহ নয়। সব সত্যি। তোমার বাবাই দাদাকে মারবার জন্তে গুণ্ডা লাগিয়েছিলেন। মিল থেকে একজন লোক এসেছে, তার কাছে গিয়ে শুনে এস।

প্রবীরের মুখ ফ্যাকাশে হয়ে গেল। প্রবীর বলল,—আচ্ছা, আমি নিজে গিয়েই সব শুনছি। আর সত্যিই যদি বাবা একাজ করে থাকেন, আমিও ও বাড়ীতে ফিরে যাব না।

প্রবীর ঘর থেকে বেড়িয়ে গেল।

অনিরুদ্ধের ঘরে ঢুকে প্রবীর দেখল, কমলা অনিরুদ্ধের মাথার কাছে বসে আছে। আর ঘরে রয়েছে ডাক্তার বোস।

প্রবীর বলল,—ডাক্তারবাবু, এখনও কি একই অবস্থা।

ডাক্তার বোস বলল,—ডাক্তারের রায়েৰ নির্দেশ মত আমি এখন একটি ইনজেকসান দিলাম। আশা করছি, ঘণ্টাখানেকের মধ্যে জ্ঞান ফিরে আসবে। আর যদি জ্ঞান না ফেরে—

—বুঝছি ডাক্তার বোস।

প্রবীর আর কিছু না বলে চলে গেল ঘর থেকে।

নীচের ঘরে পরাগকে নিয়ে সবাই বসে আলোচনা করছিল। প্রবীর ঘরে ঢুকল। পরাগকে দেখে প্রবীর বলল,—তুমিই ত মিল থেকে আসছ ?

—হ্যাঁ, বাবু।

—দাদাকে কে মেরেছে, তুমি জান ?

পরাগ চুপ করে থাকল। বিভাস বলল,—উনি যখন জিজ্ঞাসা করছেন, তুমি বল পরাগ।

ঠিক সেই মুহূর্তে রমা আর প্রসাদী এসে সেখানে উপস্থিত হল।

সবাইকে সেখানে দেখে রমা বলল,—কি ব্যাপার, আপনারা যে সবাই এসেছেন দেখছি ?

বিভাস বলল,—কেন, আপনি কিছু শোনেন নি ?

—কি হয়েছে, বলুন তো ?

অন্য লেখক

—অনিরুদ্ধকে কাল বিকেলে বেগঘরিয়াতে গুণ্ডায় লাঠি মেরে সাংঘাতিক জখম করেছে। কাল থেকে অনিরুদ্ধের জ্ঞান ফেরেনি।

—সে কি!

—যান, ওপরে রয়েছে অনিরুদ্ধ।

রমা তাড়াতাড়ি ওপরে উঠে গেল। প্রসাদীও গেল তার পেছনে পেছনে।

প্রসাদীকে দেখে পরাণ আশ্চর্য হয়ে গিয়েছে। পরাণকে দেখতে পায়নি প্রসাদী। এতগুলো লোক দেখে, কারোর দিকেই সে তাকায়নি।

রমা আর প্রসাদী অনিরুদ্ধের ঘরে গিয়ে ঢুকল।

অনিরুদ্ধের মাথার কাছে তখনও কমলা বসে ছিল।

রমা বলল,—আমি তো কিছুই জানতে পারিনি। এমন যে ঘটতে পারে, ভাবতেও পারিনি।

কমলা বলল,—চল, ওঘরে গিয়ে বসি।

পাশের ঘরে তাদের নিয়ে এসে কমলা বলল,—বস তোমরা।

রমা বসল। প্রসাদী বসতে ইতস্ততঃ করছিল। রমা তার হাত ধরে বসাল।

কমলা বলল,—একে তো চিনতে পারছি না।

রমা বলল,—আমাদের গাঁয়ের মেয়ে। ঈশান মণ্ডলের নাতনী, প্রসাদী। গাঁয়ে গিয়ে অনিরুদ্ধবাবুরা এদের বাড়ীতেই ছিলেন। অনিরুদ্ধবাবুর সঙ্গে ও দেখা করতে এসেছে।

এতক্ষণ কোন কথাই বলেনি প্রসাদী। এখন সে মুখে কাপড় গুঁজে ফুঁপিয়ে কেঁদে উঠল।

কমলা তাকে সাহুনা দিয়ে বলল,—কঁাদছ কেন প্রসাদী? কঁাদতে নেই।

প্রসাদীর গায়ে-মাথায় হাত বুলিয়ে দিতে লাগল কমলা।

অন্ধ' দেখতা

চৌধুরীর গল্পের কথা মনে পড়ে গেল। রামদীনকে সে নিজে
বহুবার মিঃ কনক চৌধুরীর বাড়ীতে দেখেছে।

হাসপাতালের সেদিনের সে ঘটনার পর থেকে কনক চৌধুরী
রমার সঙ্গে আর সাক্ষাৎ করেনি, বা তাদের বাড়ীতেও আসেনি।
মিঃ চৌধুরী যে খুবই চটেছে তাতে সন্দেহ নেই। পরাণের মুখে
রামদীনের কথা শুনে রমার মনে মিঃ চৌধুরী সম্বন্ধে নানা সন্দেহের
টেউ খেলে গেল। রামদীনকে দেখবার জন্যে তাই সে বাগ্ন হয়ে
উঠেছিল।

রমাকে দেখতে পেয়ে রামদীন উল্লসিত হয়ে বলে উঠল,—
দিদিমণি আপনি ?

—হ্যাঁ।

—সাহেব আসেননি ?

—সাহেব আমাকেই পাঠিয়ে দিলেন।

রামদীন এদিক ওদিক দেখল। না, কেউ নেই। তারপব
রমাকে বলল,—সাহেবকে বলবেন দিদিমণি, রামদীন বেইমান নয়।
সাহেবের নাম কেউ জানতেও পারবে না আমার কাছ থেকে।

—তুমি ধরা পড়লে কি করে রামদীন ?

—নসিব দিদিমণি, নসিব ! এই খোড়া পা বেইমানি করল, না
হলে আমাকে ধরতে পারত না কেউ।

—তুমি মিলের মালিকের নাম করলে কেন ?

—আমি ধরা পড়বার পর বাল্যাম এখানকার মিলের মালিকের
ওপর সন্দেহ করেছে সবাই। আমার বুদ্ধি খুলে গেল, আমিও মিলের
মালিকের নাম করে বললাম, তারই ছকুমে আমি একাজ করেছি।

—মিলের মালিককে তুমি চেন নাকি ?

—কোনদিনও দেখিনি তাকে।

—আচ্ছা, আজ যাই রামদীন। তোমার সাহেব আবার তোমাব
ধবর জানবার জন্যে বাস্তু হয়ে আছেন।

রমা আর কিছু না বলে চলে গেল ।

মিঃ চৌধুরী রামদীনকে শুধু বলেছিল, অনিরুদ্ধ তার ও রমার শত্রু । অনিরুদ্ধকে চিনিয়ে দিয়েছিল সে । রামদীন ভেতরের কথা কিছু জানে না । তাই রমাকে দেখে সে উল্লসিত হয়ে সব বলে ফেলল ।

রামদীন ও রমার কথোপকথন থানার দারোগা তাদের অলক্ষ্যে থেকে সবই শুনেছিল ।

রমাকে দারোগা বলল,—বুঝলাম না তো কিছু ? সাহেবটি কে ?
—বলছি । আপনি সবই তো শুনেছেন ; মিলের মালিক নির্দোষ । দোষী হচ্ছে সাহেব, মানে, কলকাতার ব্যারিষ্টার কনক চৌধুরী । ব্যারিষ্টার কনক চৌধুরীর সাথে বাবা আমার বিয়ে ঠিক করেছেন । এতদিন আমার বি, এ, পরীক্ষার জন্তে বিয়েটা স্থগিত ছিল । ক’দিন আগে মিঃ চৌধুরীর সঙ্গে আমি মোটরে বাড়া ফিরছিলাম । মিঃ চৌধুরী একটি ছেলেকে চাপা দেন । চাপা দেবার পর তিনি জোরে গাড়ী চালিয়ে পালিয়ে যেতে চেয়েছিলেন ! আমি বাধা দিই । ইতিমধ্যে অনিরুদ্ধবাবু ঘটনাস্থলে এসে উপস্থিত হন । তিনিই ছেলেটিকে নিয়ে শম্ভুনাথ হাসপাতালে ভর্তি করে দেন । ছেলেটি এখনও হাসপাতালে আছে । তার একখানা পা কেটে বাদ দিতে হয়েছে । হাসপাতালে অনিরুদ্ধবাবুর সামনেই সেদিন আমি মিঃ চৌধুরীর এই হৃদয়হীন ব্যবহারের জন্তে কিছু বলেছিলাম । মিঃ চৌধুরী এতে খুবই চটে যান । অনিরুদ্ধবাবুকে তিনি কোনদিনই স্মনজরে দেখেননি । কারণ, অনিরুদ্ধবাবুর সংঘের আমি একজন নারী কর্মী । অনিরুদ্ধবাবুকেও মিঃ চৌধুরী সেদিন কটুক্তি করেছিলেন । কিন্তু এর জন্তে মিঃ চৌধুরী যে অনিরুদ্ধবাবুকে খুন করবার মতলব করতে পারেন, আমি ভাবতেও পারিনি । আজ রামদীনের নাম এই পরাণ মণ্ডলের মুখে জানতে পেরে, আমার সন্দেহ হল । তাই রামদীনের সঙ্গে সাক্ষাৎ করবার জন্তে আমি এখানে ছুটে এসেছি ।

অন্ধ ভেদতা

দারোগা এতক্ষণ রমার কথা শুনছিল। রমা থামতে দারোগা বলল,—একটা কথা আপনি স্পষ্ট করে বলবেন রমা দেবী ?

—বলুন।

—অবশ্য এই নামলার তদন্তে নিঃসন্দেহ হবার জন্মেই আমি আপনাকে জিজ্ঞাসা করতে বাধ্য হচ্ছি। আপনিই আমাদের মামলার প্রধান সাক্ষী। আচ্ছা, আপনি অনিরুদ্ধবাবুকে ভালবাসেন ?

রমা মাথা নীচু করে বলল,—হ্যাঁ, বাসি।

—আর সেই কারণে মিঃ চৌধুরী অনিরুদ্ধবাবুকে ঈর্ষা করতেন। আপনার আর অনিরুদ্ধবাবুর মেলামেশা পছন্দ করতেন না মিঃ চৌধুরী অনেকদিন থেকেই। সেদিন হাসপাতালে অনিরুদ্ধবাবু হাব আপনাকে একসঙ্গে দেখে আর অনিরুদ্ধবাবুর সামনে মিঃ চৌধুরীর সঙ্গে আপনার বচসা হওয়ায়, সেই দিনই বোধহয় অনিরুদ্ধ বাবুকে খুন করবার মতলব মিঃ চৌধুরীর মনে হয়। আপনি বলছেন, অনিরুদ্ধ বাবুকেও উনি কটক্টি করেছিলেন। এখন ভেবে দলন তো, আমি যা বললাম, তা ঠিক কিনা ?

—বোধ হয়, তাই।

—ধন্যবাদ রমা দেবী। মিঃ কনক চৌধুরীর ঠিকানাটা এদেব বলুন তো ?

—চলুন, আমি আপনাদের সঙ্গেই যাব।

—বেশ, চলুন। এক মিনিট। আপনার ষ্টেটমেন্টটা উনি লিখেছেন। আপনি পড়ে একটা সই করে দিন। হয়েছে লেখা ?

সামনে উপবিষ্ট অন্ধ একজন অফিসারকে জিজ্ঞাসা করল দারোগাবাবু। অফিসারটি যে এতক্ষণ তার ষ্টেটমেন্ট লিখে যাচ্ছিল, বুঝতে পারেনি রমা।

অফিসারটি একখানা খাতা রমার সামনে এগিয়ে দিয়ে বলল,
—আপনি সবটা পড়ে নীচে একটা সই দিয়ে দিন।

রমা ষ্টেটমেন্টটা পড়ে সই করে দিল।

অন্ধ দেবতা

ক্ষীণ কণ্ঠে আন্তে আন্তে অনিরুদ্ধ বলল,—পরান তোমাকে বড় ভালবাসে প্রসাদী । তাকে সুখী ক'রো ।

প্রসাদী কোন উত্তর দিতে পারল না । মুহুমূহুঃ তার ছ'চোখ জলে ভরে উঠতে লাগল । গাল বেয়ে গড়িয়ে পড়তে লাগল চোখের জল ।

হঠাৎ একটা হেঁচকা টান দিয়ে অনিরুদ্ধের মাথাটা বালিশের ওপর কাৎ হয়ে পড়ল ।

ডাক্তার বোস তাড়াতাড়ি নাড়ি পরীক্ষা করে অনিরুদ্ধের হাতখানা নামিয়ে রাখল ।

ঠিক সেই সময় প্রবীর ঘরে ঢুকল । ডাক্তার বোসের দিকে তাকাতে, ডাক্তার বোস মুখ নামিয়ে নিল ।

এতক্ষণে বুঝতে পেরে, ডুকরে কেঁদে উঠল প্রসাদী । কমলা বিছানা থেকে নেমে ঘরের বাইরে চলে গেল ।

ডাক্তার বোস ঘর থেকে বেরিয়ে গেল ।

পরানকে নিয়ে রমা যখন ফিরে এল, বাড়ীতে তখন শ্মশানযাত্রার আয়োজন চলছে ।

পরান বুঝতে পেরে, মাটিতে বসে পড়ে হাউ হাউ করে কেঁদে উঠল ।

রমা ওপরে উঠে গেল ।

মৃতের ঘরে অনেকের মধ্যে বিভাসকে দেখতে পেয়ে তাকে ডেকে বাইরে নিয়ে এল রমা ।

বিভাসকে সে জিজ্ঞাসা করল,—কতক্ষণ মারা গেলেন ?

—আপনি বেরিয়ে যাবার কিছু পরেই একবার মাত্র সামান্যক্ষণের জন্তে জ্ঞান হয়েছিল । তারপরেই হঠাৎ হার্টফেল করে ।

—আমি প্রকৃত অপরাধীকে পুলিশে ধরিয়ে দিয়ে এসেছি । মিল-মালিক নির্দোষ ।

—তাই নাকি ? এ খবরটা এখনই সীতা আর প্রবীরবাবুকে

অন্ধ দেবতা

জানানো দরকার । সীতাকে আপনি এ খবর দিন । আমি প্রবীর বাবুকে বলছি ।

—আচ্ছা ।

একটি ঘরের মেঝেতে লুটিয়ে পড়ে কাঁদছিল সীতা । কমলা তার পাশে বসে সীতাকে সাহুনা দিচ্ছিল আর নিজেও কাঁদছিল ।

রমা সীতার পাশে গিয়ে বসে বসল,—সীতা তোমার খণ্ডর সম্পূর্ণ নির্দোষ । প্রকৃত অপরাধীকে আমি পুলিশে ধরিয়ে দিয়ে এসেছি ।

কমলা বলল,—সবাই জেনেছে এ কথা ?

—বিভাসবাবু প্রবীরবাবুকে বলেছেন ।

—প্রবীরবাবুকে ডেকে দেবে ভাই ?

—দিচ্ছি ।

রমা চলে গেল ।

একটু পরে প্রবীর এল ।

কমলা বলল,—প্রবীর তোমার বাবাকে সবাই ভুল বুঝেছিল । তোমার মাও সকলের মনের ভাব বুঝতে পেরে, হয়ত নিজের লজ্জা ঢাকতে, চলে গেছেন । তিনি বড় আঘাত পেয়েছেন । তুমি সব কথা বলে তাঁদের খবরটা জানিয়ে দাও ।

—আচ্ছা, ছোট মা ।

চলে গেল প্রবীর ।

একচল্লিশ

কয়েক মাস পরের কথা ।

মহেন্দ্রবাবু ইজিচেয়ারে বসে সকাল বেলা কাগজ পড়ছিলেন ।

ক্রাচে ভর দিয়ে শ্যামল আর রমা এল । রমা বলল,—বাবা, শ্যামল আজ প্রথম স্কুলে যাচ্ছে, তোমাকে প্রণাম করতে এসেছে ।

শ্যামলের মাথায় হাত দিয়ে মহেন্দ্রবাবু বললেন,—থাক বাবা, আমি এমনিতেই তোমাকে আশীর্বাদ করছি । তুমি বড় হও ।

অন্য দেবতা

—চল শ্যামল, তোমাকে গাড়ীতে তুলে দিয়ে আসি। শ্যামলকে নিয়ে রমা চলে গেল।

কিছু পরে রমা মহেন্দ্রবাবুর ঘরে পুনরায় ঢুকে বলল,—বাবা, স্কুলে যাবার সময় আর স্কুল থেকে তার বাড়ীতে পৌঁছিয়ে দিতে আমি ড্রাইভারকে বলেছি।

মহেন্দ্রবাবু বললেন,—তা বেশ করেছ। কিন্তু মিথ্যে মায়ায় নিজেকে জড়িয়ে ফেলেছ মা। শ্যামল পরের ছেলে, বড় হয়ে তোমার কথা হয়ত ও মনেও রাখবেনা। ছুঃখ পাবে তুমি।

—না বাবা, শ্যামলের উপর তো আমার কোন দাবী নেই। যা করছি, সেটুকু ওর পাওনা। আমি ঋণ শোধ করছি বাবা। আমাকে যদি ওর মনে নাই বা থাকে, আমি ছুঃখ পাব না।

একটু চুপ করে থেকে মহেন্দ্রবাবু বললেন,—আমার শরীরের অবস্থা তো দেখতেই পাচ্ছ, মা। হয়ত আর বেশীদিন বাঁচব না। মরবার আগে তোকে যদি সুখী দেখে যেতে পারতাম!

—তুমি মিথ্যে ভাবছ বাবা। এই তো আমি বেশ সুখে আছি। ছোট ছোট ছেলে-মেয়েদের লেখাপড়া শেখাব, সাধ্যমত জনসেবা করব—এতেই আমার তৃপ্তি। অনিরুবদ্ধাবু যে আদর্শ আমার সামনে রেখে গেছেন, মনে-প্রাণে আমি তা গ্রহণ করেছি বাবা। নিজের বলে আমার কিছু প্রত্যাশা নেই, তাই ছুঃখ পাবার সম্ভাবনাও নেই। তুমি আমাকে বিয়ে করতে বলোনা বাবা; বিয়ে আমি করব না।

রমা ঘর থেকে বেরিয়ে গেল।

রমার গমন পথের দিকে তাকিয়ে রইলেন মহেন্দ্রবাবু। তাঁর বুক থেকে একটি দীর্ঘনিশ্বাস বেরিয়ে এল।

হস্তস্থিত খবরের কাগজখানা চোখের সামনে তুলে ধরলেন মহেন্দ্রবাবু।

